





II
juris prud.
78.a.

b0
2

Hoc Volumine continentur.

- 1) Gundling de Feudis Veyilli.
- 2) _____, de Efficientia metus.
- 3) _____, de Emtione Exorum.
- 4) _____, An nobilitet Venter.²
- 5) _____, de Jure Imperii in cM. Ducatum Etrurie.
- 6) _____, - de Renunciatione hereditatum filiorum illustrium.
- 7) _____, -- de Causa et origine unionis Electoralij.
- 8) _____, -- foliatur in my über Schilteri Ius Feudale.



D. NICOLAI HIERON. GVNDLINGII
SACRI TRIBVNALIS QVOD EST IN DVCATV MAGDEBURGICO
CONSILIARI REGH IVRIS NATVRÆ AC GENTIVM ITEMQVE ELOQVN-
TIE A IQUE ANTIQUITATVM PROFESSORIS IN FRIDERI-
CIANA ORDINARI

DIATRIBA
^{EX}
IVRE FEVDALI
ATQVE PVBLICO
^{DE}
FEVDIS VEXILLI

VVLGO

Fahn=Lehn

IN QVA

MVLTA NOVA DETEGVNTVR

MULTI

ERRORES VIRORVM CLARISSIMORVM OSTENDVNTVR
HAUD PAVCA VERO DISTINCTIVS AC COPIOSIYS
PROPONVNTVR.



NE STATERAM
TRANSILIAS.

HALÆ MAGDEBURGICÆ MDCCXV.
PROSTAT IN OFFICINA RENGERIANA.



A circular red ink stamp with the text "UNIVERSITÄTS- UND LANDES-BIBLIOTHEK HALLE (SAALE)" around the perimeter and "GERMANY" in the center.



439



PRÆFATIO.

Non est publici ac feudalis iuris doctrina
ita a Doctoribus polita, atque in cla-
ra adeo constituta luce, ut nihil addi,
nihil demi, nihil proponi amplius, nihil
queat emendatius. Scatent vulgares
libelli innumeris erroribus: desunt saepe auctoribus
necessaria in hanc rem documenta: multa occur-
runt audacius dicta, multa minus distincte scripta,
haud pauca parum curate expensa. Vnde nouus stu-
diosis hominibus aperitur campus, quo decurrant,
& industriam exerceant suam: possunt noua detegi,
ac noua lumina magnis licet voluminibus, atque in
celebritate versantibus immitti. Quod ut publico
bono promouendo permisum cuique; ita nobis
neutquam censeri debet interdictum, qui ad veri-
tatis cognitionem enixo contendere studio non
desistimus: gnari satis, neminem rerum ad erudi-
tio-

PRAEFATIO

tionem pertinentium habere μονοτάλειαν , aut ita omnes in feudorum disciplina ac publici iuris prudentia coemisse merces , nihil ut residuum ceteris sit , aut inuehendum restet aliis , quod verum non exposuissent isti , isti , repetimus , quibus volupe est , de facultatibus suis sperare magnificentissime . Nos , ut infirmitatis nostræ non immemores ; tamen ea ratione in hac caussa versatos deprehendet Lettor , multa ut nunc intelligantur penitus , plura certius . Cuius postremæ vocis sensum sic tamen censeo inflectendum , ut certum sumatur huic doctrinæ conueniens , ac comparete tale ; ne mathematica demonstratio mente depingatur , quæ a conjecturis abest , & in hac scena sæpe exspectatur , aut optatur perperam . Quod si itaque sinceri quidpiam de feudis vexilli tulimus in medium , non dubitamus , consulturos boni , quibus veritatis indagandæ desiderium est , aut non omnis ademptus modestiæ sensus . Si quid erratum , dabitur , credo , venia , quam a semita declinantibus indulsimus sæpe . Ceteros , quos exagitat affectus & inuidiæ lancinant stimuli , facimus flocci , eosque pro absentibus habentes propriæ lubidini relinquimus quieti .

CON-





Conspectus Diatribæ.

- §. I. II. Proponitur methodi
ratio. III. Romaniviro fortis
hasta sepe donarunt, ac vexillis.
IV. Sed apud Germanos potius
hastæ frameæque usus querendus.
V. Quid framea? VI. Descen-
dit a Germanico frum, fruma,
frumam. Celtæ ac Germani
omnem suministratam brym appel-
larunt. Brenner. Pyræni. VII.
Framea an Francorum brunia?
VIII. Brunia an lorica? an ga-
tea? quod negatur IX. Hasta
apud antiquissimas gentes potesta-
tis insigne. Hasta sceptrum. Ven-
ditio sub hasta. Amazones cum
bastis. Notatur Turnebus. X.
Germanis framea seu hasta nobis-
titatis atque auctoritatis symbo-
lum. XI. Framea flammula
ornata. Framea Childerici. Fah-
nen unde? fanon quodus operis
mentum, aut linteum significabat.
Prælatio vexillorum honoris cat-
sa. XII. Hinc Fan veteribus
Gothis Dominus: quod copiose
ostenditur, Fan DEVS. Tan- | fan DEVS inter abietes. Malo-
vendus apud Tacitum quid? Fan
diabolus. Scythe veteres & Sla-
ui Pan quoque Dominum vocita-
bant. Panowie. Banus Croa-
tie. XIII. Quid igitur hasta
vexillifera potestatis signum, hinc
feuda potestatis hoc tradebantur
symbolo. XIV. Potestas refere-
batur ad tractum. XV. Vnde
tot cum vexillis, baculo, hasta in-
uestiture. Notabilis Pippini ba-
culus, quo Thassilonem inuesti-
tit Boitem. XVI. Banni vox:
que variae significationis.
Bann / Gebiet. Bund / Bond.
XVII. An in iudiciis adhibita
vexilla? Affirmat Obrechius,
qui ab aliorum obiectionibus de-
fenditur. Mahls/ mallus vnde?
Handmahl. Leges Frisorum
Phstalboricæ. Vexilliferi iu-
sticie. Bandereti inciuitatibus.
Cur vexilla in iudiciis deserint?
Baculi tamen adhibiti. Stab-
Gevichte. Stapholum. Stabulum
iudicium. XVIII. Qui potestate

CONSPECTVS DIATRIBÆ.

praeerant bannerii vocabantur.
 Vexillum an recte symbolum collati feudi dicatur? Defenditur Schlegelius. XIX. Reges gladio inuestiti. Peculiaris Regis Bohemiae inuestitura per vexilla. Privilegium Bohemi. XX. Epi scopi inuestiebanur sceptro, quamvis conferretur feudum vexilli. Sceptrum ex Italia a Calixto II. Pontifice. Ibi Principibus noue creatis sceptrum in manus datum: exempla rariora, ubi vexillis inuestiti Ecclesia Praesules: hodie symbolo uniformi seculares & ecclesiastici feuda accipiunt. XXI. Chiffletius Marchiones gladio inuestiri scripsit: quod negatur. Non omnes, qui gladiis comparent in sigillis, gladio etiam sunt vestiti: nec verum, Dukes solos sic fuisse feudis suis initatos. XXII. Comites etiam eiusmodi signis in possessionem beneficiorum suorum missos demonstratur, & coniectura proponitur, quare forte in feudis maioribus gladius nonnunquam adhibitus. Cesares soli ius gladii conferebant ordinarie: quod binis diplomatis ostensum. Comites, ac Senatus in civitatibus olim non poterant ius gladii conferre in inferiores iudices, multo minus communitatibus dare de novo. XXIII. Baro quid? Erymologia vocis. Habent & illi feuda
 vexilli. Banner-Herr. Edler Panne. Banderetus. Explicatum vocabulum ambiguum semper-frey. Speculi Sueuci locus dubius expositus. Semper-Leute. Confusio Antonii Matthei nepotis notata. XXIV. Equites carbabant feidis vexilli. Non gaudebant regalibus. Iurisdictio criminalis noue collata. Origo nobilium imperti. Quare laxior iis potestas concessa? Ministerialis minoris dignationis, quam eques. Feuda loricae, clypei. Clypeis aliquando conuocati milites inferiores. Distincti a Baronibus nobiles. XXV. Questio utrum ciuitates allodia, an feuda, parum coherens. Ciuitates imperit an olim in feudum datae? Senatui nullum ius banni. Nunc ex perpetua commissione, aut etiam in aliquibus castris praedictaque iure feudi. Singulare Bavariae Ducis ius in Ratisbonensi ciuitate. Quo sensu habeant nunc feuda vexilli? XXVI. Quando insignia intexi vexillis cooperint? Baluzii ac Casanouæ opinio examinata. Ottonis Sperlingii coniectura. Defensa sententia, insignia certa ab expeditionibus prouenisse cruciatis & iure in imperii terras hereditario. Antonius Matthei notatus. I. I. Chiffletius commendatus. XXVII. Plura vexilla cur oblata

5



CONSPECTVS DIATRIBÆ.

& recepta? An vexilli symbolo dominium translatum? an possessio? Doctorum nuge explosive. XXVIII. Locus inuestitura sub dio. cur? inuestituræ in templis & cœmiteriis prohibite. Curia feudal is primaria Noriberga. Primorum comitiorum ius, quod adhuc Noricis saluum. Prima riarum precum species singularis. XXIX. Vexilla varii coloris. Iterus notatus. Peculiare Wür tenbergicorum Ducum vexillum. Ineptie de Germanorum auriflamma. XXX. Mauritius Elec tor an vexillis ultimo inuestitus solemniter? Negatur. Mullerus e. Mullero confutatur. Augustus Elector post Mauritium iisdem solemnibus inuestitus. Bohemia Regum & Austria Archiducum priuilegia. Causæ intermissi ritus variae. Potissima, quia non amplius comparent per se: quæ apparitura olim necessaria. XXXI. Etiam Comitiis ea iniuncta: quod probatur diplomata. Ducum vexilla a Comitum vexillis diuersa. XXXII. Proceres signa portantes. Quare testes adhibiti? Inuestituræ litteræ olim rarae. Nec semper exactæ. XXXIII. Vexilla lacerata. Bohemia Regum priuilegium, deuestire quid? refutatio feudorum quomodo facta? Significatio dispersionis & lacerationis ambigua. Propositæ va-

riæ conjectura. XXXIV. Vicariis ius conferendi feuda vexilli in interregno interdictum: at dubium, quid significet in aurea bullæ feudum vexilli? Exemplum Comitis a Palatino vicario vexillo inuestiti. Speculi sueuici ambiguus locus explicatus. Unde aurea bulla de feudis vexilli solenni apparatu concedendis explicatur. Varia argumenta adducta. Comites nunquam sub dio inuestiti. Rationes Boecleri, quare Principum vestitura adeo solennis? §. XXXV. Potest tamen Caesar speciali mandato vicariis ius inuestiendi permettere: uti permisit interdum aliis Principibus. De Episcopo Lubecensi Holsatum inuestiente singularia. Diplomata inedita producta: & tota res collocata in aprico, nonnullorum Doctorum neuis detectis. Misnia Marchiones an vicaria opera Ruthenos Comites inuestiuerint. §. XXXVI. Confutati qui Rege absente vicariis ius inuestiendi sine peculiari mandato tribuunt. §. XXXVII. An indulsum a vicariis peti queat? Quid? si non petatur. Distinctio inter feuda vexilli & reliqua minora. An principes obstringantur petere? an Comites? §. XXXVIII. Inanis disputation, an iam citatis viuo Imperatore Principibus conferant



CONSPPECTVS DIATRIBÆ.

Vicarii uestitutam? XXXIX.
Ius uestiendi quo sensu vocetur
reservatum Cesaris? An per in-
vestitutam conferatur superiori-
tas territorialis? XL. Feuda vexil-
liper seolim individua. Ius primo-
geniture in successione. Quando
dūidi coepit territoria. Ludol-
phi opinio considerata. Hertius
notatus: & ex alio fundamento
iterum contra Ludolphum defen-
sus. §. XLI. Feuda vexilli initio
masculina, non feminæ. An feu-
dum vexilli feminum repugnet
rationi? In Gallia, Burgundia,
Belgio feuda feminæ. Mascula
Philippi Boni responsio Sigismundi
faciali data. In Allemannia
& Saxonia rarissima exempla.
Ergo ibi non presumuntur. §.
XLII. Territoria imperii cum
iurisdictione ac regalibus virum

presumantur allodia, an feuda?
Status questionis rite formatus.
Inepta questio, num terra ab im-
perio non dependens sit allodium.
an feudum? Inuestitura omissione
non probat omnimodam liberta-
tem. Distinctio inuestitura in ex-
pressam & presumtam seu tacita-
m. Feuda solis. Varia dubia di-
scussa, §. XLIII. Feudum vexillan
involuat dignitatem regalem?
Hertii sententia considerata. Non
solis Longobardis haec formula
loquendi propria. Conciliatio dis-
sentientium tentata, §. XLIV. Co-
rollarium: an Cæsar solennem in-
vestitutam sub dio denuo possit ex-
igere atque illam introducere?
Quod variis argumentis negatur;
quamuis, cum feudum confert nq-
ue, id sibi possit stipulari.



DIA-



DIATRIBA EX IVRE FEVDALI
ET PVBLICO

DE
FEVDIS VEXILLI,
vulgo
Fahn = Lehn.

§. I.



I more in scholis recepto, quam de
feudis vexilli conscribimus, adornare
dissertationem vellemus, multa de feu-
dis generatim forent præmittenda, va-
ria de vexillis variis coaceruanda, Lex-
ica vniuersa, aut saltem plurima eu-
oluenda, ut sic cumulus fieret, multa-
rumque ad scopum non pertinentium
rerum farrago. At sæpe homines externi nostratisbus
peruersum hoc scribendi cacoethes feuere exprobrarunt:
nec immerito credo, quoniam non tam scribenda sunt,
quæ scimus, quam quæ facere non nihil ad propositum no-
strum videntur.

A

§. II.

§. II.

Ergo igitur id in primis docebimus, quid significauerit vexillum, quare tali symbolo feuda sint tradita, quibus, quando mos desierit, usumque harum obseruationum adiiciemus sane luculentum.

§. III.

Et primum quidem, si in Romana ire luberet castra, facile foret demonstratu. Romani enim viros fortis hasta saepe donarunt, vexillo, eoque puro, vel cæruleo, vel aureo, vel argenteo. Saltē id *Festus* adnotauit voce *hasta*: quid? quod Marius apud *Sallustium* in bello Iurgurthino inter usitata militum præmia hastas & vexilla recenset. Vtrumque præmium Aurelianus post bellum Gothicum & Probus post Sarmaticum ab Imperatore Valeriano acceperunt, teste Vopisco in *Probo cap. V.* & in *Aurel. cap. I.* Et est in marmoribus Oxoniensibus inscriptio, quam *Hugo Cholmley Baronettus Seldenianis* donariis adiecit, in qua *Publius Beslus Publio filius Quirinus Betuianianus A. C. Marius Memmius Sabinus* ab Imperatore Trajano CORONA MVRALI. VALLARI HASTIS PVRIS VEXILLO ARGENTEO dicuntur donati. Cui simile videtur marmor a Grutero relatum, ubi *Caio Iulio Corinthiano ob virtutem suam Sacratissimi Imperatores Coronam muralē, hastam puram & vexillum argenteum insigne leguntur dedisse*: vt taceam, quae *Humphredus Prideaux* in explicatione Marmorum Oxoniensium p. 142. & *Salmasius* ad *Vopiscum* p. 648. seq. congefferunt.

§. IV.

Sed non placet a Romanis repetere, quod in medio Germanorum, etiam antiquissimorum, inuenimus. Ipsum hic *Tacitum* allegamus, qui de framea, vel hasta nostra varia adnotauit, cui deinde lintea sunt adiecta. *Arma*, inquit de M. G. cap. XIII. *sumere non ante cuiquam moris*



moris, quam ciuitas suffeturum probauerit. Tum in ipso concilio vel Principum aliquis, vel pater, vel propinquus, scuto frameaque iuuenem ornant: haec apud illos toga, hic, primus iuuentæ honos; ante hoc domus pars videntur, mox Republicæ. Et cap. VI. Rari gladiis, aut maiortibus lanceis utuntur. Hastas, vel ipsorum vocabulo frameas gerunt, angusto & brevi ferro; sed ita acri & ad usum habili, ut eodem telo, prout ratio poscit, vel cominus, vel eminus pugnent. Et eques quidem scuto frameaque contentus est. Atque ait auctor, frameæ vocabulum peregrinum esse, hoc est, Teutonicum: quod & verum est. Nam Tacitus scire sine dubio debuit ac potuit, ad quod idioma pertineat vox *framea*.

§. V.

Saltem negari non potest, esse apud nos opificum instrumentum satis notum, quod vocatur *Psrimm* / unde anpsrimmen / anspießen. Quocirca recte Tacitus frameam hastam interpretatur einen Spieß/ pilum ferro subtili trigono præfixum, eine Picque, ein kurzes Gewehr/ cuius figuram Ioannes Jacobus Chiffletius in doctissimo tractatu p. 219. expressit, quem Anastasin Childerici præscripsit. Fuit enim eius generis telum in tumulo Childerici, Tornaci conditi, cum variis insignibus inuentum. Ex quo elucet, minus recte Isidorum frameam dixisse gladium ex vtraque parte acutum, aut spatham, aut rhoiphæam. Tacitus namque aliud in sua framea obseruat. Caussa, quare gladium appellauerint, aut οὐφαῖς, forte fuit, quod Martis insigne alias gladius sit, cuius manum Iuvenalis Satyra XIII. v. 75. framea impleuit. Sed probandum est primo, non potuisse Poetam externum armorum genus Marti accommodare: quin memorat Harduin in numis Provinciarum p. m. 863. vidisse se Turnonii apud P. Albaretum Societatis Iesu consortem Cæsar-

A. 2

ris



ris Aureliani numum, in quo Mars capite galeato cernitur, tenens sinistra hastam, Orbem Romanum offerens Aureliano: hanc *Iuuenalis* frameam dixit. Occurrit apud eundem *Harduinum* alias numus Imperatoris Hadriani, in quo ipsa Germania tunicata dextra hastam, læua ramum tenet. Hasta vero celebris Teutonum framea est.

§. VI.

Vnde mirari subit!, voluisse' nonnullos originem vocis a latino fremere derivare, ut *Iulianus* aut a *frendere*, quemadmodum *Isidorus*: cum tamen *Tacitus* ad idioma Germanicum eius natales referat. Si conieeturæ locus relinquitur, dicam, a monosyllabo *fram*, *fruma*, *frumam*, quod apud Gothos significat primum, præcedentem, vocabulum descendere: quandoquidem is, qui præcedebat, frameam gestabat. *Der Gramiste* / vel *frōmste* sonat excellentem. In lingua antiqua Cambrica brennyn Principem exprimit ac Regem, quod apposite Boxhornius obseruat. Germani ac Celtæ omnem summitatem *bryn* & *bren*, quin Dominum *fron*, Otfredi imitatione, vocant.*) Vnde forte *Brennus* Gallorum Dux summus fuit. *Brenner* montem altum indicat. Pyrenæus Celticum est: quod Romanorum pronunciatio deformatu haud dubie. Nec ambigo, quin etiam *brennen* *ardere* ex eodem fonte sit deriuandum: adscendit enim ignis, eminet, atque emicat super omnia. Ab hoc vero Latinorum pruna prouenit. Quod iis peregrinum vix videbitur, qui e *Dionysio Halycarnasseo Lib. I. Antiqu. Roman. c. 89.* tenent, ad Romuli asylum insignem Celtarum Germanorumque manum peruenisse. Quo factum, vt lingua Romulidum e Græco ac Celti-

(*) *Fron*-Leichnam est dominicum corpus, *Fron*-Altar dominicum altare, *Fron* domina, seu frea, *Frohn* dominicam operam facere,

Celtico sermone coaluerit: quod *Pezron* doctissimus in Gallia Abbas in tractatu, quem de antiquitate nationis & linguae Celtarum Parisius vernaculo semone anno cl̄ lCCIII. in publicum emisit, fere olfecit. In eo tamen a viro clarissimo haud temere recedo, quando a framea vocem fremere deduxit. Tam enim hoc est inficetum, quam cum a fremitu deriuatur framea, aut a frendendo.

§. VII.

Id autem levidense videtur, quando nonnulli litterarum *f.* & *b.* commutationem ferre nolunt. Est enim notum, Allemannos dicere *Psaffen*/ Saxones *Papen*/ alias *faffen*. Beta, ph. *Burta* *f.* ob varias caussas miscentur, ac permutantur. Taciti framea *Francis brunia*, itemque *bronia* appellatur. *Danis brynthwara*, seu *spiot*. Postremum *spiot* & nostrum *Spiess* / sive *spioß*/ idem significant. *Thwara* Germani *Wehr*/*Gewehr* nominant. Quod ex parte *Magnus Olavius* in Lexico Runico vidi: omnium autem optime *Thomas Bartholinus*, Thomæ filius, Haffnientis Academiæ Professor demonstratum dedit, qui eiusmodi Brynthwarām antiquitatū *Danicarum de cauſis contemptae a Danis adhuc gentilibus mortis Lib. II. cap. VII. p. 365. lit. A.* æri curavit incidi.

§. VIII.

Vnum est, quod nonnihil dubii relinquere in animis legentium possit. Constat quippe, *Cangium*, *Spelmannum*, *Pithoeum*, *Lindenbrogium*, secundum veteres glossas, *bruniam* pro lorica venditasse: ac pauci sunt, qui ab hoc significatu sese alienauerint. Sed ego vero in alia omnia eo & *bruniam* esse illam Francorum Teutonumque frameam non sine cauſa adfirmo. Vix enim aptum ex nomine indicium sese prodit, quare *brunia* significare loricam debeat. Quanquam enim sunt, qui a voce *berennen*

circumdare deducant ; tamen hæc vox ab armis potius, quam arma ab illa videntur origine in summis. Ut autem frameæ speciem exprimat , rationes sat graves sunt, quas adduximus. Nec prætereundum, ipsum tandem *Pithœum*, qui loricam interpretatus est, de eo significatu dubitasse. *Veteri enim inquit*, in *Glossario Salico p. m. 710.* *Saxonum lingua Bryn galeam notasse inuenio.* Rectius rationes subduxisset si frameam, ut ostendimus, per brynnam , seu bryntham indicari scripsisset. *Isidori* testimonium , qui sæculo VI. vixit , quamvis non probemus absolute , tamen utiliter contra ceteros accipimus, qui loricam sibi imaginantur, quum is gladium ancipitem, seu rhomphæam interpretetur. *Isidori* autem tempore bruniæ , seu bruneæ in usu fuerunt : cuius descriptio saltem thoracibus non favet. Gladii ancipites, seu rhomphææ facilius cum framea confunduntur, si demas hastile, seu contum , quam loricae cum gladio. Laudatus *Bartholinus* vero ex *Eigils Saga* evidenter signis probat, per brynthwaram hastile intelligi. Scaptid var eigihaerra en tacka matti hendi til fals ok furduliga digrt , jarnteim vari falnum ok scaptia allt jarnvasit. Van spiot voru Kollut brynthuarar: hoc est, eodem Bartholino interprete, *Hastile non longius erat, quam ut prædictum interstitium attingi possit manu.* (erecta, extremo hastilis in terram defixo) *Interstitium oblongum fuit & ferreum.* *Lignum laminis ferreis circumdataum erat.* *Istiusmodi hastæ dicebantur Brynthwahrae.* Hæc descriptio maioris mihi auctoritatis videtur , quam omnium Lexicographorum sine auctoritate loquentium consensio: in primis, cum etymologia bruniæ robur conjecturæ addat. Accedit, quod loricis veteres non videntur usi : Vestes e circulis ferreis contextæ recentioris æui sunt. In arcu triumphali, qui haud procul ab Arausione est repertus, quemque



que *Iosephus de la Pise* exacte depingi in *historia Principum Aurafionensium*. p. 27. curauit, quod is prælium Marii cum Cimbris commissum satis affabre repræsentaret, non apparent loricae, non thoraces, sed haftæ, Danorum ac Gothorum brynnis similes, & Francorum frameis. Posteriori tempore, non diffiteor, chalybe pectus contra gladiorum ictus ptæmuniuerit: neque hoc statim inualuit, sed tum demum, cum thoraces e bubulo corio ictibus excipiendis non viderentur sufficere. Et ne loricas Germanis vel Francis visitatas sine teste me negare dicas, ecce Agathias apposite Lib. II. histor. *Parabilis*, inquit, est quantum intelligo, gentis illius (Francicæ) armatura, nec multis opificibus indigens, sed ab ipsis, quibus gestatur, facilis, si quid laxatum sit, reconcinnari. Loricas & tibialia plane ignorant, inter eti caput plerique, pauci galeati præliantur. Tacitus paucis Germanorum loricas tribuit: in quibus sine dubio solum fuere, qui Rheno proximi, aut nostri intuitu habitant trans Rhenum. Quod argumento est, falli omnes bruniam pro lorica habentes. Ceterum nec brunia galea est: quod *Luther*, *Pithoe*, *Meibomio* in mentem venit, atque *Strauchio* in Dissertationibus ad Taciti Germaniam p. 65. itemque *Vossio* de vitiis latini sermonis p. m. 60. 73. maxime cum in legibus Athelstani Regis Anglo Saxonis galeæ a brynnis, seu byrnis distinguantur. Nominat is cap. XXXI. *Byrne and Helm / und vserguldni Schwerd / id est, byrnam & galeam & inauratum gladium.* Cui adiicias licet versus *Otfredi* Evangel. lib. V. cap. I.

*Ist uns das girusti
Brunia a la festi,
Ioh ist uns helm, ouch ubarthaz
Ioh Wafan a la Wesaz*

Nec



Nec prætermittenda charta apud *Albertum Miraeum Cod. piar.don. cap. XXI.* ubi legitur: *Bruniam unam & Helnum cum halfberga cetera*, idque repetitur post paucas lineas. Quibus præpositis aliter nunc , ac vulgo fieri solet, verba diplomatis, quod *Stephanus Baluzius* in Appendix ad notas *Capitularium* edidit, quodque *Carolus M. Ioanni* cuidam Saracenorum viatori dedit , expono: *Et inuenimus in ipsa epistola insertum*, quod *Iohannes ipse super hereticos siue Saracenos infideles nostros magnum certamen certavit in pago Barchinonensi*, ubi superauit eos in locum, ubi dicitur ad Ponte, & occidit iam dictos infideles, & cepit de ipsis spolia, aliquid exinde dilecto nostro obtulit, equum optimum & brunia optima & spatham Indianam cum techa de argento parata &c. Brunia optima sunt frameæ, seu hastæ optimæ: quemadmodum in omnibus Capitularibus & formulis , vbi id verbi occurrit.

§. IX.

Sed iam vero usus excursus de framea ostendens est: quod facio. Hasta quippe apud Germanos & veteres fere omnes regiæ, vel publicæ potestatis insigne fuit. De aliis gentibus locum *Iustini Lib. XLIII. cap. III. n. 5.* memorabilem cito : *Per ea adhuc tempora (cum Sabinæ raperentur) Reges hastas pro diademate habebant*, quas *Graci συντέχει* dixerunt. Nam & origine rerum veteres pro *Diis immortalibus hastas coluerunt* : *Ob cuius religionis memoriam adhuc DEORUM simulachris hasta additur*. Hinc Homero Reges dicuntur *Συντέχοι*. Plura Turnebus advers. *Lib. XXII. cap. XII.* congeffit; vbi tamen in erroris insidias incidit, quando mulieres non solitas hastas gerere adfirmat. *Berneggerus* ad *Iustini locum Apollinaris Carm. II. v. 432.* allegat: ego numum commendabo, quem *Carolus Patinus* vir celeberrimus in *Thesauro* exhibet, in quo Amazones cum hastis & bipennibus



nibus, aut pelta contra Turnebum testimonium dicunt. Et hic vero ab *Arriano* deceptus est, qui Amazones secures, vice hastarum, gessisse docet lib. VII. de *Alexandri expeditione*, cuius verba, quia nimis videntur longa, studio omitto; atque interea *Hippocratis* ei testimonium in libro de aere aquis & locis, oppono: *ιππαλοντά τε καὶ τοξεύσοι καὶ ἀκοντίζοι ἀπὸ τῶν ιππων*. Equitantque & arcu sagittas excutiunt ac hastas manu torquent. Nullus dubito, quin inde etiam venditio sub hasta apud Romanos sit deducenda: bona enim publica auctoritate venientia hasta posita, præcone prædicante, plus licitantibus addicebantur: quod Iunius Rabirius libro singulari de *hastarum auctionumque origine* copiosius ostendit, quem *Ioannes Georgius Grævius* Tomo III. Antiquitatum Romanarum inferuit.

§. X.

Germanis vero adeo illud auctoritatis familiare signum fuit, ut, quemadmodum supra e Tacito probauimus, tum demum pro parte Reipublicæ haberentur iuvenes, si frameam, hoc est, hastam accepissent. A quo more non videntur recessisse maiores nostri, cum sibi Reges ex virtute, ac deinde e nobilitate sumerent. Gregorius Turonensis de Guntrammo Rege Lib. VII. cap. XXXIII. *Data in manus Childeberti hasta, ait: Hoc est indicium, quod tibi omne regnum meum tradidi. Ex hoc nunc vade & omnes ciuitates meas, tanquam tuas proprias, sub tui iuris dominationem suscipe.* Idem de eodem *Amoinus* tradit Lib. II. cap. LXVIII. *Hastam, quam manu gerebat, nepoti tradidit, inquiens: Hoc amantissime nepos indicio noueris, te mihi successurum in regno.* Id amplius obseruandum, hastam, sceptrum, virgam, baculum, fustum eiusdem significatus esse. Non opus est in hanc rem nouis argumentis. Adtulit adamantinus *Cangius*

B

quam



quam plura , quæ non exscribo : nec defuit in hoc demonstrando *Chiffletius* , cuius Anastasii Childerici evoluas precor p. 106. His iam scriptis , deprehendi, in dubium vocari a nonnemine *Chiffletii* opinionem ; quod sceptorum alia figura sit atque hastarum, seu framearum. At statim quoque animaduerti , non esse vindendum, quid peregrino sit adiectum artificio , aut etiam domestico , quam quæ initio fuerit sceptorum & baculum formæ. Ipse *Chiffletius* varias imagines Francorum Regum cum sceptris exhibuit , quæ in summitate saepius in frameam desinunt: ut alia exempla omittam. Ceterum moneo , effosso cum Childerici feretro annulos Regis huius effigiem, cum framea seu hasta , quam manu tenet crinitus, præ se ferre.

§. XI.

At nunc nonnihil superaddam, quod *Chiffletius* non vidit, & si vidisset, copiosiori forte commentario illustrasset. Est illa hasta signifera. Vti enim Romani hastis suis; ita gentes fere omnes, & in primis Franci regiae virginæ funem primum, deinde linteum particulam in extremitate adiecere. Ab hoc signa militaria vexilla denominabant, vti Germaniæ populi a bando, bñden / fanon eius generis hastas *Fahnen* / *Panners* / *Banniers* appellasse certum est. De fune hastis alligato varia notata digna e Romanorum annalibus in medium adtulit *Henricus Dodwellus* in doctissima dissertatione , quam post eius fata *de Parma equestri Wovardiana* in vulgus ante biennium edidit Thomas Hearne. Germani quodus operimentum , aut linteum , fannonis nomine insigniunt. Ipsa mappula *Otfrido* Monacho *Wissenburgensi* *Tischfahnon* dicitur. Sacerdotis indumentum vulgo phanonem appellari *Rhabanus Maurus* de institutione cle-

ri-



ricorum cap. XVIII. adfirmat. Fallor, an *Mæßgewand*/ siue *Mæßgefand*/*Gewand*/ eius rei indicium præbent? Minimum id puto apparere, non esse, quod quis magno labore originem vocabuli *fanonis*, seu *Fahnen* / *Panner*/ vestiget. Saxones littera *p.* vtunrur, vbi Allemanni *f.* usurpant, seu *ph.* In hoc autem ad vnum consentiunt omnes, hastam linteo, vel alterius panni frusto superne ligatam *fanonem*, seu *Fahnen* fuisse dictam. Iam vero pro explorato habemus, præcipuos ex nobilitate & qui de republica bene merebantur, aut pars eius siebant, eiusmodi framea a plebeis sese secreuisse. Hinc Regibus quoque vexilla legimus prælata. Adscribam *Gregorii Turonensis* locum illustrem de Guntramno Rege *Lib. VIII. cap. I.* Sed cum ad Aurelianensem urbem venisset, processit in obuiam eius immensa populi turba cum signis atque vexillis, canentes laudes. Eodem honore postea populus Episcopos, utpote Dominos suos, affecit: quod ex eodem Turonensi facile foret ad demonstrandum. Hic mos in quam plurimis ciuitatibus hodienum perdurat: eaque de re exempla prostant infinita. Lege iterum *Salmasum* ad *Vopiscum* loco supra allegato.

§. XII.

Sed ad alia properamus. Animum namque, induco, veteri Gothorum Germanorumque omnium lingua dominos fan, fanins esse propterea appellatos. Est in versione *Vlphilæ Luc. I. v. 28.* *fan mith thus* Dominus tecum: & *Matth. VII. v. 26.* *Managai quithand in gainamma daga:* *Fan, Fan.* Manche werden an jenem Tage sagen Herr Herr. *Quethan,* Allemannis atque Helvetiis in primis, dicere significat, seu canere. Et notat *Franciscus Iunius* in *Glossario Gothicō*, gentes Septentrionales supremum numen nomine *Fan* honorasse. Quod iis persimile veri videbitur, qui *Tanfanam* in *Marsis*,



de quo templo *Tacitus* nonnulla stilo consignauit, in memoriam sibi reuocant. *Tanfan* est DEus in luce inter abies. At nec pueris obscurum est, maiores nostros lucos ac nemora consecrassae. Quod de *Tanfana* ad firmamus, primus *Loccenius* in Antiquitatibus Sueo-Gothicis animadvertisit, & ex eo *Hertiūs* in *notitia Veteris Germaniae popularum cap. III. n. VI p. 33.* Nostrum est, addere in transcursu locum *Tanfanæ*, cuius vestigia etiamnum supersunt. Ac faciam id quidem Clarissimi *Hermannii Adolphi Meindersii* verbis, qui in dissertat. II. de Religionē Saxonum gentilium p. 125. Durat, inquit, adhuc nomen *Tanfanæ* in veteri vico *Borgholzhausen* prope arcem vetustam siue castellum *Ravensberg*, unde totus Comitatus nomen habet. Quod vulgus, siue incolae *Dempfpanne* vocant, prope ecclesiam Parochialem ibidem. Et putant, locum, iam aquis repletum, extinguidis ignibus olim fuisse consecratum: sed male, Et contra usum vocabuli Germanie. Quis enim tamen locum aquis plenum eine *Dempfpanne* vocat? Vocabulum illud absque dubio a *Tansana* celeberrimo in Marsis templo desumptum Et corruptum a vulgo, antiquitatis patrie Et vetustatis ac historiarum ignaro. Id solum latuit Virum doctissimum, Fan DEum, seu dominum signasse. Quo obseruato dissidium facile evanescet, Deane fuerit, an DEus, quem coluere Marci. Nec ambiguum erit amplius, quis fuerit Malouendus Marforum Dux, de quo *Tacitus Annales Lib. II. cap. XXV. n. 2.* nonnulla memoriae prodidit. Malovendus est Satrapa Marforum. Mal-lus, *Maal*, significat iudicium, legem, siue iudicij locum. Vendus est nostrum Fan, *Fand*/Fend. Nec de nihilo videtur, quod amplius adiicit *Iunius*, Gothos, cum superstitione pristina se abdicassent, & Christianæ religione nomen dedissent, malo genio *Fani* elogium reliquisse.

Qui-



Quibus in luce constitutis non possum non de Sarmatis, ac Venedicis populis occasione vocis *Pan* inspergere aliqua, fortassis non iniucunda. Nam & illis *Pan* vocatur dominus. *Pancwiz* est filius domini: Banum Croatiæ nemini reor ignotum. *Panowie* appellantur apud Polonus Herren: & quod memoriae imprimendum, non omnes ingenui eo titulo superbiunt, sed regni Senatores. (*) Quod qui mirantur, ii sibi putent dictum, tam Teutonicum, quam Slauonicum idioma multa quotidiana vocabula e Scythica lingua mutuo sumfuisse: & nisi tum acquiescere velint, cogitent obsecro, plura eorum diligentiam fugere, nec pauciora captum transcendere. Atque siccirco bene agent, si *Lucili*, quod *Gellius* nobis seruauit, fragmentum interea bene pensive.

Verum hæc ludus ibi susque omnia deque fuerunt
Susque & deque fuere inquam omnia ludus iocus-
que.

Quibus autem otium suppetit, iis auctor sim suasorque, ut de Faunis, de Siluano, de Fanis, de Venere perplura curiosius anquirant: nobis iam non licet esse adeo felicibus.

S. XIII.

Magis enim est, vt de fevdis vexilli paulo agamus. *Iuculentius*, & post varia adnotata, lucem affundamus obscurioribus. Igitur pono primum, idque concedi mihi postulo, Reges Francorum, & qui in eorum locum quadam tenus successerunt, Reges Germaniae beneficia & feuda maiora vniuersa itemque singula cum potestate, quæ expressio illius regiæ auctoritatis est, & vel proprio, vel Domini nomine exercetur, vasallis hominibusque imperiuisse suis. Traditio potestatis ac iuris, quod adres incorporales pertinet, in re præcipue absenti symbolum, seu signum videbatur eo in primis tempore fla-

B. 3. gita.

(*) Confer. *Tenzelii colloquia menstrualia* c. 1599, p. 147. seq.



gitare, quo morum quædam regnabat simplicitas. Signum regiminis hasta est, framea, virga, baculus, fustis, vti demonstrauimus. Hastæ alligatum erat signum, linteum, pannus, pannulus. Quocirca relinquitur, vt feudum potestatis in Regno non nisi per vexillum, seu hastam signiferam ordinario tradi potuerit, atque simul terra, cui officium erat adnexum.

§. XIV.

Terræ mentionem studio fecimus, non quidem, quod totus semper tractus vasallorum dominio ac proprietati fuit addictus; sed quod in eo exserere illa se se potestas debuit, quam a Rege accepere. *Quis enim dixerit, totius terræ Dominos factos fuisse Bauariæ, Saxonie aliarumque prouinciarum Principes?* Solus Turcarum Imperator tali in suos imperio dominioque pollet. Germaniæ Vasallis satis erat, frui, in præmium laboris, non nullis beneficiis; cetera imperio potius, & auctoritate adtingere, quam proprietate complecti. *Quod & Capitularia docent.* Quibus animaduersis, plures sane errores deuitantur, iique periculosi, & obscurandæ feudorum ac publici iuris disciplinæ apti. Interea nemo diffitebitur, & feuda cohaerere terris & terras feudis. Honor, quo Rex suos dignatur, ad certos tractus, pagos, & prouincias interdum adstrictus est. Honorem dico, non tantum, quia veteres ea voce vñ sunt, sed & quia is, qui tali beneficio donabatur, munus publicum regni subibat, cui honor, potestas, veluti comes individuus, erat adiunctus. At istud vero hasta signifera tradebatur, & cum eo simul terra, qua vel frui vasallus, vel præesse eidem cum imperio debebat,

§. XV.

Igitur tot cum vexillis occurunt inuestituræ, tot traditiones cum hasta, a qua flammula in Germaniæ regno aut aberat nunquam, aut raro. Ita Faustus in vita



vita S. Mauri de Theudeberto Rege: *Vocans ad se ne-*
potem ipsius Flori, nomine Andrannum, dedit ei per sce-
trum regale, quod manu gestabat, quæcunque Florus pa-
truuseius ex regali possederat dono. Antea vero obserua-
vimus sceptrum, virgam regiam, baculum, hastam,
fustem illo tempore promiscue sumi. Nunc Ditmari locus
excutiendus est, qui quod hactenus adstruximus, perspi-
cue monstrat. Henricus II. inquit p. m. 377. inde per
Turingia, orientalisque fines Francie transiens ad Ra-
tisbonam venit, ibique, regali habitu placito, militi
suimet, generoque Henrico XII. Kalend. April. cum omni-
um laude praesentium, cumque hasta signifera Ducatum de-
dit. Otto Frisingensis vero Lib. II. cap. V. ad morem
curiae hisce verbis prouocat: *Est consuetudo Curiae, ut*
regna per gladium, prouinciae per vexillum a Principe
tradantur, vel recipiantur. Idem Frisingensis de singulari
inuestitura a Lothario & Innocentio II. peracta L. VII.
cap. XX. verba faciens: *Præterea, inquit, in dando Du-*
catu Apuliae Reginaldo, seu Ranulfo viro forti ac nobili,
inter Imperatorem Lotharium & Romanum Pontificem
pæne controuersia orta fuit, vtroque Ducatum Apuliae sui
fere iuris affirmante. Quæ lis consilio tandem hoc modo
decisa dicitur, vt in dando Duci vexillo vterque manum
adhiberet. Posset aliquis hanc inuestituram simultaneam
vocare activam: quod, nisi me animus fallat, tanquam
peculiare iam Schilterus in *Commentario ad Ius Feu-*
dale Saxonicum & Allemannicum animaduertit. Eo-
demi referenda Friderici I. Imperatoris constitutio
in fauorem Henrici Austriae Ducis, Ratisbonæ
a. cl^o CLVI. data: *Dux Austriae principali indutus veste,*
superposito pileo Ducali, circumdato seruo pinnito baculum
habens in manibus (hoc est, interpretante Ioanne Ja-
cobo Chiffletio, in *Commentario Lothariensi* p. 97.
ha-

haftam signiferam) *equo insidens & insuper more aliorum Principum imperii conducere ab imperio feuda sua debet.* Nam et si nonnulli Austriacum istud diploma falsitatis arguere præsumunt; ego tamen nunquam inducere animum potui, vt temere adfirmantibus calculum adiicerem. Nec vilipendendum, quod in diplomate Wenceslao primo Luxemburgico Duci a Carolo IV. Metis a. 13CCCLIV. dato legitur; Decernit enim, *ut Wenceslaus frater Dux & eius heredes ac successores Luxemburgi Duces, Ducatum seu Principatum Luxemburgensem ab ipso, nec non Serenissimis Imperatoribus, seu Regibus Romanis successoribus suis & ab ipso Romano Imperio, quoties oportuerit, debite solennitatis honore & VEXILLIS, uti moris est, & solita reverentia suscipere debeant: ut taceam alia atque innumera exempla.* Tantum ynum mihi succurrit, ybi hasta non vexillo, sed vultu humano fuit ornata. Sic enim de Tassilone Bauariæ Duce *Annalistæ Nazarianus* ad a. 13CCLXXXVII. *Tassilo Ducatum, quem a Pippino Patre quondam accep- rat, Victori filio Carolo reddidit cum baculo regiminis ei prius attributi symbolo, in cuius capite similitudo hominis erat, & effectus est Vassus eius.*

§. XVI.

Quæ cum ita sint, patere iam censeo, vnde banni vox sit exorta. Hasta enim signifera regiminis symbolum est. Bannerium, fanon, bandum cum simul incidunt. Bannire significat præcipere, vetare, citare. Vnde Heribannum citatio ad sequelam. Bant nostra dialecto effertur ein Gebiet / eine Herrschaft. Hinc Bratusbantius, Brabant / aut Brethband / aut Brachbant / Teisterbant. Bannum sanguinis est iurisdictio alta, maior; banniti, banditi sunt personæ e limite imperii nostri electæ, aut tali nota signatae, vt a quocunque occidi, aut capi & ma-



magistratui offerri ad puniendum possint. Bannales homines sunt ad certum tractum pertinentes. Apud Anglo Saxones *Bunds / bonds* vocantur limites, termini, metæ. *Guilielmus Somnerus Cantuariensis* a Saxonico *band / binden* deducit in Glossario, quod Scriptoribus *Seldenianis*, aut, si maiis, *Twisdenianis* est annexum: cui consentit breuis interpretatio, quæ ad calcem nouæ *Matthæi Parisiensis* editionis inuenitur. Eo pertinet, quod Glaber Hist. Lib. II. cap. X. trodit: *Multi ibi limites, quos alii bannus nominant, suorum recognoverunt agrorum.* Terminos etenim *banna* nonnullis vocatos *Spelmannus* vidit, & ex eo *Cangius*, qui addidit plura. Quis enim modos loquendi omnes, qui occasione vocis *Band / & banni* invaluerunt, in dissertatione aliquot plagulis constante recensebit? Id notatu in primis dignum, vexilli erectionem in altioribus urbium, vel castrorum turribus supremi dominii symbolum semper fuisse: quod innumeris illustrari exemplis posset, nisi *Cangius* aliisque nobis otium fecissent.

§. XVII.

Hoc quæri dignum, sintne in iudiciis adhibita vexilla? Et putat doctissimus *Obrechtus* in dissertatione de *Vexillo imperii*. Satis quippe constat, vexillum pro citationis signo hodieque haberi. Quod iis exploratum, qui in ciuitatibus imperii liberis aliquamdiu vixerunt. Sed video tamen, confutari *Obrechtum* e *Gryphiandro de statuis Rolandinis*, qui hoc negat, quod nusquam iudiciis appensa legantur vexilla: cui id insuper argumenti addunt, celebrata iudicia sub dio, adeoque vexillis locum esse non potuisse. Sed vereor, ut hæc omnia concludant, atque *Obrechtum*, qui in transcurso & paucis hac de re egit, loco suo depellant. Legitur enim in Metropoli Salisburgensi Tom. III. p. 501. quam edidit *Wiguleius*

C

Hun-



Hundius , ac multo auctiorem *Christophorus Gewoldus*: Abrenunciauit omni querela, quam fecerat super patrimonium Comitis Sigbottonis -- Et hoc factum est - - - sub vexillo Ducis Austriae duello affixo. Huius rei testes sunt &c. insuper omnes, qui aderant sub vexillo Ducis. Quis autem nescit iudicis decreto ambiguas disceptationes solitaria saepe pugna finitas? Nec ab re est, quod obseruat *Ioannes Loccenius* in *antiquitatibus Sueo-Gothicis Lib. III. cap. II.* superesse adhuc apud Suecos, Gothorum antiquam propaginem, Iudicium Statarium , *Standræte* seu *Standrecht*: quod in eo vexillis in terra defixis ius dicatur. Apud *Heluetios* inter milites, & vbi notissima crimina sunt punienda confessim, idem obtinet. Vnde per se concidunt , quæ aduersus *Obrechtum* de iudiciis sub dio celebratis afferuntur. Hoc enim magis firmat, quod animo intendimus. Nam quia sub dio , aut in campo iudicia, etiam signis locus, ut agnosci & inueniri possit, debuit notari. Vnde & mallus a *Mahl*. Signum autem vel lapis, vel arbor, vel hasta signifera, vel crux etiam cum gladio. Ex eo est, quod *S. Rembertus* in vita *S. Anscharii cap. XVI.* eiusmodi placitum scenam in campo ad colloquium partam appellat. Iudex ad id signum præstabat iuriandum; & quidem manu exserta. Vnde forte ipsum iudicium dictum *Handmahl* / arguente *Antonio Matthæi* in notis ad *Chronicon Egmondanum p. 220*, quamuis non nesciam paullo aliter hac de re sentire doctissimum Iuuenem *Brummerum* de Scabinis cap. V. §. 3. Addo , ac fortassis non sine caufa, in Frisia leges Vbstallbomicas occurtere, dictas a loco *Vbstallboom*, vbi arbor erigebatur , seu lignum, es wurde eine hohe Stange/oder Baum aufgestellt/ prope Auriam, arbor signo, credo, flammulisque ornata. Ea de re consulendus Vbbo *Emmius Lib. II. Rer. Fri-*



Frisic. p. m. 27. & Lib. XIII. p. 190. In iure prouinciali Saxonico nonnihil occurrit de hasta, seu ligno malli *Maal-Baum*. Est & epistola in Bibliotheca Imperatoris, tridente *Lambecio L. II. Commentar. p. 953.* nomine Republicæ Florentinæ ad Carolum VI. Galliarum Regem perscripta, cuius talis subscriptio: *Serenitati vexilla deuotissimi seruitores & filii priores artium & vexillifer iustitiae populi & communis Bononensis*. Ac notat *Poggius Florentinus* in funere Leonardi Aretini, eum functum summis Magistratibus ciuitatis. Magistratus autem vexilla vocat. *Bis*, ait, *ex decemuris summo fauore ciuum factus fuit, vexillumque societatis tribus gesit ac ex Prioribus unus est creatus*. Ad id quoque (quod precipuam est in ciuitate) vexillum peruenisset, nisi mors viuendi finem adulisset. Orationem Poggii *Baluzius* edidit Tomo *Miscellaneorum III.* Similia fere animaduertuntur in subscriptione litterarum Bononiensium ad Bartholomæum de Lanfrancis: *Antiani Consules & vexillifer iustitiae populi & communis Bononensis*. Addit Antonius Matthæi in tractatu de Nobilitate Lib. IV. cap. XXVIII. *Et fere ubique id obtinuit*. Saltem apud Heluetios, & Bernates cumprimis, Bandereti, seu vexilliferi Vrbis amplissima olim potestate dicuntur prædicti: de quo nonnihil *Simlerus* adnotauit. Ceterum caue putas, me minus apposite, quod in Germania obtinuit, probare ciuitatum Italiæ exemplo, aut Gothorum Suecorumque. Sunt enim Gothi veterimi Germanorum; & quod cum maxime notandum, Italiæ ciuitates, post pacem a Friderico Barbarossa Constantiæ obtentam, eodem fere modo ac Teutoniæ oppida libera sunt gubernatæ: quod e tabulis pacis Constantiensis perspicue elucet. Cui non obest, nihil horum obseruari in iudiciis hodiernis. Id namque tam parum probat, quam si quis adfirmaret, non animad-



ueriti nostro tempore inuestituram per vexilla , iccirco eam nec olim obtinuisse vnquam & vsquam. Neque vero dubito, vexilla in iudiciis fere desistit, quando in basilicis ius dici coeptum, inque atriis ecclesiarum, choro, aut etiam curiis tectis munitis , &, contra prohibitiones iteratas, continuauit. Mansit tamen mos, vt vexillis conuocarentur homines , si quid magistratus auctoritate iis esset publicandum. Ultraiecti hastam erigunt eo loco, vbi capite puniuntur malefici. In ceteris iudiciis baculis vñ sunt, hodieque multis locis vtuntur. Vnde, cum iurant, manum baculo iudicali admouent ligaculo haud raro ornato Frangitur quoq; bacul9. Archiepiscopus Moguntinus inuestiturnit den *Stabgerichten* / quod e diplomate posset demonstrari, quæ is ex parte Comitibus Glichenibus aliisque in subfeudum concessit. Vid. Lunigii *Deutsches Reichs-Archiv* Cont. II. part. VI, p. 60. Nec scio, annon in legibus Ripuariorum & Francorum capitularibus regius mallus inde sit dictus *Staplum, Stabolum, Stabpholum.*

§. XVIII.

Quibus rite pensitatis consequitur, vt, qui potestate & auctoritate aliis præerant, vexillis sint donati, siue militare imperium acciperent, siue ciuile, adeoque domini esent, Duces, Principes, Comites, Barones: de quo copiosi postea. Et ita autem non ii solum Bannerii nominabantur, qui milites in aciem educebant; sed & qui imperabant, ius dicebant, & banno, bando auctoritate præibant. Vnius rei plures possunt esse caussæ: nec absonum, banni vocabulum eam ob rem factum πολύσημον. Quocirca recte Schlegelius, vir clarissimus, dissert. de numis Isenacensibus, p. 7. coniicit, suis vexillum symbolum in Landgrafiorum Thuringiae numis rite ipsis ab Imperatore collati feudi ac iustæ possessionis suorum principatuum. Quamlibet enim sint, qui ex eo subuertere hanc sententiam velint, quod ipsi



ipſi etiam Reges atque Imperatores equo vexti vexillum
vibrent; parum tamen ea mihi concludere ratio vide-
tur. Quae enim vasallis tribuitur potestas, imago illius
supremi est imperii, quod Regi competit. Quamobrem
regius bannus dicitur, quem ex ipſius manu accipiunt
vasalli, seu clientes: quod in ſequentibus confirmabitur lu-
culentius. In eo autem vix errant, quando etiam Re-
gum hastas vexillaque imperii ſymbola dicunt & agno-
ſcunt.

§. XIX.

Sed nunc vero anſa nobis ſuppeditatur inquirendi,
num Reges quoque clientelares, seu fiduciarii vexillis
ſint inuestiti. Evidem *Ottonis Fribingenſis* locus, quem
§. XV. in medium adtulimus, contrarium indicat, vbi
regna tradi gladio dicuntur. Cui *Guntherus in Liguri-*
no ſuffragatur, *Lib. I. v. 545.* quando de Daniæ Regis in-
ueſtitura canit:

Huc etiam geminos Petrum ſimul atque Guidonem,
Danorum Proceres, quos inter ſanguine iunctos
Mouerat eiusdem regni diſſenſio litem,
Euocat ac tali cauſam ratione diremptam
Terminat; vt quædam prouincia tota Guidoni
Cederet, at regnum cum nomine Petrus haberet.
Ergo vbi vexillo partem, quam diximus, ille,
Hic autem gladio regnum fuſcepit ab ipſo
(Hunc etenim longo ſeruatum tempore morem
Curia noſtra tenet) poſito diademate Petrus
Regali dextra tulit alti Principis enſem.

Deprehendo tamen Bohemiæ Reges vexillis inueſtitos. Quod inde cum maxime probo, quod in eorum
privilegiis a Friderico III. Imperatore recenſeat, ut
dum *Rex Bohemiae cum Rege Romanorum seu Imperatore*

*Regalia, seu inuestitram cum solennitate, & Banderis
sibi conferri petierit, ut solennitatibus expletis Regi mini-
me laſa, fracta, aut lacerata restituantur, quibus hospiti-
um suum a ſolio Cœſareæ Maiestatis reuertatur.* Tabulas
integras *Balbinus* in *Miſcellaneis* p. 109. in appendice
documentorum exhibet. *Cauſa hui⁹ rei ea videtur subeffe,*
quod Bohemia prouincia Regni Teutonici fit, & ex con-
ſequenti Bohemus de illius partibus inuestiatur: quod
e litteris eiusdem Friderici III. patrio idiomate Vladislao
a. 1467. datis clarum fit: *Wann nun / als wir in unſerer
Käyſerlichen Maieſt. geziert gesefſen ſeyn / für Unſ kom-
men ist der Durchlāchtig Vladislauß König zu Böheim/
des heiligen Römischen Reichs Erzſchenk und Churfürſt
rc. mit ſeinen Panieren und Landen / zugehörenden zu der
Cron und dem Königreich Böheim / geziert mit ſeinem
Churfürſtlichen Kleid / als ſich gebühret: und hat uns
angerufen und gebeten / daß wir Ihme das Curfürſten-
thum mit der Cur und dem Erzſchenken-Ambt deß heil.
Römischen Reichs / zu der Cron zu Böheim gehörig / mit
ſamt ſeinen Marggraffſchaffen geiſlichen und weltlichen/
Erzen / Bergwercken / Geleiten / Wildbahnen / Wadens-
reyen / Zollern / Ehren / Rechten / Würden / Zierden / Hohen
und Niedergerichten / Gerichtszwängen / und allen andern
Herrlichkeiten / Rechten und Gerechtigkeiten / zu der gemelten
Crone Böheim gehörende / zuſchen und zu verleyen gena-
diglich geruheten rc. Dania regnum e contrario non
pars imperii Germanici eſt, ſed per ſe ſubſiēns: quemad-
modum Neapolitanum, quod a Pontifice Romano tan-
quam beneficium recognoscitur. Et ne obueratas,
forte recentiori ætate morem investiendi per vexilla
Reges Bonemiæ, irrepſiſſe, noto, iam Fridericum II. in
privilegio Basileæ a. cl. CCXII. die XXV. Septembris exara-
to, eius rei ac prærogatiuæ, ne videlicet in vulgus di-
ſcer.*



cerpenda spargerentur signa, mentionem fecisse: quod celeberrimus *Hertius* in dissertatione de renovato *Rom. Germanici imperii & regni Bohemiae nexus* Sect. III. n. II. non animadvertisit, ad solum Friderici III. privilegium provocans. Sed *Weleſlavinus*, qui priuilegia Bohemiæ peculiari & grandi MS. compilauit, quem sectantur *Eisenius*, *Goldastus*, *Balbinus* merito id Friderici II. benignitati vindicant. *Hertium* decepit *Balbinus*, qui in Miscellaneis istud documentum non adtulit: quanquam in rerum Bohemicarum epitome p. 252. eo digitum intendit, & contenta refert. Fridericus III. priora confirmavit, quædam de suo adiecit. At hinc vero eveniebat, ut Rudolphus Ottocaro, quem, inspectante ex vtraque Danubii ripa tam Bohemiæ quam Teutoniæ exercitu, solenni ritu de terris ac feudis suis inuestiebat, bina vexilla Principi acri & superbo, *Dubrauio* referente, restitueret, quinque auferret. *Dubrauio* allego: quandoquidem æqualium Scriptorum nullus hanc περίστατη litteris consignauit. *Eberhardus Althaensis* inuestituram plane omittit: ceteri referunt, sed redditionem vexillorum silent *Pulkawam* MS. *Pessina* in Marte Morauico ad marginem citat: & is vero non est ad manus, & si foret, tamen non esset σύγχρονος. Vixit quippe Caroli IV. ætate. Hoc noto, etiam Daniae Reges, qui a Teutonicis Imperatoribus gladio sunt inuestiti, tandem, cum reuerentiam erga imperium exuerent, Principes vasallos vexillis ornasse. Diploma Woldemari Gerhardo Iutiæ, seu Slesuicensi Duci datum, vbi diserte vexillorum mentio fit, *Huitfeldius* & *Lunigius* produxerunt. Idem Poloni fecerunt, cum Albertus Brandenburgicus Borussiam primus fiduciario iure a Sigismundo Rege recipieret.

§. XX.



§. XX.

Magis ambiguæ disceptationis quæstio videtur, an Germaniæ Episcopi, aut Archiepiscopi habeant feuda vexillifera? Abßonum namque cenſeri posset, eos, qui- bus baculum olim pastoralem porrexit Cæſar, itemque annulum, eoque munus ecclesiasticum confirmauit, repente nunc appellari terrarum dominos, quid? quod vexilliferos. Nec diffiteor, admodum videri inconueniens, quando sceptro fæcerdotes ius accipere fiduciarium deprehendimus, non vexillis, disputare multis, accipi- ant ii feuda vexillaria, nec ne? Sed fecit ius feudale Alle- mannicum, vt digna tractatu quæstio cooriretur. Ita enim illud cap XLII. Alle Bischoffe empfahend von dem Rönige Münz und Zölle / und etliche empfahend Bahne- Lehen/ und etliche Gerichte. De quo etſi Schilterus in Com- mentario nonnulla adnotauit; faciam tamen, vt res in- telligatur penitus. Nam cum Calixtus II, tandem, post varias altercationes, Henrico V. ius uestitituræ, hoc est baculi annulique signo confirmandi Episcopos, occasione ſic ferente, & Saxonia in imperii dedecus collaborante, extorsifſet, factum eſt, vt idem Pontifex Cæſari permit- teret, & hic acceptaret facultatem concedendi regalia, ſeu ſuprema territorii iura per ſceptrum. Rechte hic illuſtrissimus Præſul Petrus de Marca de Concord. Sacerd. & Regni Lib. VII. cap. XXI. n. 8. p. 1206. animaduertit, Pontificis maiorem hac in re, quam Cæſaris fuiffe auco- ritatem. Quamuis enim Vir clarissimus Ioannes Fride- ricus Pfeffingerus in notis ad Vitriarii Institutiones Iuris publici Tom. I. p. 1331. exiſtimet, ſolenni transactiōne Cæſarem potiorem iuris ſui partem remiſſe, nec ec- clesiæ liberalitate accepiffe quidquam; tamen ex illius ætatis annalibus notum eſt, eam tum temporis fuiffe Henrici infelicem fortē, vt, poſt cladem a Saxonibus acce-



acceptam , diu deliberare non posset , quid opus esset factu , quid non ? Dimisit is , fateor , ex sua parte ius antiquum , a Caroli M. temporibus regia auctoritate exercitum , sed dimisit coactus , cum manibus pedibusque fecisset omnia , vt ne legem hanc subire duram necesse haberet . Qui autem non sine animi molestia iure suo cedit , quo per omnem antea vitam sese abdicare noluit , is sane , quod odiosum est , quanquam ingratissimis suscipit , & sibi relictum ad alterius nutum in exercitium ducit . Saltem eo tempore non alia auctoribus opinio sedit : quanquam forte res est iniqua , & veteris ævi argumentis contraria . Ut ita rationes subducam , ea in primis observatio facit , quod immutationem Calixtus in solennitate inuestituræ adulterat , quam fieri per sceptrum iussit . Supra namque demonstratum dedimus , prouincias , interueniente vexillo , regna per gladium fuisse tradita . Sceptri symbolum in eius generis solennitatibus adhibitum non memini . Id equidem inficias ire non ausim , etiam novæ figuræ sceptrum regiæ auctoritatis esse indicium : teneo hoc scioque . At nego vero , sceptrum , qua ab hasta signifera distinguitur , traditi olim territorii , summi que in eo iuris in Germania fuisse tesseram . Vnde saepe animum cogitatio subiicit , quare Pontifex in concedendis regalibus tale signum censuerit adhibendum . Ea de re nemo , quod scio , aliquid in litteras retulit . Ego causam deprehendisse mihi in Italiae solo visus sum . Ibi principatus maiores per Sceptra a Papa aliisque conferebantur . Ludouicus Bauarus Imperator Castruccio Lucano Ducatum per sceptrum tradidit . Hoc diploma a Frehero , Kulpiiso , Leibnitio productum confirmat . Antiquius vero exemplum in Apulia occurrit , vbi Wilhelmus Rex Boamundum filium de matre fere rubentem Apuliæ Ducatu per sceptrum aureum inuestiuit . Robertus de monte ad

D

a. 1181.



a.1181. *Ioanna uxor. Wilhelmi Regis Siciliæ, filia Henrici Regis Anglorum peperit ei filium primogenitum, quem vocauerunt Boamundum, qui cum a baptismate reuerteretur, pater inuestiuit eum Ducatu Apuliæ per aureum sceptrum, quod in manu gerebat.* Cui addendum, Paulum II. Pontificem Romanum Borſi Ducis Ferrarieſis, cum secundo inauguraretur, dextræ sceptrum ingeſſiſſe, quem admodum Matthæus Palmerius historicus testatur. Vnde mirum non est, in eiusdem Præſulis ordine creandi nouum Ducem, hæc legi verba: *Post hæc immediate dat ei sceptrum in manu dextra dicens, accipe virgam directionis & iustitiae. Et mox cum Bireto & sceptro osculatur pedem Pontificis.* Quæ omnia non ita velim intelligi, ac si crederem, Germaniæ Reges Italiam principes sceptro ſemper inuestiuiffe. Noui, id non esse factum. In litteris Wenclai ab illuſtri Leibnitio vulgatis *Ioannes Galeacius Dux Mediolanensis vexillis memoratur ornatus.* Cum Fridericus III. Borſum Ferrarie Marchionem ad Ducis dignitatem primus eueheret, tria vexilla recenſentur, quæ obtulerit Cæſari, exſertum ei gladium in manum danti, vti ex æquali eius ætatis scriptore refert *Franciscus Modius in Pandectis triumphalibus p.160.* Duntaxat hoc adſirmo, sceptri ſymbolum in vſu fuiffé, vbi vel Cæſaris auſtoritas non interueniret, vel is ſeſe mori recepto accommodaret, vti *Ludouicus Bauarus, cum Caſtruccium Lucanum nouo honore augeret.* Et inde autem veriſimiſil concludere mihi ratione videor, sceptrum, quo Epifcopi a Germaniæ Rege beneficia accepere ſua, ex Italia veniſſe. Saltem extra dubium poſitum eſt, præſcripsiſſe hoc ſymbolum in litteris ad Henricum V. Calixtum Papam, qui, vti indicauiimus, Italico & ſuo quodammodo more Eccleſiaſticos infeudari voluit. Quo digitum forte intendit Petrus de Marca, quem ante laudauiimus. Sceptrum vero hodiernæ formæ iam eminen-



nentis potestatis insigne est, quemadmodum hasta, quam eodem sceptri nomine olim insignitam memoria tene-
mus. Quis enim diffiteatur, Episcopos in feudum ter-
ritorium cum regalibus accipere? Admodum quippe
balbutiuit, nescio quis, Episcopus H. apud *Struckium consil.*
XII. n. 65. qui regalia se ab Imperatore feudalii nexu pos-
sidere contendit, non bona ecclesiastica. Rectius adseue-
rasset, se munus ecclesiasticum Pontificis confirmatione
tenere. Regalia intuitu territorii conceduntur, quod
proinde a iuribus imperii commode separari nequit. Ex
quo itidem claret, quam sint ultra modum acuti, qui *Bur-
goldensis* exemplo negant, Episcopos recognoscere prin-
cipatum suum a Cæsare. Nam si *Oldenburgerus*, aut
Burgoldensis non negat, eos territoria sua Cæsaris be-
neficio accepta ferre, & territoria Principatum nomine
cluunt, non comprehendendo, quare magnopere sit dispu-
tandum, utrum ab Rege accipient principatus: nisi quidem
persubtiliter adfirmes, vocari eos iure suo Principes, non
autem territoria Principatus, aut Electoratus. Sed salua
res est, cum pro nobis & diplomata & *Ius Alamannicum*
quadantenus sententiam dicant: *Erlische haben auch Fah-
nen Lehn.* Quam locutionem ita intelligunt, ac si non
nulli tantum quædam haberent feuda vexilli, vti Colo-
niensis, qui, proscripto Henrico Leone, Westphaliæ Du-
catum, Cæsaris voluntate, abstulit, & Arnsbergensem in-
super Comitatum aliaque eximii pretii bona per tempo-
rum spiramenta ad se traxit. Studio Westphaliæ Duca-
tum inter spolia Henrico Leoni ablata recenseo. Sine
dubio enim ab errore proxime absunt qui Westphaliam
pro terra immediata venditant, ac *Friderici Barbarossa*
diplomate, quod *Aegydius Gelenius*, & *Nic. Schatenus* alii-
que cum eruditis communicarunt, solide confutantur.
In quo hoc occurrit singulare, quod adformat Frideri-

D. 2

cus,



eus, se *imperiali vexillo Ducatum contuisse* *Philippe Heinbergio* summo Colonensis ecclesiæ Præfuli. Putarem, Cæsarem adhibuisse propterea eius generis symbolum, quod sperneret Pontificis Romani decreta. Est enim notum eundem *Wichmannum* Magdeburgensem Archiepiscopum per baculum & annulum inuestiuisse. Nec olim usitatum, ut qui haberent feuda vexilli, & essent ecclesiastici, inuestirentur quoque vexillo. Ipse *Guntherus* in *Friderici Barbarossa* ætatem congruens Poeta Lib. I. v. 570. signate sceptrum nominat ecclesiasticorum feudorum omnium symbolum.

Nec prius electum quemquam de iure sacrandum,
Quam sceptro princeps regalia prestat eburno.

Simili ratione Episcopus Argentoratenis Landgravius Alsatiæ est : Episcopus Wirzburgensis Dux Franconiæ Orientalis : quod elogium nemo, qui veterum monumenta consuluit, ei existimabit denegandum, & Franconiam Rhenensem, quam regnabant Salici Duces, ab Orientali sollicite distinguens Wirzburgensis ducatus fines rite regit. Sed inde tamen nollem certo inferre, vexillum, quod in insignibus Wirzburgensis Episcopatus conspicitur, signare feudum vexilli. Habent ecclesiæ ad unam sere omnes sua signa, vexillaque, quid? quod signiferos. *Quod in cuspidem superne definat, non probat, non esse ecclesiæ.* Committebant id advocatis & vexilliferis Episcopi, cum in aciem educerentur milites: quod nuper in historia Galliæ euicit *Gabriel Daniel*, & ante eum *P. Gallandius* in libro singulari de *Galliæ vexillis*: nec nihil videntur pendenda, quæ collegit *A. Matthæi* Lib. IV. c. XXVIII. de Nobilitate. Id exploratum superbiuisse olim Ultraiectinum vexillo S. Martini, ut Episcopus Romanus S. Petri, Monachi Dionysiani S. Dionyssi, Mediolanensis Præfulus S. Ambrosii, Leodiensis S. Lamb-



berti: (*) & quis nescit Wurzburgenses extollere plus satis vexillum S. Kiliani, cetera? Tanti videlicet sacerdotes, atque monachi faciebant vexilla, vt in templis suspenderent, quin super altare nonnunquam collocarent, iisque, qui ecclesiæ aliquid promisissent, aut donassent, in eius rei confirmationem Sancti sui vexillum porrigerent, ne quis auderet reuocare, quod dedit, aut non stare promissis. Suppeditat eius moris documentum *I. Mabillonius* in appendice *Annalium Benedictinorum* Tom. V. p. 656. e chartulario Siluiaciensi, vbi monachi Archimboldum V. Dominum Bourbonensem tali vinculo ac signo arctius iri constrictum existimabant. Sed missum faciamus Ducatum Wirzburgensem, de quo alio loco differimus, & copiosius forte differemus. Producam luculentius exemplum ex litteris Friderici II. Imperatoris, quas *Wiguleius Hundius* in Metropoli Salisburgensi Tom. I. p. 382. profert, vbi Ulrico Episcopo Patauiensi priuilegium confert de feudo vexilli, quod Ludouicus Bauariæ Dux & Comes Rheni Palatinus, Ottonis Illustris Pater Episcopi bono resignauit, & ab eo iterum accepit, quod alias ab imperio recognoverat. Meretur res ut integrum describatur: *Fridericus II. diuina Clementia Romanorum Rex semper Augustus, Rex Siciliae &c. Votis fidelium nostrorum praesertim, quæ ad manifestos ecclesiistarum usus cedere videntur, de consuetæ Regiæ Serenitatis munificentia pium semper fatorem volentes impendere præsentis æui atque ad memoriam futuræ potestas-*

*). Facit ad rem *Hocsemii* apud *Ghepearvill.* Iu Adolpho & Marca cap. 34. locus non spernendus: *Tertio quicunque vexillum, quod quasi sacrum fersint ecclesia, sub quo etiam patria pluries triumphauerat, laito ranglebatur, nisi pro defensione patriæ per Decanum ecclesia solenniter ferendum Mareschalco solenniter truderetur, prefata communitas præsumbit innudere, ut sub illo contra Dominum dimicaret.*



Satis volumus venire; quod ad instantias & obnixas preces
dilecti Principis nostri Vdalrici Pataviensis Episcopi, quem
in obsequiis & Imperii iam dudum non tantum inuenimus
deuotum; verum etiam in suæ fidelitatis favorem credimus,
imo non dubitamus constantem in antea permansurum ad
recognitioem laudabilium meritorum suorum quoddam
feudum, quod de concambio antiquitus inter Imperium &
Cathedram Ecclesiam Patavensem de Regali tunc ceno-
bio sanctimonialium intemerae Dei Virginis Genetricis Mi-
riæ facto, tunc cessit Imperio, quod feendum tunc vexilli n-
mine Bau- Lehen appellatum Illustris Dux Bauariae quon-
dam ab Imperio dignoscitur consecutus: Hoc idem feudi m
dilectus noster consanguineus & fidelis noster illustris Lu-
douicus Comes Palatinus Rheni & Dux Bauariae ad pre-
ces nostras in manus Regiae Celsitudinis voluntarie resigna-
vit, nosque illud in continentia præfato Vdalrico Patavensi
Episcopo & suæ Ecclesie liberaliter dignati sumus conferre
& confirmare. Ipse autem Episcopus solcite procurans ec-
clesie sua utilitatem ipsum feendum statim titulo legalis suc-
cessionis contulit præfato Duci Bauariae ab ipso Episcopo
& suis successoribus non ab Imperio ratione feudi, de cetero
recipiendum & possidendum. Ut itaque hæc apud posteros
inconuulsa permaneant & perpetua firmitudine obseruen-
tur, hoc priuilegium ob dilectionis evidentiam memorato Epi-
scopo suæque Ecclesie indulsimus sigillo aureo Maiestatis no-
stræ corroborandum: Testes sunt, Sifridus sanctæ Mogunt.
Sedis Archi. Episc. Egkenbertus Bamberg. Sifridus Au-
gust. Henricus Basiliens. Episcopi, Leopoldus Dux Austriae &
Stirie, Bernhardus Dux Carinth. Otto Dux Meraniae,
Henricus Nobilis de Nissen, Anshelmus de Iustingin Marsca-
lus Imperii, Waltherus de Gipf Pincerna, Dieto Camera-
rius, Philippus de Bolandia, Hadmartus de Vesin, Henri-
cus



cus de Landorf, Waltherus de Tanneberg, Otto de Marsbach & alii plures.

Signum Friderici inuidissimi Regis Rom. & Semper Augusti & Gloriosi Regis Sicilie.

Ego Conradus Metensis & Spirensis Episcopus Imp. aule Cancellarius vice Domini Syfridi Moguntinæ Ecclesie Archi-Episc. totius Germaniae Archicancellarii recognoui. Atta sunt A. Domini MCCXVIII. regnante Domino Friderico secundo diuina fauente Clementia Rom. Rege semper Augusto. Anno quarto & glorioſo Rege Siciliæ vero decimo octauo Datum in solenni curia in Nürnbergk prætaxata XII. Calend. Februarii indictione quinta.

De Moguntino Bernhardus Hertzogius in Chronico Alsatensi similia prodidit: de Treuirenſi Browerus luculenter testatur. Et hæc ad Schilteri mentem Viri nunquam sine religiosa veneratione laudandi maiori apparatu differuimus. Nunc autem videamus, quid reapse inter feuduli vexilli, & sceptri intersit? Quanquam enim modo tradendi, & nomine differunt; non puto tamen in rei veritate aliquid disparitatis observari. Habent Episcopi territoria, habent imperii summa iura, quæ vocabulo superioritatis efferimus, habent iurisdictionem criminalem, merum imperium, in eorum ſæpe insignibus gladius conspicitur, habent omnia, quibus Principes ſæculares eminent, milites & vasallos in aciem educunt, vextigalia colligunt, tributa imperant. Legi nuper litteras inuestituræ a Maximiliano I. Ulraiectino Episcopo datas, & tantum iurium complexum deprehendi, ut, niſi hæc summam arguant potestatem, aut maiestatem analogam, me nescire profitear, quid summa sit potestas. Cui rei ne quis hæfternam originem tribuat, ostendam perſpicue, iam ſæculo XII. Præſules Germaniæ tali auctoritate præpolluisse. Ita enim Casarius Heisterbacensis Lib. II. Miraculor. cap.

XXVIII.



XXVIII. nescio, quo abreptus zelo: *Vix credere possum, qui unquam aliquis Episcopus Alemanniae possit saluari, quia pene omnes Episcopi Alemanniae utrumque habent gladium, spirituali videlicet & materialem, & quia de sanguine iudicant & bella exercent, magis eos sollicitos esse oportet de stipendiis militum, quam de salute animarum sibi commissarum.* Quibus adiicias velim, quae ex *Dodechino* allegauit *D. Hertius* apusc. Tom. II. p. 90. Cui non aduersatur *Reformatio Sigismundi Imperatoris*, in qua Episcopis vestigalia denegat, eosque ad priscam disciplinam censuit redigendos. Vanum eius conatum graphicē depingit *Dattius* in volume de *pace publica* p. Ac constat ex historia concilii Constantiensis propterea id a Rege habendi cupido fuisse tentatum, ut acciperet superflua, & in rem suam conuerteret diuitias rectius sibi, quam sacerdotibus conuenientes. Sed elusum consilium. Retinuere Episcopi, quod longo vsu habuerunt: ad quem iam Alberti I. tempore apud *Argentinensem* prouocarunt. Nec verum est penitus, terras Episcoporum nunquam appellari principatus. Glossa iuris prouincialis eas vocat *geistliche Furstenthümer*. Ipse Carolus V. Episcopo Wirtzburghensi certo sensu in publico diplomate maiestatem tribuit; quin suppetunt testimonia, vbi respectu subiectorum Episcopi & Prælati naturales domini, sicut alii Principes, nominantur. Quam ob caussam tandem existimo factum, vt Maximilianus I. in comitiis Wormatiensibus a. cccccxcv. Archi-Episcopos Moguntinum & Colonensem vexillis inuestigerit, copiose id tradente *Bernhardo Hertzogio* in *Chronico Alsateni* p. 153. seq. Quod forte ansam dedit, yt, cessante solenni inuestitura per vexilla, nunc denique & sæculares & Ecclesiastici Principes simili ratione feudis suis per gladium initientur. Fridericus III. adhuc sceptri symbolo vsus est, quod e diplomate a Petro de *Marca* l. c. commendato claret,

§. XXI.



§. XXI.

Diximus supra, Principes omnes vexillis fuisse ordinarie inuestitos. At iam de Marchionibus dubium inspergit *Ioannes Iacobus Chiffletius*, quibus non vexillis, sed gladio possessionem traditam in *Commentario Lothariensi* p. 98. arbitratur. Sed rationes, quas adfert, admodum apparent infirmæ. E solis quippe sigillis, quæ *Butkenius* in tropæis *Brabantiae* oculis legentium subiecit, & in quibus Dux *Brabantiae* Godefridus gladium equo vectus vibrat ac Marchio imperii nominatur, concludit, Marchiones gladio fuisse inuestitos. Cui postea argumentum superaddit non multo validius, quando e titulo Gladiatoris imperii probare satagit, quod semel suscepit defendendum. Ego vero, vt in dubium non voco, Marchiones in sigillis gladiis exsertis conspici; ita nondum comprehendo, quomodo inde consequatur, vt gladiis sint vestiti. Verum equidem est, *Butkenium* exhibere eius generis sigilla: addo, *Oliuarium Vredum Balduinum Flandriæ Marchisum*, vt & *Andream Querctanum* Lucenburgensem Comitem & Marchionem Arlensem ensiferos in sigillis repræsentare suis; sed simili habitu strictoque cum gladio comparet Sigfridus Comes Palatinus de Rheno, cuius sigillum clarissimum *Toelnerus* inspexit, & in historia Palatina exacte curauit delineari. Quis vero istum Palatinum gladio inuestitum affimat, aut quis adseuerabit vnquam? Ipsi Duces, quid? quod Comites, gladiis euaginatis sæpe equo in sigillis insident, quod e *Quercetani Historia Barrensi*, & *Butkenii tropæis*, & *Baluzii* historia Aluernensi facile est ad demonstrandum: at nemo eos propterea tali inuestitos symbolo contendet. Et quid fiet de Marchione Brandenburgensi Adelberto Vrso, qui in sigillo, quod suppeditat

E



ditat Cl. *Becmannus* Hist. Anhalt. part. IV. cap. V. p. 540.
hasta armatus signifera cernitur? Cui accedit, quod
Otto Frisingensis gladio tradi regna scribit, non Marchias.
Nec prætermittendum, Ducem Lotharingiæ superioris
esse Marchionem Nomenii, eiusque caussa suffragium in
publicis imperii conuentibus ferre; & tamen in litteris
feudalibus Alphonsi *Castellæ Regis* & electi Romanorum
Regis non nisi vexillorum mentio iniicitur, quibus Fri-
dericus est inuestitus. Has litteras illustris Leibnitius in
Codice Iuris Gentium diplomatico ex *Hieronymi Vignerii*
Historia Alsatiensi descripsit, & in eruditorum conspe-
ctum denuo produxit. Igitur alterum argumentum ab
elogio gladiatori imperii desumptum considerandum re-
stat. Et recte in eo rationes subducit *Chiffletius*, quando
Brabantia Duces gladiatores imperii appellat, & simul
controversiam, quæ iis cum Saxoniam Ducibus interces-
sit, adtingit. At a veritate abludit, quando ensis portito-
res dici vult, quod gladio sint propter Marchiam imperii
inuestiti. Aliud plane elucebit, si quis perpendat, Lo-
tharingiam olim fuisse peculiare regnum, & Principes
Lotharingiæ, utrum eum Germanis sub uno capite
coniuctos, seruasse tamen pristina munera, titulos,
honores. Ita Treuirensium summus Præsul Primas est
Lotharingiæ & Archi-Cancellarius per Belgicam, Dux
Mosellanus Seneschallus, seu Archidapifer, Brabantinus
Archimarechallus in partibus Rheni, Iuliacensis Came-
rarius, cetera. Id litteræ firmant Imperatoria, id ansam
disceptationibus notissimis dedit: de quibus male cohæ-
rentia adferunt iuris publici Doctores, quæ iam non excu-
timus. Quod *Chiffletum* in errorem induxit, illud est.
Putauit is Duces solos vexilla antiquitus, cum inaugu-
rarentur, accepisse, eosque *narrat* *Exoxyn* appellatos vexilli-
feros, signiferos, exemplo Castruccii Lucani, quem Lu-
do-



douicus Bauarus tali nomine compellasset; nimirum, ut esset vexillifer imperii. Et fateor, in suas *Chiffletium* partes *Cangium*, *Obrechtum*, *Kulpisum*, *Hornium* aliosque viros clarissimos traxisse. Verumtamen ostendit perspicue illustris *Leibnitius*, (*) indicari eo in diplomate vexilliferi peculiare munus, non autem dignitatem Ducis. Quod, præter argumenta a viro laudatissimo excogitata, inde potissimum confirmatur, quod Principes ac Comites quoque vexillis sint inuestiti. *Kulpisus* autem eam maxime ob caussam *Cangii* ac *Chiffletii* expositionem amplectebatur, quia existimabat, Comites Gruningenses, aut Wurtenbergicos hoc munere esse functos, idque proinde ab eodem Imperatore Castruccio Lucano conferri potuisse neutiquam. At quamlibet liti de imperii præcipuo vexillo me nunc immiscere nolim; tamen non putarem, necesse habuisse *Kulpisum*, ut ad hoc asylum confugeret. Castruccio quippe Lucano vexilliferi munus in Italia tributum dici posset, saluo Germanis in regno suo munere. De cetero tropus foret admodum insuetus, Duce in publicis tabulis signari nomine vexilliferi, hoc est, ut dux & signifer sint synonima, cum tamen & comites vexilla acceperint, & dynastæ, seu domini liberi.

§. XXII.

Interea, ne quis perperam me pronunciassse existimat, Comites quoque feuda tenuisse vexilli, faciam, ut hæc res in luce constituatur, variaque notatu digna innotescant. Deprehendo namque, dubitasse hac de veritate Viros clarissimos, dubitasse Professorem Wittebergensem *Gribnerum* ad gloriam eruditionis laudabiliter

E 2

con-

(*) In scripto cui rubrica: Unterschied des Reichs-Haupt-Pannier und des Reichs Sturm-Fahne betreffend, p. m. 137.



contententem. Sed desinent, credo, dubitare, si locum
sequentem *Vrspergensis* ad a. cœlx. probe pensitauerint :
Tunc Welfus totam militiam suam in Tusciam mouens, ma-
ximum conuentum apud Sandum Geresium habuit, ubi
Baronibus terræ sceptrum Comitatus cum tot vexillis con-
cessit. Quæ verba Vitum Arenbeckum in Chronico Baioario-
rum MS. excerptissæ itidem deprehendo. Paria testatur Phi-
lippus Sueus apud Guichenonium in diplomate Thomæ
Comiti de Sabaudia a. 1207. dato, quod nempe feudum suum
de manu Imperatoris acceperit & de uniuersis bonis per tria
vexilla sit inuestitus. Quo testimonio, si quis non probari,
quod volo, contendenterit, non repugnabo prorsus: aliud
enim infra documentum producam indubitatum,
quando ventilabitur quæstio, an Vicarii possint conferre
*feuda vexilli? Quod antequam fiat a *Ditmaro Merse-**
**burgensi* tradita, quorum pæne sum oblitus, consideranda*
propono, ubi Gerhardus Alsatiæ Comes feudum accipi-
ens Herimanno Sueviæ Duci detractum, vexillo legitur
*inauguratus: *Gerhardus*, inquit, p. 369. edit. Leibnitianæ,*
Comes Alsatiæ accepto a Rege quodam comitatu pre-
fati Ducis cum domum rediret iuxta unam urbium castra
metatus est. A quo urbani pacem vix unam noctem impe-
trantes egressi sunt dolose, quasi ad colloquium, sed reuera ad
explorandum: Equibus unus calliditate æque & velocitatem
persæpe probatus propius accessit, signiferaque lan-
ceam, qua beneficium Ducis Comes idem acceperat a Rege,
coram tentorio eius affixam, eleuando circumspexit adulti-
mumque eum ea urbem securus cunctis in cassum pene se-
quentibus intravit. Vnde haud temere ab acutissimo
Schiltero obseruatum est, Fürsten-Lehn & Fahn-Lehn non
valere tantundem, sed in veterum monumentis diligenter
distingui. Differunt inquit in Comment. ad Ius F. A. cap.
XLII. p. 239. *utique ut genus & species; feudum enim ve-*
xil-



xillare sub se comprehendit feudum Principis secularis, & omnia feuda Principum sunt vexillaria, sed non vice versa, nam & comitum, baronum feuda vexillaria sunt, nec tamen Principum. Discimus hoc evidenter infra cap. CXXLI. §. II. ubi dicitur, quod, si Rege defuncto electio ultra annum se extenderit, vasallos imperii teneri inuesti-tur a renovationem a Palatino ad Rhenum ut vicario im-petrare, exceptis Principibus. Quibus iungendum videtur argumentum aliud illustrans. Cui enim ignotum, Co-mites in sigillis & nummis frequentissime comparere cum hasta signifera & vexillis? Quæ singula, quanquam sunt luce meridiana clariora, non ab re tamen fore censeo, si causa in apricum producatur, quare Comites vexillis sint donati. Nam cum illa potestatis & imperii signa sint, & comites mero imperio, seu banno sanguinis præ-ditos sciamus, quod Rex solus confert, (nisi alicui specia-tim hanc inuestiendi facultatem permiserit, aut commi-serit) consequitur sane, ut etiam comites symbolo regiae potestatis mitti in possessionem Comitatum suorum de-beant. Id autem fuisse vexillum, exempla a nobis addu-cta solide firmant: quamuis cum nemine mordicus velim contendere, nunquam in eius generis collatione adhibi-tum gladium. Qua in re ne sim præfractus, diploma Ruperti Regis facit a Marquardo Frhero editum, quo Ludouicum vicarium imperii generalem a. 1401. tali po-testate constituit, ut posset conferre beneficia, exceptis tantum feudis insigniis Archiepiscoporum, Ducum & Mar-chionum & quæ cum vexillis, seu gladiis recipi consueuerunt. Moneo duntaxat, me in eam sententiam propendere, Principum absentium legatos, quibus ex graui interdum caussa, vti infra demonstrabimus, permittebatur, ut interueniente procuratore beneficia acciperent sua, non vexillis, sed gladio fuisse interea confirmatos; donec ipsimet solenni

E 3

appa-



apparatu inaugurarentur. Quæ, si displicet coniectura, dico, precor, tuam: audio. In Anglia vero Comites nonnunquam gladio inuestitos scio. Rogerus Houedenus: *Eodem die coronationis suæ Ioannes Rex accinxit Guilielmum Marechallum gladio comitatus de Strigil, & Gottfridum filium Petri gladio Comitatus de Essex. Et ipsi sic seruierunt ad mensam Regis accincti gladio.* Etiam, aduocatos & iudices inferiores in Germania *baila*, siue securi munitos, recordor. Neque enim potuit bannum sanguinis principaliter conferri ab alio, atque a Rege. De quo, ne dubitatio cuiquam obrepatur, adstruam id Caroli IV. verbis, quæ extant in diplomate a Nicolao Schateno in *Annalibus Præderbornensisibus euulgato*:
Notum facimus tenore præsentium vniuersis, quod, licet religiosus Theodoricus Abbas monasterii Corbeiensis in Westphalia deuotus noster dilectus honorabili Ioanni dicto Rochke de monte iudicium comitatus liberi dominorum suorum in ciuitate Mersberg rite contulerit, ipsum quoque inuestendum duxerit, & ad talia, quæ sibi de iure videbantur competere, confirmandum; quia tamen virtute concessionis inuestiturae seu confirmationis prædictorum non potest in causis criminalibus, quæ capitis & membrorum plexionem exigunt, exercere iudicia, nisi iurisdictio huiusmodi a Romana Imperatoria potestate fuscipiatur, cetera. Addo aliud Conradi II.
quod in manus meas, cum iam hæc scripsisse, peruenit, in quo Godefrido Lotharingiæ Duci permittit, ut regio nomine aduocatos ecclesiistarum in Ducatu inferioris Lotharingiæ banno inuestiret: quo officio ipse met alias beat fungi. *Conrardus diuina fauente clementia Romanorum Rex secundus, tanquam aduocatus primus & defensor Romanæ ecclesie & omnium Ecclesiistarum Ecclesiasticarumque personarum, & bonorum eorundem, sub sacro Romano Imperio existentium: Attendens nulli licitum esse alicuius ecclesie Aduocatiam usurpare, nisi banno Regio*

ad



ad hoc esset institutus ; quodque personis Ecclesiasticis nimis
graue esset propter longinquitatem terrarum , præsentiam
Regis adire , propter indigentiam eorundem . Eapropter il-
lustrem Godefridum Ducem Lotharingiae & Marchionem ,
atque Comitem Louaniensem , omnium Ecclesiarum Ecclesi-
asticarumque personarum & bonorum eorundem , sub prin-
cipatu Lotharingie constitutorum , & successores ipsius Do-
minos Louanienses , seu Brabantie dominatum obtinentes ,
pro tempore existentes Aduocatos instituimus , mandantes
ut nine imperii contra omnem inquietationem Ecclesiasticas
personas & earum bona tueantur & defendant ;
ita quod ab ipsis nil per potestatem recipiant , aut exi-
gant , præter ius Aduocatæ , quia Aduocati non debent
esse deprædatores , sed defensores Ecclesiarum &c. Ob-
seruet Lector , confundere nonnullos hoc ius peculia-
re cum titulo , quo *Henricus Brachbatensis* patriæ comes
& aduocatus appellatur in litteris a. 1086. exaratis , quas
protulit *Butkenius* , & legit *Magerus a Schoenberg* ad
eas cap. IX. de aduocatia armata prouocans . Sed dixi
vero nulli statuum competuisse ius inuestiendi mero alios
imperio principaliter ac pro officio . Noui enim , quæ
fuerit sacerularium quorundam Principum prærogativa ,
quod ius speciatim concessum . Vnde magis claret , quod
ex veteribus actis sæpe obseruauit *Schilterus* , quare nec
Episcopi nec Abbates Burggraviis , nec Comites iudicis
bus , seu aduocatis suis ante sæculum XIII. aut. XIV. ius
gladii potuerint indulgere . Nec dubium , quod eandem
ob rationem in ciuitatibus imperii iudicio criminali præ-
sidentes Cæsaris sint constituti auctoritate ; donec tandem
ob varias caussas ab hoc rigore sit recessum , & ipsis ciui-
tatibus istud facultatis vel iure feudi , vel ex commissio-
ne , vtut perpetua , vel etiam priuilegio relictum ,
quod



quod multis ostendit, in Comm. ad I. F. A. p. 248. *Schilterus*. Id autem memoratu plane dignum, quod Fridericus I. Ele^ctor Brandenburgicus communitatibus & ciuitatibus in Franconia^e territorio existentibus intercessione demum sua ab Imperatore Sigismundo impetraverit ius gladii, & ex consequenti, sine auctoritatis regiae interuentu, proprio arbitratu largiri eiuscmodi potestatem nequuerit. Tabulas Cæsar is hanc in rem allegavit *Ioannes Linnaeus* *Iur. Publ. Lib. V. cap. VII. n. 137*, quas consulas licet: vt alias Ruperti in pari casu silentio inuoluam. Quæ omnia ii demum accurati^s intelligunt, qui ius vitæ ac necis in regiis iuribus præcipuum occupare locum recordabuntur. Vix enim aliunde magis imperii resplendescit maiestas. Apud Romanos Praefectus Prætorio nulli nisi Principi secundus. Eadem de caussa forte in Germania factum, vt merum imperium ius territorii sublime nonnunquam comprehenderit. Saltem litteræ antiquæ s^epe solius meri imperii & banni ferini mentionem faciunt: vtut possessores iura imperii omnia vel exercuerunt olim, vel exercent etiam nunc.

§. XXIII.

Sed inspiciamus, vtrum Barones sint quoque vexillarii. *Schilterus* opinatur, sed opinionis suæ cauissam non reddit: nos reddemus. Barones sunt liberi Domini. Bar, Ber est vir eminentis, fortis, qui allodium, bonum auitum, ein ahles Od libere possidet, liber Dominus vir nobilis, ein edler Mann / ein freyer Herr. Vnde est, quod in antiquis litteris Comites adhuc dicuntur viri nobiles, quid? quod Duces. In Gallia tales Barones, recentiori stilo, sunt pares, eorum terræ pairs. Neque enim ullus imperii munere est condecoratus, nisi qui prædia, haberet propria & libera, eigene und freye Güter / & sic foret Dominus. Hunc titulum non amittabant, et si feoda



da & beneficia omnia amiserunt. Ita Hohenstauffii Principes ac Reges Wilhelmum & Ottонem possessores Luneburgensium & Brunsuicensium terrarum, quae erant eigene Güter / Fribons, vti in diplomate Friderici II. vocantur, Dominos appellabant: quantumuis beneficiis omnibus essent exuti. Hi Domini vero, tantum abest, vt minoris viderentur dignationis, vt potius in classe imperii procerum ac Principum putarentur. Quod cordate obseruauit illustris Leibnitius in præfatione ad primum Rerum Brunsuicensium tomum, de Welfis differens: *Guelfi*, inquit, *antiqui*, *sive ex Alamannis*, *ut veteres scribunt*, *sive ex Agilolfingis vetustis Baivariorum Rectoribus*, *ut quibusdam viris doctis placet*, olim in Suevia hereditarias nullique feudorum legi obnoxias ditiones habuerunt, quae tunc insignis prærogativa habebatur: usque adeo, *ut quidam ex illis Ethico indignaretur Henrico filio*, quod *insignem terrarum tractum sub homagii conditione Imperatoris beneficio accepisset*. Principes ergo habebantur etiam, qui Duces Comitesque (quod feudale erat) non appellarentur, cetera. Sine dubio vir clarissimus locum sequentem Historiæ de Guelphis respicit: *Hic Ethico se Imperatori Romano Regi Francorum Ludouico Pio, Caroli M. filio, sororio suo commendatissimum reddidit*, *ut quatuor millia mansuum in Bavaria superiori ab eo dono acciperet*, (forte rectius atque arriperet) *Postea cum Ethico nobilitatis sua libertatem suspicans fractam, animo laborabat, amicissimis suis conquerebatur*, priuata vita degere constituit &c. Commendare se, vel commendatissimum reddere stilo medii æui sonat homagium, seu fidelitatis iurandum præstare. Probauit id doctissimus Baluzius in Historia Alverensi, e veteri charta, in qua dicitur: *die illo quando seniores Aruerni cum Comite supra nominato (Wilhelmo Pictauensi)*

F

con-



conuenerunt, eique se commendarunt. Subiicit vir laudatus: „Tout le monde scait qu'en ce temps la se commendare signifioit ce que nous dirions aujourd'huy faire foy & hommage ou serment de fidelite. „ Et quamuis vero Ethico Carolingorum ætate, cum adhuc durior esset Comitum conditio, ita animum induxit; tamen sequiori ætate aliter plane opinati sunt. Admodum enim veri videtur similis eruditissimi *Hertii* sententia, omnes imperii Proceres Barones fuisse dictos, cum adhuc regni officia ossibus personarum inhærerent, postea vero, cum hæreditaria redderentur, & ad posteros lege stabili transirent, Baronum nomen penes eos mansisse, qui Ducatum, Marchionatum, Landgrauiatum, Burggrauiatum non haberent, sed in castris atque allodiis suis residentes a regni aliorumque Procerum seruitiis liberi essent, nec equitum, nudorumque militum, aut ministerialium iure censerentur. Ex quo consequitur, ut omnis quidem Dux, vel Comes regni olim fuerit Baro, & adhuc sit vir nobilis, sed non omnis Baro Dux, vel Comes: nisi quidem existimes, & hunc Comitis elogio esse condecorandum, qui mero imperio aliisque regalibus a Cæsare in exiguo tractu honoratur. Quibus obseruatis, haud difficile est ad intelligendum, quomodo *Christophorus Besoldus* potuerit adfirmare, inter Comites & Barones nihil esse differentiæ. Id *Antonius Matthæi*, cui sæpe lima iudicii deeest, in tractatu de Nobilitate non videtur adsecutus. Sed verum est, Baronem & Comitem, addo & Ducem, aliasque officiales esse liberos dominos, alte Edel-männer / Satrapas, Dynastas. Quod, si rite ponderatur, *Fürstenerii* quadantenus admitti opinio potest, qui potentissimos Principes ex eius generis Satrapis ad tantum potentiae culmen adscendisse statuit. Ac posset id sigillatim ostendi, nisi intra terminos coer-
cen-



cendam dissertationem nostram iudicaremus. Sufficit, digito attigisse doctrinam alibi copiosius persequendam Vnum infero, quod lectori non fore ingratum confido. Video enim grauiter disputari de voce semper-frey/ auctoresque hac fluctuare atque illac. Et exploratum puto, vocabulum *semper* non esse latinum, sed Germanicum *sendbahr* / quod Schilterus in Commentario ad Ius Allemannicum cap. I. p. 19. ad liquidum perduxit: cuius dicta non repetemus. Hoc obseruo, non dissentire penitus a Schiltero, qui centam quoque a senden deriuant: quamuis non arrideat, *centenarios* esse illos semper liberos, aut *sendbar* frey. Mihi *Speculum Sueicum* lib. I. cap. XLVII. ad veritatem videtur accedere quam proxime, si rite exponantur verba sequentia: *Hie soll man mercken dreyerley freye Leute / welche Recht die haben. Es heissen eins semper Freyen; das sind die freyen Herren als Fuersten/ und die andere Freyen zu Mann haben: das andere sind Mittelfreyen; das sind / die der hohen Freyen Mann sind. Das dritte sind gebohrne/ die frey sind die heissen freye Landsassen. Der hat ein ieglicher ihr sonder Recht.* Mea sententia hoc indicat compilator, quosdam liberos dominos mitti a Rege, vt negotia imperii compo- nant, inspiciantque, quid facto in prouinciis opus sit, quales erant missi regii, viri illustres ac præpotentes. Non est credendum, desississe missos regios post extinc- tam Carolorum stirpem. Nunquam non talibus viris etiam sequioris æui Imperatores vii sunt, si quid occur- rebat regia auctoritate cognoscendum, iudicandum atque expediendum extra ordinem. Adhuc Ludouici Bauari, Caroli IV. immo recentiori ætate eius generis missi animaduertuntur, principes, comites, domini, qui hoc intuitu semper freye sunt dicti. Deinde vero factum, vt etiam vasalli, Ducum Principumque dicerentur li-

F?

beri,



beri, Barones, **Mittelfrehe**: dum modo non essent ministerio Principum Laicorum, aut ecclesiasticorum addicti. Nam hi homines erant proprii ministeriales. Tandem omnes ingenui appellati sunt quoque liberi **Freygebohrne**/ mancipiis, seruis, ciuibus seruili genere coortis oppositi. Si quid video *Speculum Sueicum* variam liberorum hominum significationem enodat. In his Semper freyen erant præcipui, vtpote quorum auctoritate & opera in grauissimis caussis vtebantur Reges, quorum in curiis haud raro vel erant præsentes, vel alegabantur ad ciuitates externas, vt Henricus Niger Bauariæ Dux ab Henrico V. ad Concilium Trecense in Galliam legitur missus, vel intra imperii fines legatorum ac commissariorum officio fungebantur; quemadmodum Guntherus Schwarzenburgicus in cauſſa Pomeraniæ ac Marchiæ Brandenburgensis, item Comes Iudiacensis ad litem cum Pontifice Romano componendam aliique memorantur adhibiti. Postea cum aliis etiam mediatis Ducum Principumque Vasallis nomen Liberorum Dominorum adsignaretur, euenit, vt Barones a tali nexus immunes sese cum addito appellarent semper frey / sicuti Limburgenses, Leiningenses. Ante illam nominum ac titulorum confusionem forte non occurret elogium Semper-liberi, aut, vt clarius loquar, non obseruabitur eius generis *de ipsa* vel comitum, vel vere liberorum dominorum nomini appositum. Quam coniecturam magis firmabimus deinde. Quod si dicta illustrare exemplo licet, adseuerabo, perinde se rem hanc habere, atque elogium nobilis, quod olim illustribus Viris proprium. Eo autem militibus aliisque tributo, auditæ sunt voces **Wol-Edel** / **Hoch-Edel** / **Hoch-Edelgebohren** / **Wolgebohren** / **Hochgebohren** / **Durchlächtig**: non aliter atque in Speculo Suelico **Hohefrehes** / vel **semper Freye** / **Mittelfrehe** / **geböhrne Freyen** distinguun-



guuntur: Semper Leute huc non pertinent. Vox *leudes*, *leodes*, *liti* aut seruile nomen, aut plebeium est: quod sine negotio est ad demonstrandum. Nunc ostendemus clarius, quare liberi domini a Rege acceperint regalia, & bannum cumprimis. Ac putem, regalium vocem significare perspicue, ea deriuanda a Rege. Hinc etenim fons omnis potestatis permanat. Qui speciatim ea inuestitus non erat, coram terræ iudicio, quod *Land-Gericht* appellabatur, siue *Cent*, vti *Rudolphus Habsburgicus*, in diplomate, quod exhibit *Lunigius*, Rotenburgensi ciuitati dato, hanc rem optato explicat, fistere sibi subiectos debuit: vt alia taceam iura, quorum exercitio obligabatur abstinere. Omnis autem regia potestas cum vasallis vexilli symbolo ordinarie in Germaniæ solo communicabatur. Quod indicium præbet, quamobrem Barones nonnulli appellantur vexillarii, edle *Panner / Pannerherren*. Neque enim illi Comites, sed Domini banno inuestiti per *Bavdov*, seu hastam vexilliferam. Istud autem non diffiteor, circumscriptam horum dominorum potestatem proprii territorii finibus fuisse; cum Comes in toto pago, Dux in prouincia auctoritatis & supremi iudicij exercitum haberet. Cui non obest, Banderetos eos potissimum nominari, qui sub vexillo suo vasallos in prælium educunt. Neque enim hoc cum nostris pugnat. Eapropter namque vexilliferi dicuntur, quia vexillo potestatis erant instructi, quid? quod eam potissimum ob causam vexillis sunt vti, subque suis signis militantibus auctoritate præiuerunt, ne regalia haberent sine caufsa, sed, cum belli formido circumstretaret, & ipsi gladium accingerent, & veluti terrarum Domini cum clientibus suis imperii hostes a patriæ finibus generose depellerent. Atque ita nobilissimum *Rigordi* locum expono, qui Philippi Augusti Galliarum Regis, &

F 3

Otto-



Ottonis IV. Imperatoris ætate floruit : *Quinque*, scribit ad a. 1215. videlicet *Comites* & *XXV. alii*, qui tantæ erant nobilitatis, ut eorum quilibet vexilli gauderet insignibus. Aliud vero interdum erat Bannerius olim, aliud Banderetus, seu *Panner-Herr.* Bannerius miles erat, vexillum sequens, Banni dominus vexillum ferens, *Bandophorus*, *Banner-drost/ Bannier-Herr.* Antequam de Baronibus dicendi finem faciam, confutandus mihi iterum est *Antonius Matthæi*, qui minus caute de *Nobil.* Lib. IV. cap. VII. p. 939. seq. *Baro* olim non tanti, seruus olim militum, eamque ob rem Romanos allegat scriptores, Ciceronem, Lucilium, Persium, Tertullianum : *Progressu*, pergit, *deinde temporis Baro idem*, quod avnq, quod vir præstans, vir peritus, strenuus : - - - Et, quod mirum cuiquam, quia Baro vir fortis; *dabolus etiam Baro.* Quæ hic, bone DEUS, confusio. Miscentur Romana Germanicis, & hæc illis, & Græca denique vtrisque. Recte *Ianus Rutgersius* in Lectionibus Venusinis cap. XXIII. eos perquam ridiculos fuisse iudicat, qui ea lingua Ciceronem loqui fecerint, quæ vix millesimo anno post reperta sit. Nostræ voculæ cum Latino idiomate nihil commercii intercedit. Potius illud a Germanico *Barn/ siue Barna*, quod apud veteres puerum, vel filium significauit, descendit: quod e vetustissima *Vlphilæ* versione *Franciscus Iunius* obseruauit, & ex eo sæpe nominatus *Hertius*. Et facile autem vsu venire potuit, vt liberi nobilium, ac Procerum eo nomine insignirentur, quemadmodum apud Hispanos infantum titulus *Magnatum* ac denique Regum filii est adtributus; donec tandem, vt in præcedentibus insinuauimus, iis solum adhæreret, qui liberi domini sunt, non milites gregarii, aut serui Regum Principumque.

§. XXIV.

Ex quo noua statim veritas innotescit, videlicet equi.



equites, qua equites non gaudere feudis vexilli, sed loricæ, clypei, equorum, cetera. Hæc autem plus nihil continebant, quam vt milites ad edictum præsto essent loricis, equis, clypeis suetoque armorum genere instructi. Vnde per se sequitur, vt hic nullus locus fuerit vexillis potestatem significantibus. Milites enim & nobiles inferiores non tam officium, honorem, aut dignitatem gerunt, quam seruitum debent, aut, quod minus est, ministerium. Quæ res fecit, vt ministeriales equitibus deterioris olim conditionis fuerint habitu, vtpote quod essent proprii homines Ducum, Episcoporum : de quibus pecularem propemodum dissertationem pereruditus *Hertius* conscripsit, nosque ea de re alibi sententiam nostram copiosius declarauimus. Hoc singulare, fuisse aliquando Reinhardo Comiti Hanouensi controversiam status factam ob coniugem ministerialis filiam. Quare ad Cæsarem Rudolphum I. & Eletores configuit, qui ab adsperfa eum macula liberarunt. Edidit nuper litteras *Lungi* atque cum hominibus harum rerum studiosis noue communicavit. vid. *Deutschen Reichs. Archivs part. Special. Contin. II. diuis. VI. p. 59. seq.* Inde vero euenit, vt, cum officii sui admonerentur milites, id clypei fieret symbolo : quod testimonium *Ottonis Frisingensis lib. II. de R. G. Friderici Imperatoris cap. XII.* arguit : *Est autem consuetudinis Regum Francorum, quæ & Teutonicorum, vt quotiescumque ad sumendam Romani imperii coronam, militem ad transalpizandum coegerint, in prædicto campo mansionem faciant.* Ibi, ligno in altum porrecto, scutum suspenditur, vniuersorumque agmen feuda habentium, ad excubias proxima nocte Principi faciendas, per curiae præconem exposcitur : quod sectantes, qui in eius Comitatu fuerunt, singuli singulos beneficiatos suos per præcones exposcunt. At sequente die, quicunque nocturnis vigiliis defuisse de-

prer-



prensus fuerat, denuo ad presentiam Regis aliorumque Principum, vel virorum illustrium euocatur: sicque omnes omnium beneficiati, qui sine bona voluntate dominorum suorum domi remanserunt, in feudis condemnantur. Etsi enim clypeus olim insigne nobilitatis in genere fuit; tamen sequoribus temporibus feuda clypei militaria tantum dicta sunt, quod e quibusdam diplomatibus & *Chronico Laurissamensi*, a M. Fréhero edito, ad oculum patet. At caue putes, omnes, qui tulerunt scuta, iisque sunt vni, habuisse feuda scuti. Inuenio apud eundem *Ottонem Frisingensem* scutiferum plebeium. De feudis loricæ supercedeo dicere, cum *Cangius nostram* industriad anteuerterit, partim sub voce *lorica*, partim *feudum loricae*. Id clarum, loricatos vocari milites, & loricarum nomine saepe intellegi vasallos milites. *Anonymous* apud *Mabillonum* in Museo Italico: *Comitantibus eum ducentis loricis cum aliquantis fabris lignariis*. Vexillum in maioribus ac regalibus feudis adhibebatur. Nobiles inferiores nunquam olim alta iurisdictione pollebant. Iudicabantur iis subditi a præfectis Imperatorum ac principum. Saltem notum est, quando in Bauaria & Saxonie, seu Misnia equites accepterint Bannum sanguinis, & qua occasione. Collegit testimonia D. *Hertius* in dissertatione de *Superioritate territoriali*, quam euoluant, qui volunt. Antiquis temporibus eius generis facultas character libertatis erat ac potestatis, qua serui regni Principumque carebant. Nec credas, omnibus imperii nobilibus tale ius aut competitissime ab antiquo, aut hoc ab omnibus affirmari. Ipsi cognoscunt, prædia, quæ tenent, ad vnum fere omnia suis se libera, libera a nexu feudali: donec turbulentia tempora compulere permultos, ut fere principum potentiorum vasallos profiterentur. In allodiis autem suis supremi iudicii exercitio destituebantur. Quod nunc habent,

Cap.



Cæsarum beneficio adepti sunt, ne sub obtentu *centenariæ*, aut supremæ iurisdictionis Principes ac Comites vicini eorum libertati periculum intentarent. Quod diploma Rudolphi II. a *Burgermeistero* in *Cod. Diplom. ordin. Equestr.* adlatum satis probat. In variis tamen locis adhuc iudiciis prouinciarum subsunt, eorumque subiecti, ac rustici in centena, cum delinquunt, iudicantur, condemnantur, & pro re nata absoluuntur. Quæ omnia, ne gratis dixisse videar, producam primum *Conradi Vrspensis* de Regis Philippi ætate loquentis testimonium, quo pateat, quî tot prædia acceperint barones & nobiles ministeriales, & quo sub modo: *Hic*, inquit, *Philippus*, cum haberet pecunias, quibus *salaria*, siue *solda* præberet militibus, primus coepit distrahere prædia, que pater eius *Fridericus Imperator* late acquisicerat in *Alemannia*, ita ut cunctib[us] baroni, siue ministeriali villas seu prædia rusticana, vel ecclesiastib[us] contiguas obligaret. Sicque factum est, ut nihil sibi remaneret, præter inane nomen Domini terræ, & ciuitates, seu villas, in quibus fora habentur, & pauca castella terræ. Non hic vocantur ministeriales domini terræ, sed *Philippus*: hic in villis & ciuitatibus sua fora habebat, non nobiles inferiores; vtpote quorum prædia rustica sunt. Postea sub *Friderico II.* eodem *Vrspensi* auctore, maior largitio facta, cum is contra Ottoneum IV. ex Italia in Allemanniam veniret, & militibus indigeret. Quid enim hæc sibi volunt verba? *Ottō Imperator* venerat interim de *Thuringia*, volens comprehendere, aut interficere aduersarium suum; ipseque manebat in oppido *Vberlingen*: sed a multis derelictus non poterat occurrere sepe dicto *Friderico* ad pugnam. Vnde factum est, ut auxilio Comitis de *Quiburg* & aliorum, quibus ipse prædia imperii large distribuit & obligauit usque *Baviam* perueniret. Ex quo denuo liquet, quamobrem

G

tot



tot nobiles in terra Allemanniæ surrexerint, parentesque filii noua prædia distribuere potuerint. De equitum vero potestate, banno, regalibus nihil extat. Cui non obest, etiam Baronum ab *Vrspergensi* mentionem fieri. Nam baro nonnunquam ministeriali opponitur: quod iam alii cubi animaduertit *Hertius*, ac nos in præcedentibus cum ipso. Et quamlibet non nesciam, adtulisse *Gasparem de Lerch*, siue *Lerkeln* diploma Wilhelmi Regis, quod *Dattius*, & nouissime *Lanigius* descripserunt, quo nobilium Alemanniæ & dominorum terræ iura iudiciaque, in quorum possessione essent, confirmantur; non puto tamen, inferiorem nobilitatem indicari. Ut ita sentiam rationes *Dattii de P.P. p.23.* persuadent viri doctissimi: *Nobis*, inquit, de tota re amplius videtur inquirendum. Vix enim persuaderi sibi patietur *Vir* aliquis germanicarum antiquitatum peritior, nobilitatem equestrem, quæ posterioribus demum seculis in societatem quandam liberam, & pulcherrimum hoc corpus coauit, per nobiles & terræ dominos hic ita designari, ut non ex usu scriptorum huius ævi promiscuo, a quibus verborum rationes tam scrupulose exigendas non esse *Viri* eruditissimi dudum præmonuerunt, ad Principes, ad Comites, aut Comitiæ dignitatis homines, & ad alios quoque, quorum potentia sub istis Germaniaæ turbis præpollere incipiebat, præsertim ad socios Rhenano foedere connexos, ut mox dicetur, appellatio ista potius referri vel possit, vel debet. Sic quando *Annales Colmarienses* part. I. Rudolphum Regem a. 1284. curiam in Basilea, cum gloria dominorum terræ habuisse testantur, quis ad nobiles solos hoc pertinere existimat? Nec ad rem facit, post extinctam Sueorum Ducum familiam equites ad talem potentiam peruenisse. Est enim cognitum, nusquam tot iudicia reperiri prouincialia, tot centenas, atque in Franconia, Suevia, Heluetia, & Rhenensi tractu. Procedente tempore vero factum est, quod ite-



iterum inculcamus, ut etiam nobiles in Franconia, Suevia, & Rhenensi tractu acciperent quidam iudicii criminalis facultatem, ne vel crima manerent impunita, si prius *Centenario* forent denuntianda, (qua de re ac caufsa multa diplomata loquuntur) vel nobilitas in peculiare corpus Cæsarum bono coacta, Comitum, Landgrauiorum, aduocatorum, & dominorum terræ præda fieret. Plura non adiicio, ne, quod singularem librum meretur, tam angustis paginis compingatur. Sat est, cerni nunc, equitibus feuda vexilli nec fuisse tributa, nec, ob argumenta in medium adducta, commode potuisse adtribui. Potius obseruari e diplomate Sigismundi Imperatoris ve- lim, quod Erchangero de Seinsheim peculiari indulgen-
tia a. ciœcccxxviii. concessit, hunc tum demum ad *Ban-
dereti* dignitatem euchentis, postquam prædia sua impe-
rio obtulit, & regalia ab eodem recepit. Quod vt ex-
tra dubitationem constituatur verba sequentia e dicto di-
plomate recito : Darum mit wohlbedachtem Muthe / gu-
tem Rathen unser und des Reichs-Fürsten / geistlichen und
weltlichen / Graven / Edlen und Getreuen / und rechten wiß-
sen haben wir von sonderlichen unsren Königl. Gnaden den-
selben Erlinger / sein ehelich Kinder / Söhne und Töchter,
die er ißt hat / und hinsühro mit Gotts Hilff gewynnet /
und die von ihme / denselben Kindern ehelich gebohren wor-
den / zu rechten Freyhen in Gottes Nahmen erhöht / und sie auf das vorgenandt Jägermeister Amt und das Haß
Schwarzenberg / das sein freyes eigen Gut ist / und das
er uns und dem Reich / auch Wedung / mit aller seiner Zu-
gehörung zu rechten Lehen gemacht und verbrieft hat / uns
und dem Reich damit gewärtig und unterthänig zusehn /
und ewiglich von uns und denselben Reich zu halten / ge-
fryhet / geadelt / gemacht / und ihn als andere recht ge-
fryete Baner-Herre im Reich und nemlich zu dem Jä-
ger-



germeister Amt in Francken bestätigt haben/ würdigen/ adeln / erheben / bestätigen und machen mit Rechten Wissen in Macht disß Briefs / von Römischer Königl. Macht/ und meynen / setzen / und wollen von Römischer Käysel. Gewalt / daß der benandte Ertlinger / und die genandten seine Kinder / und alle die von ihme kommen / und von ihnen gebohren werden / als vor begriffen ist / fürbaß mere ewiglich desß Heil. Röm. Reichs Freyhen geheissen / und von allermänniglich genandt werden / und auch Freyherren Rechten Chr und Würdigkeit in und aufwendig Gericht und allen Enden haben / und als rechte gebohrne Freyen gehret / und gehalten werden ic.

§. XXV.

Etsi vero superfluum videri potest , inquiri , gaudient ne ciuitates imperii liberæ feudis vexilli; tamen inquiramus : in primis , cum hic multa sint digna , quæ executiantur . Non dubitamus autem , quin recepta fere opinio sit , ciuitates esse allodia , non feuda . Et vereor ipfemet , ne crabrones excitem , si quid hac in re moliri contra , aut tantum æqua mentis lance eam perpendere quæstionem sustineam . Sed audendum tamen non nihil . Semper enim mecum reputavi , esse hanc quæstionem fere inanem & disciplinæ feudalis ac publici iuris amplificandæ minus aptam : liceat enim lenissimo vti vocabulo , ne , qui dissentunt , rugas contrahant , & caperrata fronte aliquid seuerius minitentur . Ecur vero ita putauerim , argumenta sunt plura . Quis enim ea , quæ pertinent ad Regis patrimonium , appellitat aut feuda , aut allodia ? At fuisse olim ciuitates in regiorum bonorum numero , quis ignorat ? Et certum vero est , Reges eas appellasse suas & imperii ciuitates : pendebant quotannis plures Cæsari censum : pendebant ab antiquo debitum & per auersionem , ne , quod sæpe olim factum ,

va-



variis tributis emungantur ciues. Igitur ad veritatem proxime accedit, tum, cum pertinuerunt ad regium dominium, aut bona coronæ, totum $\zeta\tau\eta\mu\alpha$ tam fuisse incongruum, quam est hoc, sintne ciuitates angeli, an homines? Ad neutram quippe speciem pertinent. Fuerunt Regis & imperii. Num sint adhuc inuestigandum superat. Sed nolle tam *Itteri* argumentis vti, qui addi-
ctius earum obsequium inde demonstrat, quod Lotha-
rius Imperator Noribergam Henrico genero Bauariæ
Duci in feudum dedit, quod Otto IV. *Hermannus* Thuri-
ngiæ Landgrauio Nordthusam & Mulhusam eodem nexu
permisit. Vera sunt, quæ adfert, & veterum testimo-
niis, hoc est *Monachi Weingartenis*, & *Arnoldi Lubecen-
sis* firmantur: verumtamen non putem adsumenda hæc
ad comprobandam sententiam aliunde veram argumen-
ta. Turbulentis illa temporibus euenero, & vindictam
spirant, Saxonibus Sueuisque æternas inimicitias agenti-
bus. Oppignorarunt eas Reges, tributa exegerunt, iu-
dices, advocatos, vt hodie Principes municipiis suis, de-
derunt. Vnde aliunde id liquere dixi. Atque ita vero id
solum veritati conuenit, non adeo amplius addicte eas
regnari. Sunt liberæ imperii & Cæsaris civitates. Quod
vt paullo clarius intelligas, fac, Brunsvicensem ciuita-
tem multis obtentis iuribus ac priuilegiis per se statuisse
omnia, ius dixisse, tributa ciuibus indixisse, milites coe-
gisse, adde eminentioris imperii iura haud pauciora, fin-
ge, non contradixisse Duces, non repugnasse veteres do-
minos: eratne illa ciuitas respectu Brunsvicensium Prin-
cipum allodium, an feudum? Posterius non adseuera-
bis, prius vix dices. Supereft, vti tenent omnes, in im-
perii vrribus homagium: promittunt illæ solenniter Cæ-
fari obsequium, aperiunt ei portas, offerunt claves, pen-
itant, quod debent. Cetera iura benefica olim Cæfa-
rum



rum liberalitate, nunc autem legibus imperii confirmata, ac immutabili ratione exercent. Quo intuitu superioritate territoriali dicuntur præditæ, hoc est libertate maximam æmulante. Huic libertati vero quare quæso adsignemus vocabulum allodii? Quis audiuit, allodia regni possidentes, ratione eorum, præstare homagium, soluere censum, cetera? Quocirca non absone statuerim, fortassis ciuitates imperiales nec pertinere ad classem feudorum, nec allodiorum. Dic, vti mos fert loquendi, Cæsaris & imperii ciuitates liberas, dic veteris domanii reliquias, quia verum non est, quidquid non est feudum, est allodium. Nec enim regnum ipsum feudum est; & dubitem tamen, an appellaturus sis allodium? Domania nec allodia sunt, nec feuda. Domanium libertate sat magna donatum est interea domanium. Nec repugnat uras credo ciuitates: saluum iis manet sublime territorii ius: quidquid olim iuris habuit aduocatus, Comes, Burggravius exercent ipsæmet: comparent in comitiis, ferrunt suffragium, decidunt, vbi decidendi copia est: non possunt aduocati in vsum reduci: ipsæ ex perpetua Cæsaris commissione, quæ toties confirmatur, quoties redintegrantur priuilegia, iudices suos constituunt: fruuntur prouentibus quibuscumque, dummodo tribuant Imperatori, quæ debentur, quæque, secundum imperii consuetudines, ac leges ei sunt reseruata. Et ita vero ipsa loquuntur diplomata, ac priuilegia Vlmensi, Rotenburgensi, aliisque ciuitatibus a Ruperto, a Wenceslao, Regibus prioribus, ac posterioribus indulta, quæ voluant ac legant, qui dubitant: nos non ambigimus, sed rem ex imperii statu a regula fere nunquam non declinante ut cunque tenemus. Ea ratione nec opus erit Schoppii asserto in thesauro feudal cap. I. Sect. VII. existimantis, corpus feudale regale ciicum duntaxat confirmatione Cæsarea



farea in imperialibus ciuitatibus constitui. Timuit enim iam doctissimus *Itterus*, ne *Schoppinus* a se adfirmata non intelligat: quod perfreqens est nonnullis auctoribus verba proferentibus, rem ipsam contuentibus nunquam, aut raro. At caue propterea putes, vrbes has deſtitui feudis. Ratisbona, ſi fides *Gewoldo*, mero imperio hodie que ab Electore Bauariæ antiquo iure ac priuilegio inuestitur. Habent ciuitates, præter oppidorum fuorum ambitum, alia beneficia: fruuntur illis: Habent baronatus, habent comitatus, castra, habent a Bohemiæ Rege, a Principibus, Cæſare. Ulma magnam Comitatus Helffensteinensis partem / possidet Cæſaris voluntate, Electorum consensu ac litteris vallato. De Francofurtenſi ciuitate tum *Itterus*, cum aliis teſtantur: de Noribergensi res in vulgus nota eſt: de Tremoniensi ciuitate Comitum Dortmundanorum iure vtente *Limnaeus* inſtruere, de Rotenburgensi diplomata a *Lunigio* edita rem claram faciunt, ut Bremam ceterasque taceant, quarum litteras ex parte idem vir clarissimus, magno publicæ rei bono, prælo subiecit. Quid igitur? An adhuc habent feuda vexillifera? Habent respondeo, ſed veſt Episcopi, veluti Prælati atque Abbates: non eorum amplius nomina audiuntur. Inuestiuntur tamen terris ciuitatium ablegati & mandatarii a Senatu aulico; nec incognitum, quomodo inuestiantur, postquam rem omnem auctor breuiculi *praxeos imperialis* alioſe indicauit tit. 28. th. II.

§. XXVI.

Ea maiorem ſollicitudinem quæſtio exigit, an inſignia fuerint ſemper & ab omni memoria intexta vexillis? Et non credam. Tantum enim haſtæ signiferæ variis forte coloribus diſtinctæ mentio fit Carolingorum, Ottouni, Henrici II. ætate. Idem loquuntur ſigilla, rhombos,

bos, striae, in vexillis ostendentia, non pictas imagines: eadem numi confirmant, innumeri caui, ac bracteati. At cum sub Henricis, Lothario II. Conrado III. & sequentibus Imperatoribus expeditiones in orientem susciperentur, & ex omni fere orbe Principes ac nobiles concurrerent, ut terra sancta Saracenis christianæ religioni inimicis eriperetur; factum quoque est, ut varias imagines atque figuræ feligerent, varia signa, ne tot nationes, tot domini, tot milites confunderentur. Id clare iam *Ioannes Jacobus Chiffletius* in *Lilio Francico veritate illustrato cap. VI.* ostendit, quem ceteri magno secuti numero sunt: ut vitulo ipsius arantes non nominarunt. Cui sententiae, et si nuper nonnihil eruditissimus *Baluzius* in præfatione splendidi operis, quod nobilissimæ Aluernensium Principum familiæ consecravit, obuerit; non existimamus tamen, eam propter conquistas rationes fore penitus deserendam. Putat is, a *Cajanoua* ingeniose fuisse demonstratum, cœpisse iam insignia Hugonis Capeti tempore, ut qui terras & feuda vasallis suis hereditario iure reliquerit possidenda: quæ ab his deinde certis & constanter adhibitis imaginibus ac figuris sint repræsentata. Sed bene egisset indefessæ industriae vir, si, quod adfir- mavit, per sigilla docuisset, ac legentibus omnem dubitandi ansam ademisset. Minimum in Germania ante sæculum XII. non occurruunt exempla, non itidem vexilla animalibus aliisque figuris constanter distincta. Id deprehendi apud *Wilhelnum Tyrium*, vexillum imperiale, quod *Godofredus Bullionæus* in prælio contra *Rudolphum Sueuum* ad Elystrum fluuium gestauit, aquila fuisse ornatum. Vexilla vero in Brabantia Ducum sigillis ab his rebus vacua sunt, quod inspicientibus *Butkenij tropæa* liquet. Postea vero certum est, crucem vexillis esse insertam, & nomen Ducis aliquando monogrammate ex-
pref-



pressum, & tandem Sæculo XII. leonem, tum in signis, tum etiam clypeo frequentissime comparere. In Sigfri-
di & Wilhelmi Comitum Palatinorum Rhenénsum si-
gillis, quæ publicauit *Toelnerus*, non obseruatur diuersum.
Flandrica *Vredii* alii, post *Chiffletium*, excusserunt. In An-
haltinis *Becmanni* Henricus pinguis primus aquilam di-
midiam vexillo suo intulit cum striis. Et ab illo tem-
pore innumera occurruunt, quæ certis insignibus, ima-
ginibus & ornamentis superbiunt. Ipse *Baluzius* non
diffitetur, Wilhelnum VI. Aluerniæ Comitem demum
vexillum, quod *Gundfanon* vocant, occasione belli sacri
notis suis, eoque Ludouici Grossi Regis & Henrici V.
Imperatoris æuo, adiecissee. Quæres clare indicat, decipi
Antonium Matthæi nepotem, quando insignium ori-
ginem demum ad finem sæculi XIII. refert; non autem falli
ceteros, qui cruciatas expeditiones huic cum maxime mori
occasionem fecisse non sine causa credunt. Adiuuat
coniecturam nostram, in Germania ante Henrici V. æta-
ten, feuda hæreditario iure ad posteros non esse trans-
missa; quamlibet probe cognoscamus, obnixe omnia fe-
cisse vasallos Duces atque Comites potentiores, vt ne
sibi eriperentur regiones fiduciaria potestate permisæ.
At lege tamen obtinuit nondum, vt beneficia relinque-
rentur liberis; donec Lotharius Saxo sceptræ capesseret,
& rationem aliam Henrici Aucupis & Francica stirpe
oriundis Regibus non penitus vñstatam, iniret. Ex quo
perspicuum fit, me non prorsus repudiare *Baluzii* dicta,
sed adsumere *καὶ ἀδεσπότων* coniunctum, vt, quod suscep-
imus probandum, tanto firmius demonstretur. Cete-
rum multum in hac causa *Chiffletii* iudicio puto tribu-
endum, vt pote qui peculiare opus de re militari Germa-
norum ac Francorum meditatus est, de quo *Petri Scriue-
rii* epistola ex parte testatur, quam *Antonius Matthæi* in

H

Ana-



Analectis p. 559. edidit. Sed iterum tamen iterumque inculco, me non negare, clypeos variis coloribus picturis que fuisse signatos: congesit exemplorum copiam πολυμαθέσατος Chiffletius. Solum adfirmamus, non fuisse symbola certa constanter & sine intermissione adhibita. Prius iam ante Chiffletium late deduxit Henricus Spelmanus in *Aspiologia*. Posterius autem nuper quoque deprehendit auctor Historiae Delphinatus, quem illustrem esse *Valbonnatum*, supremum Cameræ per Delphinatum antistitem fama fert. Dum enim originem nominis Delphini vestigat, vulgarem simul opinionem refert, qua eius natales inde potissimum repetuntur, quod Comites Graifiwaldenses in scutis suis Delphini figuram ostenderint. Euincit is potius, primæ & secundæ stirpis Principes usque ad Humbertum I. Sæculo XIII. florentem ab his insignibus plane abstinuisse. Ante hæc tempora vix eius generis formam constanter adhibitam in scutis vexillisque eorum inuenies. Quod iterum indicio est, hanc occasione nominis Delphini, quod iam ante Humbertum inualuit, esse adsumtam. Amabant enim summi Proceres insignia, quæ vocant, loquentia. (*armes parlantes*) Alia quæstio est, an Præsulum ecclesiarum sint imitati morem principes sacerdotes, quod vult Otto Sperlingius in dissertatione de *numis bracteatis*, quem aliqui contra Mabillonum tulentur. Hic enim ante medium sæculum XIII. Episcopos non putat insignibus vsos, testem nominans *Herueum de Monte Morentiaco* Decanum Parisiensem monogramma adhibentem, non autem consanguineorum suorum deryua. Nos, vti plures cauñas censemus admittendas, quæ insignium certam formam induxerint; ita Sperlingii conieaturam non crederenus spernendam. At fatius est tenere modum: immo dubio subiacet, an Episcopi suas olim ecclesiæ certis distinxerint indicis? Id non diffite-

OR;



or, conspici in sigillis Episcoporum templa, cerni illorum effigies cum pedis: alia insignia ecclesiis propria deprehendi nusquam.

§. XXVII.

Insignibus autem introductis terrisque perpetua possessione fidelibus relictis, mirum non est, plura etiam vexilla in solennibus inuestituræ actibus fuisse visa. Qui mos, vti sub Lothario, Conrado, & Friderico Barbarossa potissimum videtur inualuisse; ita sequiori æuo perdurabat, vsque dum modus inuestiendi primores vexillis finem acciperet. Nec absimile veri, regiones singulas per appieta insignia fuisse notatas, vt sic, symbolo concesso, res inteligerentur plenissime traditæ. Nam et si Romana iura, eriam, cum symbolis res esset tradenda, rem vere præsentem exigebant; atque ita in conspectu fundi clauium e.g. traditio fiebat, si emptor confessim dominium & possessionem adipisci volebat; tamen non adeo subtiliter hic incedunt Germanorum feudalia instituta. Sufficit, si pares curiae, hoc est, testes adsint, si solenniter omnia peragantur, si aut verbis dominus declareret, vt in possessionem fundi vadat vasallus eumque pro feudo teneat, aut symbolum rei tradendæ eidem conferat: quantumuis res ipsa vere præsens non sit. Neque enim necesse videtur, vt omnia more Romano euenant: dependent cuncta ex gentium arbitrio, consuetudine, & dispositione legislatorum. Vnde sine negotio intelligitur, quam inepte hæc Germanorum inuestitura dicatur abusiva: quasi abusio sit, quod non est Romanorum inuentis conforme. Sed obseruauit tamen Schilterus *Comment. ad ius F. A. p. 62.* etiam in cessione iuris apud Latinos non interuenisse rem naturaliter præsentem. Ego non opus esse existimo, vt in fauorem dissentientium Romani & Teutonici iuris conformitas ostendatur. Ineptia est, credere,



dere Romanos solos esse cordatissimos, ceteros caudices, & peponem gestare pro corde, fungum pro cerebro. Sat est, intelligi, quid fiat. Nec puto, fictam hanc esse inuestituram dicendam, aut imaginariam. Non sunt obstricti summi Legiflatores, ut fingant: finxit Prætor Romanus, qui Legiflatoris nomen ex arcanis rationibus fugiebat. Adebat hic nostratum Imperatorum legitima voluntas, ut dominium & possessio in inuestitum transeat, quamprimum ei cum effectu porrigitur rei tradendæ symbolum. Et vera est inuestitura, siue in fundum naturaliter præsentem inducatur vasallus, & sic corpore atque animo apprehendat, siue verbis, siue symbolo, quidquid est, perficiatur. Quod naturali apprehensioni debet, lex supplet; nec nisi latro & summæ potestatis hostis, turbare sic missum in possessionem potis est. Valde enim inficetum videtur, quod excipitur, tradi dominium symbolo, non possessionem. Verum enim hoc foret, si Iureconsulti semper secundum etymologiæ subtilissimos apices rationes subducerent: requireretur tum sedium iuxta positio. Nec diuersum Germanica vox indicat. At vbi, vbi tam superstitione inquam & visu fuerunt Iureconsulti nostri? De Romanis fateor suppetunt nonnulla exempla. Ita *Gaius* disputauit magno feroce, utrum res immobilis possit pignori tradi? Non inquietabat in l. 238. de V. S. quia illa duntaxat pignori dari possunt, quæ manu traduntur, & tractantur. *Paulus* l. 26. ff. de cond. indebit. pignus ponit & deponit ait, quod in re immobilidi non potest: ut alia taceam, quæ larga manu collegit *Petrus Duijsema* Coniectural. Iuris civilis Lib. II. cap. II. At non ita argumentatus est Pomponius: In ædibus, inquit l. 9. ff. de donationibus, alienis habitare gratis, donatio videtur: id enim ipsum capere videtur, qui habitat, quod mercedem pro habitatione non soluit: potest enim & citra

cor-



corporis dationem valere donatio: veluti si donationis causa
 cum debitore meo pacificar, ne ante certum tempus ab eo
 petam. Quod si quis sollicite inhærente verbis velit, ne-
 gare posset, donationem hic interuenire. Ecce? quia
 corporis traditio hoc casu non fit: quod tamen vox do-
 nare exigit. Citra eam autem quin vera donatio iure
 perfici possit, dubium esse non potest, inquit *Duirsema*,
 ob legis & imperantium voluntatem. Et quare igitur
 Germanis vitio verteres, quod, vocabulorum cortice
 spredo, rem ipsam sunt intuiti, &, quod in negotiorum
 obtinet argumentis, aut obtainere voluerunt, cordate cir-
 cumspexerunt. His in luce collocatis apparent nunc
 miseræ doctorum ratiocinationes, ineptæ quæstiones,
 illepidæ responsiones. Quid enim hoc est? an abusua
 inuestitura transeat dominium, aut ius in re? num, si
 hoc transeat, transferatur simul possessio, an tan-
 tum ius possidendi? an futura possessio? num præsen-
 tia rerum tradendarum opus sit? num Cæsar's volun-
 tas sine præsentia rerum sufficiat? adsitne præ-
 sumtio, rem fuisse præsentem, modo signum corpore-
 um adfuerit, modo litteræ inuestituræ id adfuisse nar-
 rent? num transferatur possessio, si alius adhuc teneat
 rem, eique insistat? num maius sit possessionem dare,
 quam inuestituram? Tota enim res in contemptissimam
 logomachiam, cui confusio iuris Romani ac Germanici
 copiam facit, ultimo resolutur, posteaquam Andabata-
 rum more pugnarunt omnes, inclamarunt, negarunt,
 adfirmarunt, & tragodias excitarunt sat magnas. Au-
 di Lector, cui tot absonæ interrogationes metum incut-
 unt. *Hugo Grotius* te doceat de I.B. & P. Lib. II. cap. VIII. §. 25.
Vltimus, inquit, acquirendi modus, qui iuris gentium dicitur,
 est per traditionem. Atqui supra diximus ad dominii trans-
 lationem naturaliter traditionem non requiri, quod & ipsi
 iurisconsulti in quibusdam casibus agnoscunt, ut in re do-



nata, usufructu retento, cetera. Supra autem, nempe cap. II. §. I. disertius mentem expressit suam: *duo tantum notanda sunt, alterum in dante, alterum in eo, cui datur.* In dante non sufficere actum internum voluntatis, sed simul requiri aut verba, aut alia signa externa: quia actus internus, ut alibi diximus, non est congruens naturae societatis humanae. Ut vero traditio etiam requiratur, ex lege est ciuili: quae, quia a multis gentibus recepta est, ius gentium improprie dicitur. Iam vero si ad dominium in alterum deriuandum naturaliter traditio plane non exigitur; quanto minus sanæ mentis homo negabit, per inuestituram symbolicam id posse deriuari? naturae lege non nisi animus transferendi dominium sufficienter declaratus necesse habetur. Per symbolum autem, vel verba declarari voluntatem sufficienter, quis inficiabitur? Tantum disceptatur, an vt dominium; ita etiam possessio queat dari? & hoc enim est, quod cum *Cuiacio* nonnulli non credunt. Sed totum iterum litigium de vocabulis est. Id enim fateor, inuestitum non apprehendere eo momento, quando symbolum porrigitur, rem signatam corporaliter: quæstio est, an pro possidente habeatur? & putem. Nec dixeris, possessionem esse abusuum. Quis namque adfirmabit filium cum moritur pater, moribus Galliae & Germaniae esse paternæ hereditatis possessorem abusuum, improprium. Lex est: *Le mort saisit le vif:* lex quoque est, inuestitum esse in possessione, si supremi domini voluntas rationabiliter ex euidentibus signis innotescat. Qui sic inuestitum impedit, turbat, vel de possessione depellit. Hinc, si de remediis iuris possessoriis sermo est, interdicta suppetunt, si de petitorii, rei vindicationes. Miseret me *Merckelbachii* aliorumque Iureconsultorum, qui hic cucurbitas pingunt, & caussam Neoburgici contra Saxones in controuersia
Iulia-



Iuliacensi male defendant. Negant illi, Saxoniae Principem esse in possessione, cum res tradenda vel tradita non fuerit praesens, quando eum inuestiuit Rudolphus II. Recitus negassent, Cæfarem Saxones potuisse inuestire, cum non fuerit vacua possessio, nec, quod potissimum obseruandum, liquidum Saxonie principibus ius, vti Neoburgico possidenti. At finge postremum, & actum erit de Merkelbachio eiusque tricis, limitationibus atque extensionibus haud raro repugnantibus. Caussa vero confusionis vniuersæ hæc est, quod plus nihil atque ius Romanum didicit, nec aliam traditionem symbolicam admittit, quam in re praesenti. Quod Klockii Consilium VII. Tom. I. considerantibus clarum fiet. Verumtamen non solis Romuli nepotibus animi sensus est; nec adeo effoeta natura, vt nec vlla meliorum ingeniorum spes supererit; nec adeo curta Teutonice facultas, vt non affud traditæ possessionis statuere signum, atque isti, potuisset. Quid Longobardi cogitauerint iam non dispuo: quamuis multæ sint conjecturæ etiam illorum mores nostris consentire; testantibus Finkelhusio, Carpzouio, Schulzio, & inter veteres Duarenio. De Allemannis res claret ex capite LXXV. Iuris Feudalis: Ist das ein Mann dem andern Gut ussigt vor sine Herrn / zu Hau / so er das Gut entpfehet / so hat er auch die Gewehr an dem Gute / die der erste Mann daran hätte. Ius Saxonicum in tali casu ne quidem inuestituram exigit: quanquam alias requirit. vid. Schilt. Comment. ad Iuris Feudale Allemann. & Saxon. cap. IV. n. 3. seq. Iterus de Fevdis imperii cap. IX. §. 49. 50. qui hanec esse mentem Imperatorum & fuisse, ex litteris feudalibus Friderico Bellico primo Saxonie e Misniae Marchionibus Electori datis luculenter probat. Quibus alia iungere exempla nobis foret in procliui.

§. XXVII.



§. XXVIII.

Sed locum inspiciamus potius, ubi inuestitura fuerit facta. Et credam, ut ordinarie iudicia solennia omnia sub dio; ita feudale non alio loco esse quærendum. Cur vero sub dio, facile est demonstratu. Intererat quippe Reipublicæ, ut omnes intellegent, quomodo ius dicteretur; intererat totius imperii, ut, qui munera imperii summa, ac præcipua gererent, publice innotescerent. Ipsi imperii conuentus in campo agitabantur, veterum Francorum more, donec solis ardor, atque imbrum incommoda, aliaque locum mutationi facerent: quod præclare Antonius Matthæi in Comentario ad *Chronicon Egmondanum* p. 219. e veteribus tabulis docuit. Non nemo cum in *Capitularibus* legeret, Pipinum ac Carolum M. præcepisse, ut loca ubi placita fiant, bene restaurata fiant, ea in curiis ac domibus putauit celebrata: exceptis causis minoribus decisis sub dio. Sed non est ita, Semper sub coelo & aperte ius dictum, nisi vel nimium frigus, vel solis ardentissimi radii, vel pluuiæ personas iudicium constituentes impedirent. Argentorati adhuc post interregnum in publico foro litigantibus dictus est dis extatque in antiquis ciuitatis legibus prohibitio, r ad domum iudicis citaret quemquam. Quidquid in atrium observatur, ad abusus pertinet. Hinc saepe prohibitum, ne in atriis ecclesiarum, vel ipsis ecclesiis actionibus configeretur. Quocirca non mirum, nec feuda dari in templis potuisse. Textus inuenitur in I.F. *Allmannico* haud obscurus: der Herr soll synen Mannen zu allen Zeiten und in allen Stellen ihr Lehen lyhen/ so sie es fordernd / on in der Kirch und an dem Kirchoye/ da mag er gar das mit Rechte nit gelyhen. Singulare non-nihil in historia Caroli Audacis animaduerti, qui in tem-

plo



plo Ecclesiæ S. Maximini iuxta Treuiros magna pompa apparari omnia iusserat, vt ibide[m] regia scepta manu. Imperatoris obtineret: quanquam decollauit spes omnis euanuitque consilium. Ceterum firmiter concluditur, non fuisse locum signate determinatum, vbi conferenda feuda, & porrigenda vexilla. Fiebat id saepe in publicis imperii conuentibus, in conciliis sacris, non nunquam, vbi Cæsar inaugurabatur, vel aliquandiu comorabatur, vel, quo litteris inuitatos secum iussit coire clientes. At cognoscunt paucissimi, Noribergæ renovationem feudorum suorum saepe saepius obtinuisse summos imperii proceres, in primis, cum in usum irrepereret, vt ibi primus imperii conuentus a nouo Rege celebraretur. Saltem non nisi turbulentis temporibus, & ob graves caussas post interregnum ab hoc more recessum: quid? quod in aurea bulla postmodum diserte est statutum, vt prima imperii coitio Noribergæ fieret. Præcipua caussa erat, quia ibi inuestiturarum solennia haud raro peracta: quo factum, vt hæc ciuitas curia feudalis primaria lege constitueretur. Notat *Sigismundus a Birken in Speculo Honoris Austriaci p. 974.* Sigismundum Imperatorem juxta ædes Furrianas magnificentissimas in foro regium solium curasse ædificandum, in quo & ipse & successores beneficia confirmarent illustribus Principibus, ac noua darent. Sub Friderico III. istud adhuc solium usui, quem indicauimus, inseruiebat. Et supersunt litteræ Sigismundi ac Friderici III. dictarum ædium dominis impertitæ, in quibus nonnulla priuilegia leguntur perscripta, atque hoc cum primis, vt Imperator noue inuestitos precibus compellaret, quo possessores domus, vnde Cæsares ad feudale solium, perfracto pariete, comitantibus electoribus ibant, præmio, honore, gratia, ornarent: & hæc preces in diplomate primarie



vocantur. Ob hos comitiales conuentus in curia Noribergensi non solium tantum Imperatoris summo loco positum, sed & vtrinque scamina ita disposita obseruantur, prout secundum leges publicas, tum Electorum, tum ceterorum ecclesiasticorum principum sessioni conueniunt, adnotante *Wagenseilio de Noribergæ rebus notabilibus p. 105.* qui insuper monet, Ludovico Bauaro, Principi in urbem benignissimo, marmoream statuam solio imperatorio imminentem a senatu populoque fuisse positam. Postea vero cum vsu veniret, vt primus imperii conuentus, quemadmodum voluit aurea bulla, Noribergæ non haberetur, Maximiliano ob varia bella impedito, Carolo V. pestilentiae contagium, aliis aliud obtendentibus, etiam nonnulli ex iuris publici auctoribus cum *Bertramo animum induxere*, istud primorum comitiorum ius non amplius attendi, sed in desuetudinem abiisse. At recte monuit celeberrimus *Schwederus*, cui longioris vitæ usuram litterarum bono precamur, saluum hactenus rei-publicæ ius esse, fartum atque tectum cauentibus in *Recessibus suis Imperatoribus & imperio vid. I. P. part. special. Sect. I. cap. XXX. n. 4.*

§. XXIX.

Vti vero varia vexilla; ita variis quoque coloribus, imaginibus ac figuris erant distincta: de quibus nunc dicendi locus nullus. Tantum moneo, vexillum regalia significans fuisse rubri coloris. Quæ obseruatio facit, vt de Eberhardi Barbatij Wurtenbergici Comitis ad Ducis dignitatem magnifica promotione aliqua iudicemus inspergenda. Clarissimus *Itterusde F.I.p.130.* luteo illum vexillo scribit a Maximilano I. ornatum; idque in peculiaribus collcat: cum alias vexillum regalia denotans sit rubrum atque sanguineum, vulgo die Blut-Fähne ab omnium armorum, seu insignium pictura vacuum & purum.

De-



Deprehendi alios eosque permultos eadem tradidisse, nulla habita ratione, abludatne a scopo *Itterus*, an feriat? Idcirco operæ pretium duxi, inquire in huius rei veritatem. Atqui certum est, & obtulisse Eberhardum & accepisse vexillum flauum aquila ornatum: sed nego fuisse vexillum banni, seu regalium, quod vocant. *Bernardus Herzogius* in *Chronico Alsatensi*, qui Wormatiensis comitia, &, quæ in iis agebantur curate describit, luteum vexillum non minus atque *Hortlederus* memorat, quem allegat *Itterus*; sed non obliuiscitur vexilli sanguinei seu rubri, regalia summamque iurisdictionem indicantis. Vnde concluditur, vexillum primum luteum non signasse bannum sanguinis, quia hoc singulari velo legimus expressum. Fuit istud potius militare Wurtenbergicorum signum, quod pro imperiali nonnulli amplectuntur: eaque de re multa nostra ætate disputatio surrexit. Hanc autem item, vti me non facere meam iam professus sum supra; ita non possum non notare, militaria vexilla sæpe flauo aureoque colore fulsisse. Saltem Henrici VII. vexillum, quod in Italia expansum refert *Mussatus*, totum aureum fuit, seu flauum. Ex quo, nescio quis, ineptissime arguit, etiam Germanos vibrare auriflammam, non Gallos solos. Sed hæc recensuisse sufficiat, cum ampla eius rei confutatio propterea non videatur necessaria, quia euidenter cognoscimus, non propter aureum velum, sed hostile & contum inauratum auriflammæ nomen in Gallia innaluisse: quod *Gallandius* copiose confirmat.

§. XXX.

Maiori attentione digna controversia est, an Mauritius Elector vltimo tam solenni apparatu fit inaugurus? Quanquam enim sub Friderico III. & Maximiliano I. exemplorum magna copia est; tamen sub Carolo V.



Principibus maiora anhelantibus, sensim coepit inter-
mitti. Vnde fere apud omnes inualuit opinio, Mauritium
ultimo tot solennibus esse inuestitum. Quod quam fal-
sum sit, sequentia ostendunt. Refert enim *Ioannes Se-
bastianus Mullerus* in Annalibus Saxoniæ Augustum Mauri-
tii fratrem eadem cærimonia Augustæ a Maximiliano II.
anno CICCOLXVI. VIII. Kalendas Sextiles inuestitum, cuius
verba, quia non nihil singulare continent, adscribo inte-
gra : Den 23. Aprilis ist Churfürst Augustus zu Sachsen
von dem Käyser Maximiliano II. uss dem Reichs-Tage zu
Augspurg / unterm freyen Himmel / uss dem Wein-Marc-
te / eben mit solchen Solennitäten / wie eben 1548. bey Chur-
fürst Moritzens Belehnungs-Aetu geschehen / mit dem Erz-
Marschall-Amt / Churfürstenthum und Landen besiehen
worden / worben sich dann dieses / so recht merkwürdig /
zugetragen : Als die gewöhnlichen Lehns-Fahnen / welche
sich der Churfürst anfangs vortragen lassen / und nachge-
hends der Käyser ihme / in ipso actu inuestituræ, nach ein-
ander in die Hand / und so fort der Churfürst dem Herold
geliesert / dieser aber solche / dem Herkommen nach / vom
Gerüste herab unter das Volk geworffen / dass alle dersel-
ben von dem Volk in dem grossen Gedränge zerrissen wor-
den / außer des Herzogthums Sachsen Fahne mit dem
Rauten-Kranze und den 5. schwarzen Balcken / welche /
gleichwie obbesagten Jahres 1548. auch geschehen / uner-
achtet des grossen Volks / so sich darum gerissen und ge-
schmissen / ganz blieben / gestalt solche ein Reuter erwischet /
und dem Churfürsten unverletzt überantwortet / wovor er
eine stattliche Verehrung bekommen / weiln mann solches
vor eine gute Anzeigung gehalten. Ab eo tempore, fateor;
nullum mihi documentum succurrit. Ceterum miror,
Ioannem Joachimum Müllerum, qui nuper nobis opus
prægrande atque eruditum dedit, quod *Theatrum Comi-
tio-*



tiorum vocat, ignorasse, quod Mullerus *Vinariensis* alter
e tabulario adnotauit in Annalibus. Ita enim ille pag.
589. Der letzte Actus mit Fahnen ist geschehen a. 1548. als
Käyser Carl V. Herzog Morizzen zu Sachsen mit der Chur-
Sachsen auf dem Reichstag zu Augspurg öffentlich unter
dem freien Himmel uff dem Wein-Markt solenniter be-
lehnet. Von der Zeit wird man keinen solchen Actum pu-
blicum solennem weiter finden. Intuenitur vtique. Sed
quæ interea mutationis sit cauſa, inuestigandum. Et
plures mihi videor deprehendisse. Nam cum olim
omnes, qui regalibus & banno sanguinis inuestiebantur,
ipſimet coram Cæſare & in persona, vt loquimur, ompa-
rere obligabantur, niſi Cæſar peculiäriter nonnullis gra-
tiam feciſſet, aut, vt alii præſtarent, indulſiſſet, mirum
non eſt, solennitates conſuetas nunquam non fuiffe ad-
hibitas. Obſtrictos autem vasallos fuiffe, & inprimis ma-
iores, vt ipſi venirent & fidem darent multis documentis
firmatur. Non afferam nunc neque vrgebo Reges An-
gliæ, vel Walliae Principes ſæpe mare traicere coactos,
vt, ducatus Aquitaniae & Pictauiensis atque Monſtroli-
ensis Comitatuum nomine, sacramentum dicerent: no-
tauit id celeberrimus *Furſtenerius* de Suprematu cap.
XXVII. aliaque memoratu dignissima e veterum monu-
mentis excerptis. Tantum lege Allemannica & Saxonica
feudali monebo cautum, ne regio banno vteretur quis-
quam, niſi a Rege accepisſet, er ſoll iſu vom König em-
pfangen/ der König ſoll iſu mit ſeiner Hand leihen Quin
ipſis Episcopis, vtut supremis imperii iuribus donatis,
iniunctum, vt aduocatos electos litteris commendatitiis
inſtructos mitterent ad Imperatoris curiam, quo iuris
dicundi facultate manu regia inuestirentur. Exempla
ſupra produximus. Et quod amplius: allegat *Schilterus*
Ruperti Cæſaris diplomata, e quibus pellucet, inueſtitu-



ra per mandatarium concessa (quod Regis voluntate fieri poterat) non statim liberatos vasallos a comparitione personali. Reseruavit is sibi ius inuestiendi de nouo, præcepitque, vt a quibusdam Abbatibus & Comitibus confirmatio coram repeteretur. Dubium non est , quin litteræ in *Commentario ad Ius Feudale Allemannicum p. 406.* seq. productæ sint vtique magni faciendæ : quandoquidem necessitas comparendi inde innotescit plus satis. Addo, etiam Bohemiæ Regibus olim necessitatem comparandi per se fuisse impositam. Recte enim a viris clarissimis obseruatum est, priuilegium Regis Adolphi, quod *Balbinus* exhibit *Miscell. decad. I. Lib. VIII. p. 25.* primo specialis gratiæ mentionem facere , cum is Wenceslao indulxit, vt, interueniente procuratore,feudale sacramentum præstaret, deinde iubere, vt , cum sine incommodo fieri possit, *Bohemus feuda sua personaliter*, *vti mos est*, accipiatur. Meretur res , vt integræ describantur litteræ, quia ad propositum nostrum nonnihil faciunt : *Adolphus Dei Gratia Romanorum Rex semper Augustus, vniuersis Sacri Imperii fidelibus gratiam suam & omne bonum. Ob suorum meritorum insignia gloriofa, quibus erga nos & imperium sacrum illustris Dominus Wenceslaus Rex Bohemiæ, inclitus Princeps noster & Pincerna multipliciter relucet, suis cupientes parcere laboribus & expensis omnia feuda quounque locofita, seu quoconque nomine censemur, quæ a nobis & sacro Romano Imperio dictus Rex per Nobilem virum Rubinum de Fouerna affinem nostrum exhibitem præsentium ex speciali gratia nostraræ Regiæ Maiestatis quamquam absenti duximus porrigenda. Volumus tamen & anneximus hanc formam, vt Rex Illustris iam prædictus, cum commode præsentiam nostri habere poterit personalem, personaliter nos accedat, iura suorum feudorum, prout mos expostulat, accepturus. Dat. apud Francfort IV. Idus Maii Anno Domini*

ni



ni M. CCXCII. Indictione V. Regni nostri Anno primo. Postea demum vsu venit, vt ex Friderici III. priuilegio, quod referunt *Goldastus & Balbinus*, Reges Bohemiæ non obstringerentur regalia suscipere, nisi in finibus regni sui, aut locis finitimis: quemadmodum Austriae Duces & Archiduces. Quibus postremis hoc amplius singulari Friderici Barbarossa gratia permisum, vt equo vecti vexillum offerant suscipiantque, & caput coram Imperatore tegant, quod nulli principum licuisse perspicue constat. Vnde e *Suttingeri consuetudinibus Austriacis MS.* Iterus de Fevdis imperii cap. IX. §. XXX. obseruat, prospexit sibi Austriaeos litteris, vt appellant, reuersalibus, quoties in peregrino & ad eos non pertinente territorio feuda sua receperissent. Cerninus etiam nunc inuestituræ actum affabre depictum in arce Norica, quo fratrem Ferdinandum I. Carolus V. ipse equo insidens in castro Wolkenburgensi beneficia sua permisit. Est illud castrum haud procul ab Augustanæ ciuitate distatum, & ad Marchionatum Burgouensem pertinet. Quod indicio est, Austriaeos, ubi occasio erat, eum seruasse morem & seruaturos forte. Secus si esset, Augustæ sine dubio, aliorum Principum exemplo, a. cicioxxx. solenni cærimonia inuestitus fuisset Ferdinandus. Iam vero, cum a consuetudine recesserit, Principes aliosque vasallos comparere coram Imperatore per se, sine negotio intelligitur, quare etiam solennis inuestitura sub dio fuerit omissa. Multum sane sumptus, multum etiam negotii foret impendendum, si ad sedem Imperatorum se conferre Principes semper cogerentur, & solium feudale toties esset vdo sub coelo, exstruendum, quoties impertienda feuda tot imperii vasallis. Cui accedit, quod nunc auctoritas & eminens imperii character non fert, vt ipsimet genua inflectant, & tot regulis alligati, tot cærimoniis fatigati



gati nonnulla faciant, quæ eorum iuribus, sane prægrandibus, conuerso sæculi more, quadantenus videntur contraria. Inter Episcopos Philippum a Schönborn Elec-torem Moguntinum a. ccccxlvi. vltimo regalium feudorum inuestituram recepisse, testis est *Vffenbachius* de Iudicio Imperii Aulico cap. XI. At scimus Lotharingiæ Ducem Archi Episcopum Treuirensem, tunc Osnabrugensem Præfulem, ab Imperatore Iosepho præsentem dignitati ac potestati suæ solenniter a. ccccxvi. inauguratum. Ceteri absentiam suam verbis honorificis excusant; neque est quisquam qui hanc iis libertatem exprobret. Formulas *Stryckius* noster & *Iterus* aliique larga manu suppeditant: quos non exscribimus temere.

S. XXXI.

Hoc dubium, an & Comitibus per se comparen-di necessitas fuerit imposita? Nam cum nostra ætate illi ditionibus suis in Iudicio aulico inuestiantur, nec, per proprios ablegatos, sed agentes sæpe alienos, quid? quod Cæsar's officiales sese fstant, credi posset, eos non fuisse ad id obstrictos. At deprehendi ex indubitatis documentis, obtinuisse ab antiquo, vt & hi præsentes Regi sacramentum coram dicerent. Præter ea, quæ e Schiltero allegauimus supra, in primis recordamur litterarum Sigismundi Imperatoris, quas Zacharias Vietor in apologia pro gentis Waldecciae honore conscripta in lucem produxit, nosque, quia dictis affundunt lucem, & Henrico Comiti apparituram iniungunt, integras subiicimus: *Wir Sigismund von Gottes Gnaden Römischer König / zu allen Zeiten Mehrer des Reichs / und zu Hungarn / zu Böhmen / Dalmatien / Croatiens / &c. bekennen / und thun kund offenbar mit diesem Briefe / allen die ihn sehen / oder hören lesen: Sintemahl uns der Allmächtige Gott / das wir gänzlich hof*



hoffen / dem Heil. Röm. Reich / das zu verwesen / fürgesetzt
 hat / so seyn viel Sachen in demselben Reich vor uns auß-
 zutragen / die von fernewegen zu uns nicht füglich kommen
 mögen / die wir billig zu befehlen geben / andern unsern
 und deß Reichs Getrewen / die solche Sachen an unser staet
 enden: Wenn wir nun unterweiset seyn / daß der edle Hen-
 rich Graff zu Waldeck / unser und deß Reichs lieber Ge-
 trewer mit andern seinen Geschäftten zu diesen Zeiten also
 beladen ist / daß er nicht füglich zu uns kommen mag / seine
 Lehn selbst von Uns zuempfahen / und Wir seynd von sei-
 netwegen demüthiglich gebeten / den edlen Graffen Adol-
 phen von Nassaw / Unserm und deß Reichs lieben Getre-
 wen zubefehlen / daß er ihm seine Lehn an Unser statt mö-
 ge leihen / deß haben Wir angesehen solche demüthige Bitt /
 und auch betrachtet solche Redligkeit und Treue / der Wir
 Uns zu dem vorgenandten Graffen Adolphen versehen / und
 haben darum mit wolbedachtem Muth / gutem Rath / und
 rechtem Wissen / demselben Graff Adolphen Vollmacht und
 Gewalt geben / und geben in Krafft dieses Brieffes / daß
 er dem vorgemelten Graff Henrichen von Waldeck / sein
 Graffschafft und Lehn / die er von Uns und dem Reiche zu
 Lehen hat / leihen und gewöhnliche Eid darauf von ihm neh-
 meu solle und möge. Doch also / wann der vorgenante
 Graff Henrich zu Uns bequemlich kommen mag / daß er
 dann solche Lehen von Uns und Unsern Händen selbst em-
 pfahen solle / mit Urkund deß Brieffes / versiegelt mit Un-
 serm kundlichen anhangendem Insiegel / geben zu Breslaw /
 nach Christus Geburt vierzehn hundert Jahr / und dar-
 nach in dem zwanzigsten Jahre / am nechsten Mittwochen
 nach dem Sontag / als man in der heiligen Kirchen singt /
 Lætare, Unserer Reiche / des Hungarischen in dem drey und
 dreysigsten und deß Römischen in dem zehenden Jahre ic

K

Quod



Quod autem nunc non amplius, aut saltem non adeo crebro vrgentur Comites, vt vel ipsimet, vel, singulari ablegato interposito, homagium dicant, partim e generali mutatione merito repetitur, partim etiam inde est, quod Cæsar non amplius Comitibus symbolum per se porrigit, sed, aulici senatus opera interueniente, id peragat, partim, quod ipsimet sumtibus parcant. Ex eo vero noua obseruatio permanat, non esse hanc genuinam inter Comites & Principes differentiam, quod hi coram solio Imperatoris, isti coram senatu aulico feudorum suorum participes reddantur. Quidquid hic difformitatis animaduertitur aliunde venit, & ex accidentia. Saltem olim manu regia obtinebant, quod nunc in mandatarii persona perficitur: cuius rei veritas e diplomate deinceps afferendo evidenter innotescet. Istud magis veritati congruit, non accepisse Comites ac liberos Dominos tanta apparatione & magnificentia iurium suorum confirmationem. Porrigebat Imperator stantibus clypeum ac vexillum. Ex quo cœnit, vt hodieque in aulico senatu stantes sacramentum dicant, nec, Italicorum Comitum more, in terram procumbant. Cui addendum, diuersam quadantenus sequiori tempore vexillorum Principum fuisse formam atque Comitum. Horum enim vela vel in cuspidem desinebant, vel non ita lata erant, aut quadrantalia; cum principum e contrario quadratam prorsus speciem, & augustiorem figuram præ se ferrent: cuius rei veritatem *Leibnitius* in laudata pro serenissima Hannouerana domo apologia vidit, quando Wurtenbergicorum Ducum vexillum, quod hi pro imperiali venditant, curatius circumspexit, & quandam minutionis notam in eo deprehendit, quod esset fere pinnatum. Minimum ex *Oliuarii a Marca*, qui Caroli Audacis Burgundiæ Ducis ævo floruit *hist. L.* V. cap. 25, patet, equitem bacelarium (bachelier) cum prom-



moueri vellet ad *Bannereti* gradum, pinnatum signum suum supplicem obtulisse Principi, ut illud, resectis alis, in quadratam vexilli formam aptaret. Quæ adnotatio et si exæte differentiam signi Ducalis, & comitis non exprimit; sufficit tamen generatim & verisimiliter sic monstrari, dissimilia fuisse. Quod in rebus antiquis & ab opinione pendentibus rebus, quas obliuioni sensim tradimus, sat est. Minimum in eo conueniunt omnes, primaria vexilla quadrata prorsus & in latum magis fuisse expansa, atque cetera procerum, qui principali dignitate non eminebant.

§. XXXII.

Alterum, quod copiosius pensitandum, illud est, obseruari in solennibus inuestituris Proceres complures signa portantes & equo cum inaugurando vectos, solium Regis cingentes. Id Friderici I. Electoris Brandenburgici, Friderici bellicosi, Mauritiū aliorumque inuestituræ actus in luce ponunt ac certo probant. Et nullum mihi dubium hæret, testium eos habendos loco, quibus sine totus actus vel non fuisset satis solennis, vel minus certus. Maiores enim nostri tam auxie desiderarunt testes, vt inuestituram nullam dixerint, si hi abessent. Vnde *Schilterus* admodum indignatur, & abusum vocat, quando solius scribæ curæ in curiis nonnunquam permittitur in vallum receptio. Occurrit enim hic factum, siue nouum concedatur feudum, siue renouetur, quod probatione indiget: occurrit solennitas, quæ sine aliis hominibus peragi nequit. Homines vero vt sint masculi, natura negotii præcipit, vt sint proceres, conuasalli, pares curiæ, non extranei, non ex fæce, aut hominum contemptissimum numero, partim prudentia dictat, partim decori recepti usus suadet. Eam ob caussam in locis aliquibus adhuc in præsentia consiliariorum, & aulicorum inuestitu-



ræ solennitas peragit: quid? quod cum comites in se-
 natu aulico beneficiis donantur suis, fores aperiuntur,
 vt, quod fit, ab omnibus cerni queat. Cui rei non obest,
 quod dicitur, adesse testificationis clarioris signa, litteras,
 puta, inuestituræ; adeoque non apparere, cur testium
 præsentiam tam follicite mores & leges feudales vrgeant.
 Studio enim coniunxi probationem & solemnitatem.
Quamuis enim instrumentum domini euidenti argu-
 mento inuestituram probet; tamen non probat semper
 & solum inuestituram solennem. Vnde etiam feudales
 litteræ a testibus, qui negotio aderant, aut signabantur,
 aut etiam subscribebantur, si litterarum essent gnari:
 (plerique enim laicorum litteras nesciebant) vt præter-
 eam, antiquis temporibus litteras feudales raro esse con-
 fectas, aut datas. Hoc *Seckendorffius* in additionibus ad
 libellum, quem *Deutschen Fürsten Staat* præscripsit §.
XX. his verbis adnotauit: daß Landes Herren im Reiche
 sind / sonderlich von Gräfen Stande / die gar keinen / oder
 doch nur solche Kaiserliche Lehren Briefe haben / darin et-
 wan ein / oder ander Stück / oder Herrschafft begriffen sey.
 Idem *Stryckius*, nī fallor, animaduertit in præfatione ad ius
 georgicum *Lyseri*. **Quamobrem** paullo attentiori
 studio in tempus inquisiui, quando curatius scribi coe-
 ptæ, & post interregnum demum eius rei vsum & obser-
 uantiam magis deprehendi constantem. Quod non ita
 tamen intelligi velim, ac si tum quoque vniuersa & sin-
 gula in eius generis instrumentis crederem expressa: in
 multis generatim duntaxat feuda & iura, etiam post hoc
 interuum, sunt indicata, donec recentioribus sæculis ex-
 actioni recensione defungerentur. Neque tamen nunc ita
 omnia cernuntur enumerata, vt nihil sit omissum. Quocir-
 ca hodie de plerisque principibus eorumque maiore ter-
 rito-



reriorum parte foret actum, si nihil habere iis licet, quam quod litteris est expressum.

§. XXXIII.

Quæ de solennitate diximus, in memoriam nobis vexillorum lacerationem reuocant, de qua libelli inuestiturarum actus exponentes nunquam non mentionem faciunt. Necessarium quippe plurium opinione videtur, populo etiam reliquere rei tam solenniter peractæ indicium. Vti enim cum inaugurantur Reges, pannus, auena, bos assatus, vinum, numismata populi arbitrio & usui addici moris erat, ita etiam vexilla ab Imperatoris fæciali ordine tenentibus ablata de tabulato in vulgus spargi solebant. Quod *Mameranus Mauritii Saxonie Electoris* inuestitiram describens sollicite inter alia adnotauit. Vix autem comprehendendo, quamobrem Bohemiæ Reges integra sibi restitui vexilla sua voluerint; nisi in minutis saepe aliquid prærogatiuæ quæsitum adfirmes, aut tandem dicas, reputasse eosdem, non esse adeo vilipendenda insignia sua, ut ultimæ e plebe fæcis manibus sint discerpanda. Etiam supra animaduertimus, Augustum Saxonem restituentem sibi illæsum Electoratus vexillum præmio prægrandi ditasse. Hæc cum iam absoluisset, noua cogitatio subiit, annon forte Cæsares, dum per fæciales suos proicí hæc symbola in terram & spargi in populum iusserunt, indicare voluerint potestatem dandi, & rursus, si sit caussa sat grauis, adimendi datum & lacerandi. Duntaxat id nequit negari, eodem modo *deuestiri* vasallos, ut inuestiuntur. Qui feudum libere resignabat, accepta reddebat, testante Ottone Frisingensi *Lib. II. cap. XXVIII. & XXXII.* vexilla: (*) quemadmodum proscriptorum

*) Similia *Cunctibus* in Ligurino refert. Vnde consequi putant, et ram
in manus Cæsaris resignanda fuisse feuda, ut eadem solenni ritu emanu-
ipitus



ptorum vela ob dolum & fidem sublestam discerpebantur. Hodie tali casu litteræ feudales in minutæ partes scinduntur: sicuti id nuper, cum Electores fratres proscriberentur, vidimus. Peculiaris est sententia *Cangii*, quando id eam ob rem coniicit factum, ut euaneſcerent signa, quibus quis inuestitus, ne prehenderent alii, & ius mentientes offerrent denuo, sique iniuria fieret inuestito. Valde enim vereor, ut hoc certum sit. Scimus, ante *Friderici Barbaroſſæ* ætatem vexilla non fuſſe diſcerpta & in yulgus ſparsa. Quæ is de traditionibus ecclesiis factis p. 105. in *Gloss.* colligit, huc non pertinent. Frat̄us quippe in altari cultellus, fracti baculi, teste *Mabillonio Annal. Benedict.* Tom. V. p. 293. hoc indicant, dimittere & resignare, qui tradunt ſuum. Vnde factum, ut ſacerdotes ac Monachi fruſtula festucarum, bacillorum ſæpe littoris adfigerent donationum piarum, qualia ſe vidiffe in perpluribus instrumentis idem alibi adſeueraſt auſtor cultiſſimus. Quæ res facit, ut ex hoc more ecclesiastico proiectio ac ſcissio vexillorum commode deriuari nequeat: niſi quidem dixeris, resignaſſe Cæſarem dominiū vasallis principibus vtile, resignaſſe imperii iura. At tum vix præoptaſſent ſummi proceres, ne perirent ſymbola; ſi illa laceratione, fractione, ac ſciſſione signata fuifſet imperii iurium traditio. Nec credam, adfirmaturum quemquam, voluiſſe clientes, ne adſignarentur ab Imperatore, ſed ut hi resignarent ipſi & offerrent Imperatori ius ſummuſ. Hac etenim ratione propria haud dubie cæderent vineta. Nam tum nemo habuiſſet feu- dum oblatum, præter ſolum Bohemum, neque hic ſem-

ipſius acceperunt vasalli. Sed ſenſim ab hoc more abiſſe putat maiores *Immanuel Weberus* vir celeberrimus. Saltem literas Comitum *Beichlingenſum* affert, quibus Ludouico Bauaro resignant beneficium Schwartzenburgicis conferendum. Meretur propterea legi diſſertationis §. XX. de refutatione Feudorum:



semper : quandoquidem id priuilegii a Friderico II. de-
mum accepit. Quocunque te vertas, apparent difficulta-
tes haud exiguæ.

§. XXXIV.

Antequam finem scribendi faciamus, supereft , vt
quasdam conclusiones ab antecedentibus quodammo-
do pendentes diligentius consideremus. Quem enim la-
tet, disceptari valde, vtrum Vicarii imperii conferant quo-
que feuda vexilli , an minus? Et in eo ad vnum omnes
concordant , feuda vexilli Principum folius Imperatoris
collationi speciatim in aurea bulla reseruari : de Co-
mitum autem feudis in partes eunt Doctores. Schilterus
& Lynckerus negant : quidam, vti Koeppenius in *Obseruat.*
feudalibus, soli Palatino vindicant , quidam vtrique Vica-
riorum, sicut Saxoniae Doctores hodierni, adferunt. Di-
cam quid vero congruat , quidue documentorum fide-
sentiam. Et præstruximus autem , Comitum feuda fu-
isse vexilli, *Fahu Lehni*: neque ea de re dubium amplius
remanebit , quamprimum quis sequens diploma pen-
siculati circumspexerit. Inueni istud in stem-
matis Rutheni descriptione , quam edidit Petrus Beckle-
rus, & ex eo mutuauit *Lunigius*: vtut in fine men-
dosum. Bina in eo occurruunt notatu digna : pri-
mum , Comites fuisse vexillis inuestitos, alterum fu-
isse etiam inuestitos a Vicariis. Rudolphus enim Pala-
tinus, vtpote vicarius Imperator post occisum Adolphum
Regem, Henrico seniori & Henrico iuniori Ruthenis be-
neficia porrexit, & , quod in primis obseruandum, vexilli
symbolo, seu Bannerio: *Nos Rudolphus Dei gratia Comes*
Palatinus Rheni, Dux Bauariae, notum facimus præsen-
tium inspectoribus uniuersis, quod consideratis deuotis ser-
uitiis, que dilecti fideles nostri Henricus Senior & Henricus
filius suus de Plauen, de Weida & de Gerach Aduocati pro-
genitoribus nostris hucusque exhibuerunt, nobisque in ante-
pote-



poterunt exhibere feoda, quæ ab ipsis nostris progenitoribus de iure tenuerunt, videlicet Clipeum & Bannirum sive vexillum eis contulimus & conferimus, ac eos inuestiuimus & inuestimus praesentialiter de eisdem. Ita quod ipsi preter alia seruitia atque nobis ex predictis feodis tenentur quan- docunque nos & eos in curiis aut expeditionibus Roman. Imperatorum seu Regum esse contigerit ad obsequendum & intendendum nobis suis herbergas nostre herberge debeant vicinare, suamque apud nos pro eisdem curiis & expeditio- nibus disponere mansionem. In cuius rei testimonium pre- sentes damus Sigilli nostri robore communitas. Datum in castris apud Bronne Anno Domini milesimo ducentesimo no- nagesimo octavo VIII. Kal. Iul. At qui vero Palati- nus Ruthenis porrigere beneficia sua potuit, cum horum territoriorum non pertineat ad vicariatum Palatini, sed Sa- xonis? An adeo forte ineptus non erit Koeppenius in obseruationibus feudalibus Palatino vicario ius olim inuesti- endi tribuentis? an Suevicum speculum quadantenus au- diendum, quod l. I. c. 144. n. 1. similia tradit? Und ist das ein Römischer König stirbt / und wird in Jahrs Frist ein anderer König mit genommen/ob die das saumen die den Kö- nig do welend/ oder irret es/ daß zween König werdent er- wehlet/ oder daß keiner wird/das sollen die Fürsten und an- dere des Reichs-Mann mit entgelten an ihren Lehn. Wird es nicht verricht um einen König in zunt Jahrs Frist / so sollen alle die Lehen von dem Reich haben / ihre Lehen em- pfangen von dem Pfalz-Grassen von dem Rhein / ohne die Fürsten / die sollen die Fürsten-Ambt mit von im em- pfahen/ wann sie werdent des Reichs- Mann/ wann (dan) er leihet ihnen sein Gut nicht. Er leihet jenen des Reichs- Gut/ davon seynd sie des Reichs- Mann. Habemus hic impe-



imperii praxin ; quæ non solum in dubium vocari nequit , sed legum obscuriorum decreta amplius illustrando confirmat . At hoc tamen argumento nondum reuincitur , quid secundum *auream Bullam* iuris competit imperii procuratoribus . Hæc etenim Vicariis post mortem Imperatoris cap. V. permittit inuestituras , exceptis *Principum feudis & vexilli* . Ita vero legendum sæpe sæpius inculcat *Schilterus* , ac corrigi vult vulgare Teutonicum exemplum , vbi legitur *Fürsten Fahn-Lehn / non autem Fürsten-Lehn und Fahn-Lehn*/corrigi , inquam , e MS. *Hortlederi a Pryschenio* sibi donato . Quare secundum opinionem clarissimi viri dicendum foret , Carolum IV. eripuisse ius Vicariis antea indubitatum inuestiendi Comites vexilliferos . Olim enim id facultatis penes Palatinum Vicarium extitisse ipsem credit , & nos nunc diplomate freti in clariori luce constituimus . Ergo quid ? Si exempla suppeterent , nempe Comitem unum atque alterum post auream bullam a Vicariis sua feuda recepisse , saluares foret , & interpretatio ex praxi imperiali euidens . Sed nullum haec tenus inueniri potuit . Nam etsi Werteimenses Comites a Ioanne Comite Palatino , vacante imperio , indulsum ratione feudorum petierunt ; tamen a petitione indulti ad inuestitiram reapse factam non recē concluditur : vt fileam , Comites hos esse quoque vasallos Palatini . Quocirca , semel fenestra coniecturis aperata , quæstio in utramque partem ventilari coepit . At mea hæc est sententia , & sic animum induco meum , ad veritatem accedere proprius , sub feudis vexilli intelligi duntaxat magna Principum , quæ solenni pompa , spectante omni populo , sub dio olim fuere permissa . Ut rationes ita subducam , varia argumenta suadent . Nec enim probabile est , Carolum IV. ademisile aliquid Imperatoriis vicariis , quod hi ante bullam eius liquido iure exer-

L

cue-



cuerunt: maxime cum is consuetudines ratione nitentes confirmauerit omnes, quæ paullo ante ætatem suam obtinuerunt. Cur autem hanc ex imperii finibus censuisset expellendam? Alterum, quod me mouet, illud est, excepisse Rupertum in amplio diplomate Ludouico filio dato, cum eum Vicarium imperii constitueret, non nisi ducatus & principatus: ceterorum vestituram permisit. Ut autem eius generis concessio viuo est facta Imperatore; non intelligo tamen, quare Vicariis lege constitutis minor potestas sit tribuenda, in primis, cum ista iis speciatim & perspicue nunquam sit erecta, nec tantum vñquam habitum, vt, viuis Imperatoribus, procuratoribus Imperii interdiceretur. Quod vt euidentius cernatur ad ordinationem *Regimenti* prouoco, quæ feuda vexilli ita circumscripsit, vt diserte solennium, quæ in Principum inuestituris obseruantur, mentionem iniecerit. Verba sunt: *Wir behalten uns auch bevor die Belehnung der erleuchteten Lehn und Regalia derienigen/die sie hievor unter dem Fahnen öffentlich mit Solennitäten empfangen haben = = zu verleihen.* At deficiunt exempla Comitum tanto apparatu sub dio inuestitorum. Quamuis enim supra retulimus inuestituram solennem Sabaudiae Comitis; notum tamen, Comites Regni Arelatensis principibus semper parres fuisse habitos: quod locus *Ditmari Merseburgensis p. 407.* aperte monstrat: *Wilhelmus Comes, de quo prædixi, miles est regis in nomine, & dominus terræ re, & in his partibus nullus vocatur Comes, nisi is, qui Ducis honorem possidet: & ne illius potestas in hac regione paulo minus minueretur, consilio & actu Imperioriae maiestati, sicut prædixi reluctatur.* Hoc in cauſa fuit, quare circa illud exemplum hæsitaremus ipſimet. Vnum fateor dubium subnatum est mihi, cum in *Chronico Alfatico Bernardi Herzogii Hennebergicos Comites solenni cærimonia a 1495.* lege-



legerem inauguratos. At euanuit statim, cum cogitarem, esse hos Comites Principes, qui hodienum Principum, Marchionum, Ducum more manu regia confirmationem iurum suorum obtinent. Audaciæ vero plena opinatio *Hermis, Reinkingii & Myleri* est, quando Comites comprehendi sub Principibus statuant. Quod si enim Principis vocabulum idem sonat ac Magnatis imperii, verum quidem est, Comites eo sensu vocari posse Principes: at tum res in logomachiam incidit. Nos quærimus, an feuda Comitum similia sint feudis Principum, nomine, dignitate, & officiis a Comitibus distinctorum? Cetera argumenta illustrantia, quæ exhibuerunt nuper *Saxonici Doctores*, omitto. Vnde vero factum, vt nullum exemplum post auream bullam vexillo reapse inuestiti Comitis animaduerratur, facile intelligitur. Quis enim omnia excussit tabularia? Quis nescit, exiguo vt plurimum spatio durasse interregna? & fac, non reperiri, quis propterea rem meræ facultatis existimat ademptam, quis præscriptam? Cui non aduersatur, regalia, quibus etiam Comites ornantur, proficisci debere a Rege. Sunt enim Saxo & Palatinus Reges vicarii, qui vniuersa exercent iura, quæ iis non sunt legibus publicis ac consuetudine interdicta. At vbi est eiusmodi euidentis prohibitio? Addo, non legi vsquam, contradixisse Palatinos Carolo IV. quod fecissent sine dubio, si illorum conuellere iura sustinuisset. Igitur magis est, vt credamus, reliquisse hanc facultatem Imperatorem vicariis, quia altum vbique silentium, nec oppositio vlla, nec lis est coorta, nec disputatio audita. Quam vero ob rem maiorum feudorum vexilliferorum collationem sibi reseruauerint Imperatores multæ secretiores caußæ sunt, quas aperuit ex Boeclero D. Dattius de *Pace publica* p. 612. Reseruata autem, inquit, est Cæsari hæc inuestitura



Feudorum principalium per Auream Bullam, non ex ratione, quam a præstantia & præminentia tum territoriorum, tum personarum, quæ inuestiuntur, alii desumunt, etiam si facile concedamus, videri potuisse cum Electorum præjudicio coniunctum, si ipsi a Vicariis, quibus sèpe pares vel superiores sunt, inuestituram, præstito fidelitatis hominio, acciperent: sed ex ratione quadam politica, quæ magni momenti & consequentia Boeclero in Notitia V. 3. in motis autem MS. hæc subesse videtur, ut nimirum Principes præsertim potentiores, vacillante iam tum Germanicorum Cæsarum potentia, isto, quod inuestituræ Feudorum regalium connexum est, fidelitatis vinculo sibi quasi solis Imperatores obstringerent, beneficiique accepti debitores haberent. Idem rationem aliam secretiorem & hanc quidem indicat, quod actus hic inuestituræ cum summa submissione coniunctus sit, ut illum proinde hodie per legatos potentiorum Principum plerique expediant, quæ suo loco relinquimus.

§. XXXV.

Ceterum nemo negat, posse Cæsarem, extra imperii limitem constitutum permettere Vicariis speciali mandato, vt suo nomine summos regni proceres in possessionem iurium suorum mittant. Dependere enim id ab ipsis arbitrio ius Allemannicum F. perspicue prodit: Und wann ein König von Deutschen Landen fähret / so mag er des Reichs Marschall den Gewalt wol geben / daß er den Pan leihe an seiner statt. Das ist der Herzog von Sachsen. Das soll er thun in Döringen / in Sachsen und in Hessen pis an den Peheim und über all Francken / wer der ist / der sein Unterthan ist. Und geit im der König den Gewalt / daß er dem Pan leihe / so hat der Mareschall Recht über alles Schwaben Lant pis an den Rhein / und durch das Gepirg pis für Triente ein Meil. 2c. Neque mihi dubium hæret, quin idem liceat intra regni fines præsenti,

si ipse-



si ipsemet hac defungi opera nolit? Supra enim a nobis adlata sunt exempla, vbi inuestitura Comitibus & advocatis per mandatarium est concessa: eccur igitur non posset eadem facultas Vicariis lege publica constitutis fieri? Sed singulare fateor in Holsatiæ Ducibus occurrit. Hos enim Episcopus Lubecensis summis olim imperii iuribus vicaria semper opera donabat, peculiari eam in rem priuilegio munitus. Dubitauit equidem Cl. Itterus, de F. I. p. 231 seq. annon totus Holsatiæ Comitatus fuerit Episcopifeudum, ab eo solo dependens, non ab Imperatore, aut imperio; dubitauit, variis rationibus commotus, non visis documentis, non animaduersis, quæ hic requiruntur, litteris. Ego id iuris, quidquid est, ab Imperatore singulari gratia profectum vix ambigo, nempe, ut esset comitatus Holsatiæ & Stormariæ feudum Episcopi, atque hic simul territorii iura solenni ritu in Comites possessores conferret. Habeo ad id probandum instrumentum publicum, in quo totus inuestituræ actus describitur & simul litteræ Sigismundi Imperatoris leguntur: quod, cum nondum sit editum, produco, vna cum alia Alberti II. epistola eandem caussam illustrante; quo sic Gasparis Dankwerthi in descriptione Holsatiæ adlata recensio efficiatur certior. *In nomine Domini Amen.* Anno Natiuitatis eiusdem millesimo quadringentesimo tricesimo octavo indictione prima, die viceima sexta mensis Septembris, hora tertia veri vel quasi pontificatus Sanctissimi in Christo patris & domini nostri Eugenii diuina prouidentia papæ quarti anno eius octavo Magnificus princeps & Dominus Adulphus Dux Sleswicensis & Holsatiæ, Stormariæ ac in Schowenborgh Comes coram reuerendo patre & Dno, Dno Iohanne Schelen Episcopo Lub. & in mei Notarii publici & testium infra scriptorum praesentia personaliter constitutus deposito Capucio eundem dominum Episcopum esse dominum feudi

L 3

comi-



comitatus Holsaciæ recognoscens debita cum reuerencia eidem Dno Episcopo humiliter supplicauit, quatenus ipsum cum comitatu Holsaciæ ac dominio Stormariæ eidem Comitatui annexo & ab ipso comitatu immediate dependente infeudare ac comitatum & dominium huiusmodi sibi conferre & infeudum dare & concedere dignaretur. Praefatus vero dominus Episcopus huiusmodi supplicationibus inclinatus recepto pileo de capite strenui militis Schakonis Ranzowen per traditionem dicti pilei aureo crinali aut serto adornati, in & ad manus eiusdem domini comitis more patriæ factam huiusmodi comitatum Holsaciæ & dominium Stormariæ cum omnibus iuribus & pertinenciis suis eidem Dno Adulpho in refeudi contulit & in feudum dedit & ipsum cum eodem comitatu Holsaciæ & dominio annexo huiusmodi palam & publice ac solempniter infeudauit. Et mox idem Dominus Dux & Comes tanquam Vasallus ipsius Domini Episcopi consuetum fidelitatishomagium eidem Domino Episcopo velut domino dicti feudi solito more praestitit atque fecit, & debitam fidelitatem homagialem eidem Domino Episcopo ore & manu in vinculo iuramenti seruare promisit. Deinde reuerenter deprecatus est pro imperialibus literis bulla aurea imperiali sigillatis ius infeudacionis antedictæ pro Episcopo Lubicensi in se continentibus, quas ipse dominus Episcopus in suis tenuit manibus, ut huiusmodi literæ in loco tuto ubi priuilegia dicti principis custodiuntur ponerentur, ad usum & utilitatem tam Episcopi Lubic. quam Comitis Holsatiæ pro tempore existentium Dominus autem Episcopus antedictis huiusmodi presentibus annuens litteras easdem præcise ut precabatur manualiter tradidit praefato Domino Comiti, his tamen conditionibus, scilicet si idem Dominus Episcopus similes litteras sigillo Maiestatis imperialis sigillatas praefato principi præsentauerit, vel si a domino glorioſiſimo rege Romanorum moderno litteras ipsius aureæ bullæ confirmatorias im-



impetrauerit & eidem domino Comiti assignauerit, ex tunc idem dominus Comes ad hoc requisitus dictam auream bullam reddere & restituere teneatur, ut apud ecclesiam Lubicensis inter alia ipsius Episcopi Lubicensis priuilegia reponatur, prædictus vero dominus dux & comes huiusmodi admittens condicione eandem auream bullam, ut præfatum, sibi traditam ad se recepit ac ea, quæ in eisdem litteris imperialibus continentur, pollicitus est efficaciter obseruare. Tenor autem earundem literarum hic est: Sigismundus Dei gratia Romanorum Imperator semper Augustus ac Hungariae, Bohemiae, Dalmatiae, Croatiae Rex honorabilibus nostris & imperii sacri fidelibus dilectis consulatui ciuitatis nostræ suam gratiam Cæfaream & omne bonum. Since-ræ deuotionis affectus, quem venerabilis Iohannes Episcopus Lub. princeps & consiliarius noster deuotus dilectus ad nos & imperium ipsum, prout experientia cottidiana didicimus gessit hactenus atque gerit, promeretur, vt votis suis fauorabiliter annuamus, præsertim illis, quo status ipsius Episcopi & Ecclesiæ suæ Lub. commoda respicere & dampna retractare & impedire dinoscuntur. Cum itaque generosi Comites Holsatiæ siue vnuſ, siue plures existunt, vasalli sint Ecclesiæ & Episcopi Lub. pro tempore existentis, prout fide dignorum relatione & alias plene didicimus & ad ipsum Episcopum infeudationes dominii, ex concessione imperialis celsitudinis pertinent, minime decet, quod Comites ipsi aliqua de bonis feudalibus per eos hactenus ratione dominii & comitatus huiusmodi vltierius aliis in feudum dari & assignari consuetis possint, siue debeant nobis, siue Episcopo antedicto inconsultis alienare quoquomodo. Nos igitur dampnolis alienationibus huiusmodi obuiare volentes ex certa nostra scientia & motu proprio ac auctoritate imperiali, tenore præsentium prohibemus, ne quis Comes Holsatiæ



tiæ pro tempore existens sine consensu & assensu nostro vel Episcopi Lub. pro tempore existentis quicquam de bonis feudalibus huiusmodi quocunque aut qualitercumque publice vel occulte, directe vel indirecte per se, vel per alium quouis modo alienare præsumat sub poena iuris ordinaria & etiam sub mulcta ducentarum marcarum auri puri, quas ab eo qui contra fecerit totiens quotiens contra factum fuerit, irremissibiliter volumus exigi & pro medietate imperialis ærarii siue fisci, pro reliqua vero parte Episcopi Lub. pro tempore existentis vobis applicari. Quocirca discretioni vestrae sub indignatione imperiali grauissima & eadem poena mandamus, quatenus in præmissis & circa ea ac etiam, ut ipsi comites pro tempore ipsum Episcopum Lub. infeudationibus huiusmodi in antea fiendis debite recognoscant, eidem Episcopo Lub. pro tempore, dum ad id requisiti fueritis, etiam cum auxilio brachii secularis efficaciter assistere & pecunias occasione prædictæ poenæ debitas, siue debendas auctoritate imperiali emonere & partem ipsarum ad imperialeum fiscum pertinentem ad fiscum ipsum fideliter destinare; alteram vero partem eidem Episcopo Lub. pro tempore realiter assignare curetis præsentium sub nostræ imperialis maiestatis sigillo testimonio litterarum. Datum Basileæ anno domini millesimo quadringentesimo tricesimo quarto die duodecima mensis Aprilis regnorum nostrorum anno Hungariae quadragesimo octavo, Romanorum vicesimo quarto, Bohemiae decimo quarto, imperii vero primo. Ad mandatum domini Imperatoris Caspare Sligk milite Cancellario referente. Hermannus Hecht. Super quibus prefatus dominus Episcopus me notarium publicum infra scriptum requisuit, quatenus sibi super præmissis unum vel plura publicum seu publica conficerem instrumentum seu instrumenta. Acta sunt hæc anno indictionis



ne, die, hora & pontificatu, quibus supra in opido Plone dictæ dioec. Lub. ante & circa hospicium eiusdem domini ducis prope Ecclesiam parochialem situatum, præsentibus ibidem venerabili viro domino Bertoldo Vriburg Cantore Ecclesie Lubic. Licentiato in decretis ac Domino Schakone prædicto ac famosis armigeris militaribus Iohanne Pogkwisch & Henrico Bockwoldo Laicis Bremensis & Lubic. dioec. testibus ad præmissa vocatis specialiter & rogatis.

Ac Ego Iohannes Koghenstigher clericus Bremensis Dioec. publicus imperiali auctoritate Notarius, quia huiusmodi supplicationibus ac collationi feudi ac infœudacioni ac homagio & promissione ac literarum cum Bulla aurea sigillatarum traditioni ac earundem receptioni & pollicitationi omnibusque aliis & singulis, dum sic ut præmittitur fierent & agerentur una cum prænominatis testibus præsens interfuerint eaque sic fieri viae & audiui; ideoque hoc præsens publicum instrumentum exinde confeci, subscripsi & publicauit signoque & nomine meis solitis & consuetis signauit. Rogatus & requisitus in fidem & euidens testimonium omnium & singularum præmissorum.

* * *

Albertus Dei gratia Romanorum Rex semper Augustus, ac Hungariæ Bohem. Dalmat. Croatiae &c. Rex & Dux Austriae.

Ad perpetuam rei memoriam exigit specialis deuocionis & sinceritatis affectus, quem venerabilis Iohannes Schele Episcopus Lub. princeps & consiliarius noster deuotus dilectus ad nos & sacrum imperium Romanum in obsequiis multis per plures annos, ut experientia clara didicimus, fideliter gesisse ac solerter & cotidie gerere comprobatur, ut petitiones eius, illas præsertim, per quas commodo & honoris suo & suorum successorum Episcoporum Lubic salubriter consulatur & exauditionis gratiam fauorabiliter admittamus. Sane

M

nu-



nuper pro parte Episcopi prælibati nobis fuit humiliter supplicatum, ut infeudacionem de Comitatu Holsacie ac dominio Stormariae ab eodem Comitatu dependente illustri & dilecto nostro Adolpho Duci Sleswicensi & comiti Holsacie per eundem Episcopum pridem factam ac homagii præstationem & promissionem per eundem & comitem cum nonnullis literis imperialibus ad id requisitum præfato Episcopo factas, prout instrumento publico desuper confecto plenius continetur ac instrumentum & contenta in eodem & quæcunque exinde secuta approbare, ratificare & confirmare de benignitate nostræ regie Romanae auctoratis dignaremur. Nos igitur de huiusmodi supplicationibus inclinati infeudacionem ac homagii præstationem & promissiones huiusmodi ac instrumentum ipsam dictarum imperialium literarum formam in se continens cuius tenorem hic pro inserto habemus & haberi volumus ex certa nostra scientia & auctoritate prædicta tenore præsentium approbamus, ratificamus & perpetuo confirmamus. Supplentes eadem auctoritate omnes & singulos defectus si qui forsan interuenerint in iisdem præsentium sub nostræ Maiestatis sigilli appensione literarum testimonio. Datum Gorlicie secunda die Nouembris Anno Dni. M. CCCCXXXVIII. Regnorum nostrorum anno primo. Exinde vero clarum fit, non desisse Cæsarum supremum in Holsatiam Stormariamque dominium. Dicitur quippe, non posse Comitem alienare quidquam, nisi vel Cæsar, vel Episcopus consentiat: quæ verba alterne posita satis comprobant, non excludi Imperatoris auctoritatem, sed includi: immo omnia, quæ tenuit fecitque Episcopus, beneficæ Regum voluntati merito accepta ferri. Quid enim volunt sibi repetita verba *ex concessione imperialis celsitudinis?* & quare, quæso, Comes secum petiūsset communicari imperatorias litteras? quare confirmasset Albertus? quare poenali mandato minisque repu-



pugnantem Comitem eo compulisset Sigismundus? At scio, quamobrem Sigismundus Episcopum Ioannem Scheelium, ordine VII. tanta gratia cumulauerit? Fuit is Cæsari ab epistolis in concilio Basileensi, eoque facile, quod cupiebat, impetravit. Sunt penes me plura, quæ Lubencenses in hac proposuere synodo. Verumtamen nunc, fateor, aliter est. Fecit enim Carolus V. ut ipse sibi feudum daret Christianus II. Daniæ Rex affinis Imperatoris, quod ante illam ætatem regio nomine permiserat summus Lubencensium pastor. Quod explicate indicat, non nisi ministerium Præfusilis in inuestitura, ac regalium concesione interuenisse. Fusæ rem omnem describit *Ioannes Meursius Lib. III. Historia Danica p. 79.* Ex quo decipi *Conringium de finibus Imperii cap. XVI.* innotescit, qui contra imperii antiquissimum decus in obsequium Daniæ flexam iudicauit Holsatiæ. Non est id factum: quandoquidem, ipso tradente *Cypreæ scriptore Holsato*, non plus iuris accepere Daniæ Reges, quam olim habuit Episcopus Vthinensis. Postea vero cum Christiernus, seu Christianus II. regno excidit, istud Daniæ priuilegium evanuit prorsus, atque Holsatiæ Duces in præsenti feudale sacramentum Règi dicunt. Bina obseruo atque addo: primo, falsum esse *Limneum Tom. I. addit. ad Lib. V. p. 874.* cum Ditmarsiam quoque ecclesia Lubecensis feudum dicit, de qua litteræ Sigismundi & publicum, quod descriptimus, instrumentum silent; quin scimus, Ditmarsiam demum Friderici III. ætate Holsatiæ Stormariæque adiectam, seu, ut loquitur diploma, a *Leibnitio* aliisque vulgatum, *incorporatam*: deinde, non vexillis fuisse inuestitum Christianum I. Oldenburgicum ab eodem Imperatore, sed expresse condictum, ut inuestitura eodem, quo olim, modo ac ritu, pileo, credo, perageretur. Qua de re cum postmodum imperante Carolo V. contro-



uersia nasceretur, in eum tandem totum negotium peruenit statum, quo nunc conspicitur. Peculiare non minus est, quod refert *Petrus Becklerus* in laudato stemmate Rutheno p. 344. Marchiones Misniae Ruthenos Comites vicaria olim opera, non suo iure, ciuitatibus, castris, & quæ ab imperio tenent, iuribus vestiuisse. Quod *enī παρόδω* ipsius fide duximus monendum.

§. XXXVI.

Extra hunc casum, videlicet deficiente mandato speciali, aut priuilegio Lubecensis Episcopi simili, neque vicarii post mortem imperatoris, neque eo absente, tali potestate fungentes principibus sua permittere possunt. Etsi enim sunt, qui de præsumtione libertatis in casu absentiæ aliquid inspergunt; non puto tamen, eos habere satrationis. Debet præsumtio non aduersari obseruantiae imperii & Cæsarum arcanis consiliis. Et repugnat vero, id Vicariis præsumi generatim concessum, quod, ob secretas caussas, sibi semper tribuerunt Reges, nec, nisi speciali gratia mandatoque cuiquam permiserunt faciundum. Præmaticorum, quam crepant, regula, parum probat, nimirum videri relictum, quod non sit ademptum. Diu quippe est, cum consuetudo, tot litteris, diplomatis, actis exposita ademit. Cui opitulatur, quod in aurea bulla, Rege non viuente, id facultatis illis sit interdictum: eoque minus videatur verisimile, viuo Imperatore competere, quod iis negatur in interregno, ubi soli sunt, & vicarii Imperatores iure habentur. Igitur existimauerim non ausuros Vicarios, licet Imperator non circumscriptisset sigillatim eorum libertatem, impertire Principibus feuda, nec hos recepturos ab illis: quandoquidem in notissimis est, Cæsarum hoc proprium fuisse, & esse etiamnunc, nisi ipsimet viui videntesque istud auctoritatis cum aliis iudicent communicandum.

§. XXXVII.



§. XXXVII.

Vt autem indultum petant, ac moræ spatiū, non repugnat. Scimus iussisse Maximilianum I. in ordinatio-ne Regimenti, vt hoc fieret. Quo intuitu non negabo, posse Principes termini prorogationem petere, si velint, posse, cum superflua non nocere notum sit: atque eo forte exemplum Moguntini Archiepiscopi a Buxtorfio ad au-reæ Bullæ cap. V. allegatum pertinet. Sed quis coget? quis, si omittant, beneficium perdituros statuet? In ciuilibus de-fenditur, dilationem videri concessam, quam lex indulget, aut vbi notissimum impedimentum. Et hic quis adeo ri-gidum & plus quam stoicum induet vultum? Vnde perspi-cue falsus est Thulemarius, qui ad Bauari citationes ac Pa-latini in tractatu de Octouiratu cap. XXII. n. 27. prouocat. Loquuntur illæ de feudis minoribus, quæ conferunt Vi-carii, qualia sunt die Nürnbergische Küchen-Lehn/ ad culi-nam Imperatoris pertinentia, equitum, cetera. Neque mihi dubium hæret, quin hi, vbi intra legitimū tem-pus cessent petere inuestitiram, aut prorogationem ter-mini, feodum amittant, nisi Cæsar perindulgenter posses-foribus errorem condonet, aut Vicarii ipsimet. Ut au-tem cum Comitibus ac Baronibus tam agatur seuere, imperii praxis aduersatur: maxime cum doctores exci-tauerint litem, & inter se sint digladiati, negantes vt plu-rium, fas esse Vicariis, inaugurate Comites ac sacra-menti formulam præscribere iisdem. Igitur quamdiu res in ambiguo relinquuntur, hi semper in bona versantur fide, donec imperii lex determinet, quod haec tenus crede-batur dubium. Id autem neque hoc forte sæculo con-tinget, neque futuro, id est, nunquam. Nec enim Reipu-blicæ salus in periculum coniicitur, etiamsi Comites ac Barones, quorum potestas, vt reliquorum statuum, maiores auctus sumvit, ab ipsomet inuestiantur Imperatore:

M 3

in pri-



in primis, cum quorundam auctorum, vtut saniorum, rationes decidendi tantæ non fint auctoritatis, vt contra torrentem ceterorum cum effectu queant allegari: quamuis de reliquo, quod clare est dispolitum, penes vicarios Imperatores maneat iure. Aliud est, quando a Cæsare Doctores moratoria literas a Proceribus imperii vniuersis atque singulis vrgent petendas. Cum enim certam pecuniaæ summam pro data dilatatione pendant, eoque lucrum cancellarie interueniat, mirum non est, vigilari a Moguntino, vigilari a Cæsare, quippe qui ne exiguum quidem obligationis statibus sine prægnanti caufsa remittit. An perdant vero, & amittant beneficia stricto iure, si negligant implorare Cæsarem, altioris indaginis quæstio videtur, quam nunc, methodi legum memores, non excutiemus. Duntaxat moneo, non habere Electores, Principes, aliosque imperii primores satis caussæ, quare leges feudales migrare velint receptas, nec stare consuetudine, quæ nunquam exoleuit, nec implere vasallorum officia, cum tamen non pudeat eos, insigniri hoc nomine. Antiquissimæ autem consuetudinis esse, vt, qui intra annum & diem renouationem possessionis non petit, feudum amittat, pueris fere notum est. Conf. *Itterus de Feud. imper.* p. 587.

§. XXXVIII.

Ceterum miror, potuisse homines doctrina ornatos incidere in dubitationem, aut disputare vñquam, an, si Cæsar diem dixerit Principi, vt solenni ritu acciperet feuda, & interea e vita migret, tum Vicarii possint vocato inuestituram tribuere? Perspicuum est, non posse. Quod si enim prohibitum credimus, ne Principes inuestiant Interreges, quomodo igitur nunc facient, quod est prohibitum atque eorum potestati exemptum? At ita sunt Iureconsulti in otio degentes: excogitant exempla, amant



amant exceptiones, & e minutiis saepe differentias exculpunt. Igitur, cum vidissent, Palatinis non esse ius inuestiendi Principes, quibus diem dicant ipsimet, statim quæsuerunt, an possint fortassis inuestire ab Imperatore præmortuo citatos? quasi in citatione lateat arcanum, iisque solum interdictum sit, euocare ad curiam suam vasallos Principes. Sed nemo non intelligit illepidas argutias.

§. XXXIX.

Illud disputabo, commode ne appelletur Ius Cæfuris conferendi feuda vexilli reseruatum? Et censem, si respicias interreges: negem autem, si intuearis status in genere, vti recte arguit illustris *Thomafius* in notis ad *Monzambanum* p. 477. Reseruata quippe hoc sensu iura sunt maiestatis Cæsari propria, non communicata cum statibus. At hoc vero competit ei tanquam Domino feudi, qua tali. Et quis dixerit dominos feudi frui reseruatis? Hoc ut bene contra *Iterum* aliosque negat *D. Titius*; ita alterum quæsuum, deturne superioritas per inuestituram, a recta status controversia expositione puto pendere. Neque enim certabit quisquam, primam feudi collationem tribuendam esse Cæsaris beneficio. Hæc non est sine iuribus, nec potestate. Iam renouatur inuestitura, hoc est, semel collata potestas confirmatur; sed confirmatur non pro arbitrio, sed secundum pacta, & capitulationes præscriptas. Nec dubium, antequam etiam solennes capitulationes inualuerint, istud cessasse arbitrium. Promiserunt Reges ad unum omnes, quando territoria hereditario iure ac potestate transire coeperunt, se relicturos statibus a maioribꝫ accepta, nisi facto suo excidant iisdem, non seruantes sacramenta, non stantes promissis. Quidquid nunc faciunt, ex pacto faciunt, verbis suo quidem, sed reapse imperii totius nomine. Vnde verum est, per inuestituram dari & confirmari iura imperii, & non dari. Non dantur pro arbitrio;

dan-



dantur vero, seu confirmantur ex pacto, secundum legis præscriptum, interueniente Cæsaris augusto nomine, inter varia antiqui splendoris simulacra. Adeo difficile non est, emergere e difficultibus, extricare spinosissimas controuersias, dummodo explicentur voces, nec ad doctorum obscuras quæstiones respondeatur prius, vsque dum plene planeque intelligamus, quid in quæstione sit, ne cum laruis colluctemur atque vmbbris, nosque tandem ignorantiae elenchi maculoso nomine polluamur. Nostrum autem non est, fingere mera oblata in Germania feuda. Pertinet hæc opinatio ad cogitata eorum, qui vigilantes intra se aliquid cernunt, quod alii non vident somniantes, & contrariis rerum documentis ante oculos versantibus, persuadere sibi nec possunt, nec volunt. Etenim imperii status a regula haud parum deflectens non vno momento enatus est, vel factus; sed paullatim & per spiramenta temporum in hoc corpus, in hos artus, variis atque infinitis caussis intercurrentibus, excreuit.

§. XL.

Hoc prætereundum non est, feuda vexilli Germaniæ quæcunque fuisse olim indiuidua. Id ius comprobat Allemannicum & Saxonicum; comprobant Francorum veterum leges, & quibus hæc nituntur, rationes sat graues. Nam cum sit ad oculum ostensum, vexillum præbere potestatis indicium, atque hæc autem in vno quoque beneficio collata sit vni, consequi puto, vt etiam talia feuda potestatis ordinarie diuisionis debeant esse expertia. Ut enim habeat vnuis & consequantur plures, repugnat sane. Tantum adfirmabo, etiam eos, qui hic aliquid Procerum electioni in prouinciis tribuunt, non plures, sed vnum tantæ dignitati admovere: quamuis ceteroquin cum grano fali illud populi ius in prouinciis exi-



existimem capiendum. Quamquam enim non facile Reges obtrudebant populo Ducem inuitos : tamen nec hi obstringebantur creare , aut confirmare , quem nolebant. Perinde fere res atque in Episcoporum electione erat : nominabantur hi a Canonicis ; sed Cæsarum erat , eorum electionem approbare , aut repudiare : vtut prouinciæ ius non est adeo liquidum , atque canonicorum in ecclesiis per priuilegia obtentum. Posset enim ostendi forte, Henricum II. id excusationis gratia apud *Ditmarum* videri allegasse , cum Henricus Austrius ambiret Boioariæ Ducis maximum honorem. Saltem inobseruatum nolim , maxime hallucinari , qui ius eligendi populo adsignant , atque interea feuda Ducum hereditaria illa ætate fingunt. Nec credas , cum ad posteros coeperunt transmitti feuda , transiisse promiscue , vti in aliis hereditatibus solet. Datum aliquid est primum genito : cui sors nascendi primas videtur tribuere. Non erat necesse , vt Dominus a pluribus , quam ab uno homagium reciperet , atque ex consequenti pluribus uno inuestituram permitteret. Quod in tantum congruit veritati , vt pro explorato habendum sit , ad vnum solum dignitatem Ducis comitisque esse olim deuolutam. Proniores quippe Reges , hereditario iure semel introducto , erant ad plura beneficia coaceruanda , quam eadem diuidenda per partes ; officii ratione in primis exigente , vt penes vnum esset eius administratio. Quæ obseruatio , vt plenius intelligatur , producam locum disertum *Helmoldi Chronic.* Slau. Lib. I. cap. XXII. §. VI. de binis Bernhardi II. Saxoniarum Ducis filiis sequentia adnotantis : *Mortuus est Bernhardus, Dux Saxonum, qui res Slavorum & Saxonum quadraginta annis strenue administravit. Cuius hereditatem Ordulphus (seu Otto) & Hermannus filii eius inter se partiti sunt. Et quidem Ordulphus Ducatum suscepit gubernandum , licet fortitudine &*

N

mili-



militiae usu longe a felicitate diuerterent. Hic Hermannus vocatur ab Adamo Bremensi Lib. IV. cap. III. Comes Lambecius in Originib. Hamburgens. Tom. I. p. 19. non sine causa existimat, eum fuisse Comitem Hammaburgensem & Nordalbingiæ, idque e diplome, ubi littera H. comparet, ac deinde comes de Hammaburg adiicitur, colligit. Ordulpho demum filius Magnus successit, repugnante licet Henrico IV. Ad eum hereditario iure pertinuisse Ducatum Lambertus Schaffnaburgensis scribit: *Dux Saxoniae nec dum aliquis constitutus fuerat, quia, sicut supra memoratum est, Dux Otto (seu Ordulphus) paullo ante, humanis rebus excesserat & filius eius Magnus, cui Ducatus legitima successione debebatur, adhuc in castello Hartesburg deditus seruabatur.* Ex quo coniectura capitur, non firmo prorsus stare tali, quod adfirmat Schilterus Comment. ad. I. F. A. cap. LX. nempe fratrem superstitem nepotes e fratre seniore a successione exclusisse. Minimum in Saxonia heic obseruamus contrarium. Nunquam Hermannus Ordulphi, seu Ottonis filio controversiam mouit: Schaffnaburgensis non illi, sed huic facultati ac iis succedendi adsignat. Unde in suspicionem adducor, non id velle Helmoldum, ex æquo Ordulphum & Hermannum fratres bona omnia diuisisse: habuerunt, uti notissimum, alodia, seu prædia libera, vnde singulis sua & forte æqualis portio: in feudis autem Hermanno appanagium Comitis elogio credo permisum. Video enim atque e laudato Lambecio deprehendi, Ordulphum etiam in Nordalbingia, eoque Hamburgi primas semper partes obtinuisse, fratre Hermanno magnorum operum adiutore existente. Post hunc Hermannum Godefriedus quidam in Nordalbingia Comes memoratur, quo defuncto ad Schaumburgicos demum sub Lothario imperatore Septentrionalis ille tractus peruenit. Ac ne quis existimet, in Saxonia, solos



los Billinges ad ius primorum natalium respexisse, ecce in Marchia Brandenburgica Otto primum natus Alberto Vrso patri successit. In Boica primum Welphus Welphi filius, post Henricus Niger successit. Welphus erat maior natu, vti diserte tradit *Historia de Guelphis principibus*. In Palatina domo ea ætate aut nulla suboles erat, aut tantum filiae. In Austria Friderici Ahenobarbi diplomaticæ ætatis prærogatiua est firmata. In Belgio nascendi sorti aliquid tributum plane scimus. Colligit *Ioannes Nicolaus Hertius* in dissertatione de *specialibus Rom. Germ. imper. Rebus publicis earumque variis non minibus & figuris p. 108.* aliquot exempla: in quibus antiquis sub Richardo Rege attentius circumspiciendum iudico: vbi solemni donatione *Henricus Brabantinus* primum genitus ius succedendi in fratrem suum Ioannem minorem natu, petito noui Regis consensu, traduxit. Est diploma nimis longum, quod alias integre descriptum oculis legentium subiicerem lubenter. Sed inuenitur illud apud *Albertum Miræum, Erycium Puteanum* in descriptione *prælia Woeringani, Butkenium.* De Burgundiæ moribus, vbi primum natis locus, adeo multa memoriæ sunt prodita, vt merito adferre supersedeamus plura. Solum hoc explicatius trademus, qui factum, vt ab hoc vsu resilirent Germaniæ Proceres, & in partes secarent prouincias, contra primævum Rei-publicæ institutum? In hoc enim recte illustris *Ludolphus* in libro luculento de *Iure primogeniturae part. gen. §. IX.* rationes subducit, quando antiquis feudorum legibus primæ nativitatis prærogatiuam iudicat congruere, diuisionem autem repugnare. Quæ hic perdoctus *Hertius* *dissert.* citat. sect. II. n. 6. nobis obuerit, declinabimus postea. Nec abnuam, a veritate proxime eos abesse, qui Friderici I. Constitutioni feudorum partitionem prohibentis in Germania aliquid auctoritatis largiuntur: etiam Teutones



ad Roncalias s̄epe conuocati. At in hoc non satissimacit prorsus aeris iudicij Iureconsultus , cum totius immutatōnis caussam in ius Romanum confert , quod in fora Teutoniae irrepserit. Erat enim diuisionibus locus, antequam leges ciuiles dominatum arriperent. Mihi Henricus VI. rei nouae fecisse copiam videtur. Comprobant enim *Innocentii III. Pontificis Romani litteræ* , vt & *Geruassius Tilberiensis* æqualis huic ætati scriptor , fecisse hunc Imperatorem omnia, vt familiae suæ adsereret ius succēdendi hereditarium , ipsum autem promisisse vicissim , habituros Germaniae Principes terras suas liberiori iure , transferendas ad posteros quoscunque, filios filiasque. Unde post Fridericum Barbarosam diuisiones iterum coortæ apud Saxones , Anhaltinos , Bauaros denique ac Brandenburgicos. Quo ignorato mirum non est , inextricabiles inueniri difficultates: in primis cum Friderici I. apud *Radevicum* constitutio diuisionibus prorsus adueretur. His dubiis liberare se non poterat acutus ceteroquin *Hertius*. Putabat is diuisiones feudorum nunquam non fuisse in usu. At gaudeo illustrem *Leibnitium* in eandem mecum coniecturam venisse , quam tribus tantum verbis in *præfatione* ad primum rerum Brunsuicensium *tomum* indicauit: nos copiosius illustrabimus. Etsi enim Henricus VI. venero insidiisque Constantiae vxoris periret , eoque pactum illud hereditarium euanuit ; tamen Philippus Suevus tum sibi , tum focis principibus eius semper pactionis decreta in memoriam reuocauit; quod ex *Vrspergensi* apposite patet. Hic enim male habuisse Philippum adseuerat , Principes Germaniae *violatis iurandis* de electione noui Regis , ac minuenda Sueuoriū potentia consilium iniisse. Quomodo vero iusurandum dici posset neglectum, nisi ad pactum successionis hæreditariæ dicas respexisse. Verum *Geruassius Tilberiensis* in

Otius



Otiis Imperialibus cap. XIX. p. 943. adhuc clarius ad Ottoneum IV. Welphum: Sane successibus felicitatis tuae inuidit hostis antiquus & licet conventione pridem cum Teutoniæ Principibus facta ab Henrico de successione imperii, per sanctissimum Papam Innocentium cassata: tum quia Principibus ius eligendi ademptum per hanc fuit; tum quia permutatio beneficiorum damnoſa fieri posset. Facile vero est comprehensu, non potuisse Philippum, cum regni ſolum conſeruare ſibi Sueuifque fatageret, repugnare arreptæ a Principibus licentiæ. Cumulauit is beneficia beneficiis, &c, quod imprimendum memoriæ, Brabantinis largiſſime permifit, vt illorum Principatus ad feminas defiſientibus masculis iret. Hoc Stockmannus in libro, quem de *Iure devolutionis* conſcripsit, adnotauit, hoc ipsum diploma explicate corroborat. Philippo e vita diſcedente qui, quæſo, Otto IV. auderet, commutare, quod erat coeptum? maxime, cum regnum nouum tot circumscriptum legibus acciperet? Fridericus II. autem Henrici VI. filius tantum abeft, vt ea in re aliquid conuelleret, vt potius conniitendo, & nouas largitiones faciendo posteritati ſuæ viam ad perpetuum ſuccelfionem pararet. In interregno ſicuti omnia in peius ibant, ac principum ſtatuumque commido in melius; ita fieri non potuit, quin paſſim apud Germaniæ principes increbekeret conſuetudo, vt etiam beneficia diuiderent ſua, & pro filiorum numero, ſæpe in portiones ſcinderent, variis ſuccedendi modis excogitatis, de quibus noſtrum non eſt diſſerere pluribus. Quibus bene perpenſis perspicuum efficitur, decipi *D. Hertium*, quando attentioribus oculis diploma Aſtriacorum apud *Cuspiianum* iudicat contemplandum, vbi Leopoldus distributione facta, ad morem Principum prouocet. Etsi enim verum eſt prouocaffe, quia ab Henrici VI. ætate inualuit diuidendi

N 3

mos:



mos; tamen minus recte sumit vir æstumatisimus, in-
ualuisse ab omni tempore ; inque eo ius feudal Teuto-
num Longobardorum moribus contraire. Vapulat sa-
ne: nec id litteræ probant Leopoldi, nec locus alter *Adelz-
reiteri*, quando de partitione terrarum ad Boio - Hol-
landos pertinentium verba facit: quandoquidem ea æta-
te consuetudo diuidendi iam fuit introducta, ac principi-
bus ita solennis, vt existimarent , peregrinam ab illis ad-
flectari consuetudinem , qui hæreditatem ex asse fibi co-
narentur adserere. Vnde nihil noui occurrit , quando
Boicæ Principes pari portione hæreditatem Ioannis Bo-
io- Hollandi volebant cernere. Recte illi id iuris apud
Germanos adserebant receptum. Solum quæstio super-
est , quando sit receptum ? statimne cum feudorum in
Germania ortu, anprocessu temporis, &, vtj nos credimus,
ab Henrici VI. ætate ? Consuetudinem sane nemo negat.
Etiam Electoratus diuisi , tanta confusione inualecente,
vt sæpe nesciretur , qui ius haberent eligendi , qui non?
Quæ res Carolum IV. denique permouit vt in bullâ au-
rea vetaret hanc Electoratum in partes sectionem : ne
posthac tot litibus aperirentur fenestræ , ac disputatio
cum totius regni insigni detimento surgeret, quis pro
genuino Imperatore sit habendus? In ceteris mansit mos,
donec nonnulli Principes ipsi agnoscerent , quam sint di-
uisiones immodicæ rationibus suis contrariæ , atque au-
gendæ potentiae inimicæ. Cæsares vero propterea diui-
siones terrarum non fatagebant impedire , quia hac
ratione auctoritatem suam stabilitum ibant , pomo Eri-
dos inter Proceres sparso, ac plerisque ad exiguum redu-
ctis. His præstructis sine negotio nunc soluitur quæ-
stio, quæ alias magna ingenia exercuit , & in sectas scidit,
præsumaturne primogenituræ ius, an indigeat probatio-
ne? *Cothmannus, Ludwellus, Ludolphus* alii præsumi sta-

tu-



tuunt: *Hertius* contra. Nos tempora censemus distinguaenda. Olim enim nascendi ordo consideratus, nunc mos veterum institutis contrarius. Si quid video, est hic similis atque in notissima iuris ciui*s*; quæstione disceptatio, præsumaturne permutatio, an emptio venditio, vbi partim res, partim pecunia datur pro re atque merce? Nonnulli permutationem adesse suspicantur, quia hæc antiquior sit emptione, antiquior numo, qui necessario in emptione ac venditione desideratur. At vero, quemadmodum hic non quæritur, quid sit antiquius, sed quid nunc præsumatur; ita cum de ætatis prærogatiua sermo est, non disputatur, quid obtainuerit olim, sed quid nunc, vbi aliud in mores irrupit, sit credendum? Igitur in dubio cum *Hertio* facerem; sed longe alia cauſſa & ratione subnixus. Putat enim is, diuisionem feudorum legibus beneficiorum ab omni æuo congruere: nos cum *Ludol. pho*, contrarium sustinemus, sed in hoc iterum, pace excellentissimi Viri, dissentimus, quando non iuris Romanī receptioni soli euenientem mutationem adscribimus. Dico soli, ne quis existimet, sperni a nobis penitus adlatam cauſſam, vt ut nostræ difformem. Fecisse enim ius Romanum largior, vt magis ac magis diuidendi consuetudo eo firmaretur obtentu, quasi iniquum sit, primum genitum præcipere terras omnes, atque ab hæreditate excludere natu minores: immo conuenire potius rationi rectæ, vt in plures spargantur opes, & maiorum titulis præfulgeant omnes: in primis cum variis beneficiis, prædiis, terris res suas locupletassent parentes, ac matrum accessissent vota filiis natu sequioribus prouincias, principatus, imperia destinantium.

S. XLI.

Vtut autem primum genitis olim ius succedendi in fevdis vexilli tributum; non est tamen id, nisi rarissime ex-



extensem ad feminas. Beneficia enim imperandi & militiae caussa donabantur: officia autem virilia sunt: bellum mares gerunt. Ergo *masculinitas*, vt ita loquar ab antiquo præualuit semper. Non est necesse, vt probemus late. Fecit id *Ioannes Iacobus Chiffletius in Lotharingia masculina*, quem exscribunt fere omnes: quamuis reticeant nomen, & alienis plumis, quam suis superbire malint. Et fuit autem hoc olim adsertum verum, non tantum in feudis Germaniae magnæ, verum etiam Transrhenanæ. *Quotiescumque igitur feudum aliquod imperiale a femina legitur possessum, illico intelligendum, est id factum ex speciali Cæsaris gratia & præter ius commune imperii*, sunt laudatissimi Chifletii verba. At cum vero eiusmodi gratia, vel usus comparet, perperam quoque disputatur & argumentis & pera scholastica de promatis adfimatur, feminas ad obediendum esse damnatas: peccare easdem contra præceptum quartum, si imperium sumant, impingere non minus in decori regulas, si in regno, atque in ecclesia loquantur: similitudinem maris & feminæ in humanitate consistere, non in principatu. Nihil mirum esse, si male gubernet; si quidem non sit condita ad orbis dominium. Heliogabalum senatum seminarum instituere voluisse; sed illud non durasse institutum; Heliogabalum autem stolidi nomen tulisse in urbe, ferre apud posteros. Neronem noluisse, vt Agrippina mater secum audiret legatos: distulisse auditionem in alium diem, atque obuiam iuuisse propterea matri: hincque exclamare *Tacitum Annal. Lib. XIII. cap. V. Ita specie pietatis obuiam itum dedecori!* Talia, quando lego, fastidio obruor; incipit naufragare stomachus, irascor, & rursus tamen rideo. Adeo sunt misera doctorum quorundam ratiocinia: adeo sumis oppletum synciput, vt iurares non homines, non doctores, sed picas, graculos, corrugatos



uos. Non est differendum, sitne masculus interdum prudentior? Habemus mares stultos, habemus feminas stolidas: at plures tamen in veterum annalibus Reges ac principes deprehenduntur inepti, atque reginæ, principes, comites dominæque feminæ. In Gallia statim post Hugonem Capetum beneficia ad feminas transmissa, regni licet malo; cum ad externos ea ratione sint devolutæ prouinciæ sat magnæ, ad Reges potentes, obsequium excutientes, bella cientes. Vnde demum prohibito, ne qua femina sine consensu Regis nuberet peregrino: quam Ludouico IX. tribuunt scriptores Galici. Successionem autem nemo denegauit sequioris sexus hominibus. Inualuit mos in Burgundia, in Aquitania, Britannia, Neustria, seu Normannia, quid? quod Italia. Inuenimus in hac Beaticem, Mathildem lege salica viuentes: ut successiones in Neapolitano Siciliæque regno silentio inuoluam. Etiam Beatrix apud Lambertum Schaffnaburgensem matrimonia iure gentium libera pronuntiavit, cum fulminaret Henricus III. consanguineus initumque cum Godefrido Lotharingiae Duce matrimonium satageret impedire. Itum deinde in similes mores in Belgica, Hollandia, Seelandia, Frisia, Brabantia, Gelria, Limburgensi, Lucenburgensi, aliisque terris. Ipse Fridericus Barbarossa Austriis priuilegium dedit: Henrieus VI. in vniuersum stabilire seminarum, deficientebus masculis, successionem cogitauit. Philippus etiam Sueuus Brabantinis aliquid libertatis, de qua supra, indulxit. Bataui ad consuetudinem prouocarunt, cum Ada ad Hannonios Comitatum transferret. Hoc cum se ignorare simularet Albertus I. Austriacus, & in Belgium descenderet, vocibus adulantium persuasus, armis coactus est recedere, narrante rem omnem Alberto Argentinensi. Wilhelmo IV. vero mortuo Margaretha

O

Co-

Comitis soror maior natu ad Bauaros hæreditarias terras traduxit: de quo *Henricus Rebdorfiensis Monachus ad a. 1347.* In cuius locum successit prædicti soror tanquam proximior & senior inter sorores, videlicet *Reginam Angliae & Comitissam vel Marchionissam Iuliacensem, iuniores, quam ea, nullum vero fratrem, propter quod ex consuetudine patriæ terram Hollandiæ & terras alias, sicut frater obtinuit.* Obserua Lector, hic natalium prærogatiæ mentionem fieri, similiter atque apud *Ottонem Fryingensem ac Guntherum de successione in Burgundia, item in Comitatu Prouinciae apud Matthæum Parisiensem*, qui locus est sane memorabilis: *Circa illa tempora, inquit ad a. ccccxlvi. Comes Prouinciae Reymundus ille illustris & celeberimus: qui rota fortunali mirabiliter circumvolutus, stuporem uniuerso mundo de progenie sua formosa, & excellenti sexus fæminini inauditum omnibus seculis dereliquit; naturæ debitæ concessit ac persoluit.* Qui in extremis verbis iuniori filiæ sua comitatum suum prouinciae pro testamento dereliquit. *Quod cum Rex Francorum cognovit, misit quingentos milites electos, armis & omnibus necessariis communatos ad accipiendum seismam prædicti Comitatus Prouincie, ratione primogenitæ filiæ Comitis Prouincie iam iam defuncti, quam sibi matrimonio copulauerat, ut prædictum est: casum reputans, & inane, & quasi iniuriosum illud dictum prædicti comitis Reymundi testamentum.* Id largior, contradixisse sèpe Cæsares feminarum successioni prorenata, pro odio in hos, pro amore in illos. Notum est, quid moliti sint Fridericus III & Maximilianus I. Egmondanus in Gelriam jus dubium facentibus: vtut Adolphus Nassoviensis Rex a. cl cccxcv. *Rainaldo Comiti Gelriae concessit, casu quo sine prole mascula ab hac luce migraret, ut filiarum ejus major natu succederet in Comitatu, & in aliis feudis ab imperio dependentibus.* Eiusdem rei antehac Sigismundum



dum periculum fecisse e litteris ab Isaaco Pontano in Hist. Gelr. p. 425. adlatis discitur. Hic enim obliqua sæpe ausus est vertere in plana, antiquumque imperii statum inani consilio præ oculis aliquando habuit: verum cum & Philippo Bono Burgundiæ Duci controversiam moveret, ne Hollandiæ feudum ob ius matris Margarethæ ad se traheret; audiuit ab eo facialis, quæ non sperabat, fusa rem memorante Pio II. in Commentariis: *Inde, inquit, more gentis, Eraldum, quem facialem possumus appellare, ad Philippum misit, qui Brabantiam, Hollandiam, Zelandiamque ab eo repeteret, neganti bellum indicaret.* In litteris, quas scripsit, Imperatorum se Romanorum Germanorum, Hunnorum, Bohemorum, & aliarum multarum gentium Regem ac Dominum appellauit, & magnifica facta maiorum inseruit. *Philippus in aula splendide ornata, aurea innixus sella, multis proceribus circumfusus auditio nuntio ita respondit: Redi ad Cesarem, atque haec renuntiato, bellum mihi esse cum Franco rege, cuius Grancense oppidum obsedeo, hostis meus sibi amicus est: ferat open obcessis, non longum est iter, ibi pugnandi copiam facio.* Sin hoc recusat, dico: instare mihi duellum cum Carolo: ad sexagesimam diem singulare certamen, nisi fallit me hostis, inibimus: illo peracto, diem statuat Sigismundus, signa quounque in loco voluerit pugnaturus conferam: bellum offert, bellum accipio. Non sum ego Imperator, neque mundi dominus: verum magni Caroli sanguis, quem verba terrere non possunt. Atque his dictis auream vestem exuens Heraldo dedit. Deinde cum neque Francus subueniret obcessis, aut singularem ingredi pugnam auderet, neque Sigismundus præter querelas, & ampullosa verba quidquam attentaret, Grancense in dditionem accepit, transfugas coniecit in vincula, milites alios nudo pede ignominiae causa ad Carolum & Sigismundum reuerti iussit, atque in signum

O 2

recu-



recusati duelli trophyum erexit. Quod si dicas, non vide-
ri decens, nec dignum imperii maiestate, nec conueniens
antiquis regnandi rationibus, vt feminæ obtineant
principatus, prouincias, pagos, integrosque tractus, vt fe-
deant in tribunali, vt ius dicant, facile repono: defini-
endum esse primo, quid sit decens, ac dein, vtrum illa
decentia, ordo, venustas sit plane immutabilis? Quis
enim inueniuit ea propter appellabit Galliam, quod
ab imperiis & feudis non arceat feminas? Quis Burgun-
diam ac Belgicam, vbi pulcriori sexui obueniunt terræ?
Primum falsum eorum, qui contracunt, in eo latet, quod,
nescio quem, succedendi in feudis modum sibi singant ra-
tioni rectæ conuenientem, a quo nec fas sit recedere:
cum tamen mos trium ille litterarum tyrannus atque
arbitrium contrahentium, aut iubentium omne hic pun-
ctum ferant. *Mos est in Burgundia*, inquit *Frisingenis*.
Cui non refragatur, primum morem feudorum fuisse
militarem, ac muneribus regni publicis destinatum. Esto.
Nunc cum non amplius compareant vasalli ipsimet, &
præsentes stringant gladium, sed domi saepe sedeant im-
moti, ac diuitias suas deglutiunt ingloriosi, parum sane
refert, virine teneant regantque prouincias, an feminæ?
Sophia atque Amalia Hassis, Ioanna Brabantinis tam
præfuerunt feliciter, quam viri principes longe clarissimi
suis. Sec fac tantisper, eas nonnunquam illo vigore
animi destitui. Destituuntur etiam mares haud raro.
Adsum consiliarii, peragunt hi, quod sui est officii: quid
quid fit, earum auspiciis fit. Prima autem destinatio ni-
hil ad rem facit. Erant olim feuda ambulatoria, idque
primo beneficiorum fini conueniens, cum spectaretur
virtus, atque industria personæ, quæ ad heredes, vti se-
xus, vix transit. Et quis tamen contra hanc successionem
feudalem tam intonuit alte? quis ad pristinum statum re-
digen-



digenda censet vniuersa? Quis nunc amplius ius dicit? Et finge, dicendum esse per se & connocandos status. Potest id quoque præstare femina vafalla. Inuenitur in casibus Monasterii S. Galli Cap. X. apud Goldastum Hadwida Burchardi II. Sueviæ Dueis vxor vidua imperii vicaria consilia agitasse cum primoribus Alemannie. Inuenio etiam, in *historia Delphinatus Valbonnaſu*, Beatricem Guidonis Andreæ relictam a. clo ccc xxx vii. sedente in tribunali. Insulsum est, feminam non excludi a regno, & excludendam tamen necessario a feudo, quæ mariti opera, quæ consiliariorum atque aliorum studio effectui dare potest singula, ad quæ creditur obligata. Nec est, quod angaris animi ac crucieris immodice, quomodo terra mariquæ præpotens mulier possit inuestiri? Inuestire significat in possessionem mittere, aut in possessione confirmare. An igitur femina potest esse in possessione? an potest in eam introduci, in illa stabiliri? Quod si de symbolo quæras, elige quod placet, elige quoque vexillum. Non est visum adeo abfonum Britannis, ut Marlborugenſis Ducis, magni animi herois, filiæ in memoriam victoriæ Hochstädtensis offerrent Regi II. Idus Sextileis vexillum album tribus liliis aureis ornatum. Elige etiam gladium, sceptrum: osculentur istud feminæ, basient; basient inspectante populo, proceribus regni præsentibus, si necessitas comparendi non sit remissa. Ipsæ Abbatissæ in publicis imperii conuentibus suffragium olim ferebant, ac ferunt etiam nunc: bacillum, aut sceptrum Regis manu accipiebant. At nunc, quid disputamus incassum? aut verba in mane effundimus? Nemo non per procuratorem in possessionem beneficiorum suorum mittitur, aut in ea firmatur. Sæpe seruitia remittuntur, aut aliorum interuentu exhibentur. Sed prospicio, quid intra præcordia cogites. Præsumitur, tamen, inquis, feuda non ire ad feminas, cum



initio sint destinata viris. At ego vero apage, respondeo, hanc præsumptionem nimis generalem. Non est verum, præsumi id semper. Potius videndum est, de qua provincia, de quo regno sermo sit. In Burgundia, in Belgio feudorum præsumuntur feminei sexus homines capaces. Cur? quia mos notissimus est. Etiam in Gallia præsumtio tua pro solis masculis exsibilabitur. In Alemannia autem & Saxonia verum dices. Feuda ibi ut plurimum ad masculos transferuntur. Pauca in contrarium exempla occurunt, &, si occurant, intelligitur ab omnibus, qui euenerit, qui factum. Qui, quod nescitur, vrget, probet, qui factum in judicium deducit, ostendat. Ut autem in Belgio, in Burgundia ad veterum monumenta configlias, aut nostros mores in exemplum proponas, tam est inficetum, quam si quis Iustiniani tempore ad Aborigines prouocasset, ad Olscos, Volscos, ad antiquas fabulas; aut ut clarius cognoscas, perinde mihi agere videris, ac si de moribus Halensium hodiernis differas, ad Hermunduros, Thuringos, veteres Saxones, Francos, Venedos adscendas atque ex antiquissima pharetra præsumptiones excutias, atque a me probationes exigas luculentas, nos non amplius viuere gentium illarum moribus. Est profecto exploratum omnibus, mutari tempora, ac nos in illis quoque aliam faciem induere, mores alios, aliam vitam infinitis causis interuenientibus. Plura non adfero; nec adiicio aliorum auctorum testimonia. Possem nominare veritatis consortes nonnullos: sed res est clara. Sapienti sat.

S. XLII.

Age potius, ad similem fere controuersiam pendum moueamus, doctorum nugis haud parum obscuratam. Sæpe enim quæritur, utrum præsumatur territorium allodiale, an feudale? Nos proposito conuenientius



tius nostro ita statum quæstionis formabimus, an terra,
 cui adhæret munus regni, iudiciorum potestas, cui anne-
 ctuntur maiestatis iura in imperio Germanico, feudum
 vexilli potius, quam allodium videatur? Et hic autem,
 si doctores consulamus, in sylvam prospicimus variis ob-
 septam sentibus. Vnus adfirmat, alter negat, tertius me-
 diam sententiam amplectitur, globo rationum, saepe in-
 eptissimarum, suffulti ac confisi. Igitur nullo eorum no-
 minato, nec cujusquam argumentis expensis rem ipsam
 considerabimus; visuri deinceps, quid in transuersum
 egerit homines haud raro studiofissimos. Et primum
 mihi postulo permitti, iura imperii non posse aliunde
 permanare, atque ab imperio. Imperium in Germania
 habuit Rex. Nam et si quidam ad Taciti ævum adscen-
 dunt, & Arminios, Sigimeros, Malouendos, vt quorum
 terræ ab omni nexu liberæ fuerint, loquuntur; in hac
 tamen scena eos non existimo audiendos. Nos de re-
 gno Francorum, seu Germaniæ loquimur, vbi tot natio-
 nes ac pagi ad vnam rem publicam traducti Rege sub uno
 cœperunt viuere. Præcipue autem ad Caroli M. ætatem
 iudicamus respiciendum, qui in omnibus Germaniæ pro-
 uinciis Marchiones ac Comites constituit, vt ius dicerent
 in mallis publicis, & prouincias defenderent ab hostium
 externalorum iniuriis. Id *Eginhardus*, id scriptores æqua-
 les omnes memoriae produnt, & in primis Monachus San-
 gallensis cap. XIV, cuius verba semper mihi notatu visa
 sunt digna: *Prouidentissimus*, inquit, *Carolus nulli Comi-
 tum, nisi qui in confinio vel termino barbarorum constituti
 erant, plus quam vnum aliquando Comitatum concessit.
 Nulli Episcoporum abbatiam vel Ecclesias, ad ius regni per-
 tinentes, nisi ex certissimis causis unquam permisit; cum-
 que a consiliariis suis, siue a familiaribus interrogaretur, cur
 ita faceret respondit: cum illo fisco vel curte illa in abba-
 tiola*



tiola vel ecclesia tam bonum vel meliorem vasallum, quam
 ille comes est, vel Episcopus, fidelem mihi acquiro, vel facio.
 Etsi autem probe scio, non durasse Caroli posteros, sed
 extintis iis resolutam ciuitatis compagem in varias par-
 tes dilapsam; tamen nostrum durauit imperium, stetit
 regnum, stetit sub Arnulpho filio Carolomanni naturali,
 stetit sub Conrado & Henrico Aucupe. Et finge con-
 tra veterum annales, contra antiquissima testimonia ac
 rationes denique euidentissimas, sub Conrado & Henri-
 co iniquissimam litem a parte Regum excitatam; fin-
 ge, in libertatem adsertos populos omnes, vtū elegerunt
 Regem, nec vlla ratione ipsius potestatem circumscripse-
 runt, quid nunc fiet de Ottonibus? Fac & finge ampli-
 us, eos in tyrannidem prolapsos, de illorum impotenti
 imperio cœlum terramque querimoniis reple, adde ex-
 clamationum insignem cumulum, interrogationum ma-
 gnam molem adiice, per seriem Imperatorum omnium
 lugubres sonos repepe, forte id tibi proderit nequicquam.
 Ita est, ita fuit: lex licet dura, ita tamen scripta. Hanc
 subiere omnes, volentes, inuiti, videntes, scientes, viui.
 Quidquid potestatis acceperunt, quidquid eminentioris
 iuris ratione terrarum, in eos collatum est, collatum est
 a Rege, vt pote nobilitatis ac potestatis summæ principio
 ac capite. Et hic vero conferre vix potuit commode,
 nisi maneret nexus, aut plures surgere is vellet ciuita-
 tes, plures Respublicas, imperia plura nullo sibi vin-
 cculo obstricta. Est hæc illustris Cocceii ratio admodum
 stringens adlata in *Iurisprudentia publica*, repetita in pe-
 culiari *dissertatione de præsumtione qualitatis feudalis*. Id
 nemo in dubium vocat, inueniri in Germania allodia
 permulta. Sunt, qui catalogos edidere sat grandes;
 possunt illi variis augeri exemplis, possunt quoque emen-
 dari, sed nos impræsentiarum adiicimus nil quidquam.

Res



Res nota est in vulgus: ac, qui diffiteatur, est forte nullus, aut si sit, credo, illum eo prolapsurum audaciæ, vt noctuas fuisse Athenis sit negaturus, atque in Tiberi pisces. Hoc disceptatur, an territorium cum superioritate præsumatur allodiale, an officium allodiale? At hic rogo te, ne mihi oggannias promiscue, rem naturaliter præsumi liberam, homines & ciues ordinarie non possidere feuda, sed allodia. Loquimur iam de muneribus ac territoriis regni, de iuribus imperii summi, non de stillicidiis, vel pecoris ad aquam appulsu. Ea vero ad regnum ordinarie pertinent, ad Regem, qui regno præest, & totum populum ciuitatemque legibus congruent gubernat. Ergo hoc casu regula tua locum fortietur nullum: vtut *Reinkingius* & doctorum vecors turba eam ingeminant, & priuata publicis, hæc ipsis indignissima confusione miscent. Caussam erroris doctissimus *Cocceius* detexit in dissertatione a nobis laudata cap. X. tit. III. n. 15. seq. Id permittam, allodia regni maiora possidentes dignationem Principum habuisse, ac Comitibus gressos æquales. Est nomen principis nomen ordinis. De munere sermo est, quod comitantur potestatis tituli, ac partes. Hæ partes vnde? A Rege? audio. εμέσως? largior interdum. εμέσως? consentio. Sine vinculo? intercedo. Liberrime? obloquor. Quis enim non obloquatur, munera non munera, officia non officia, comitatus non comitatus adseuerantibus? sed dantur tamen, inquis, Comitatus allodiales, quos possessores nemini ferunt acceptos, sed tenent liberrime, sed fruuntur sine onere soluti. Bene, aio, si teneant ita. At semper recurret quæstio, an ita habeant potestatem & iura? Mindelheimense castrum, & quod ad illud pertinet, terræ spatium, quod latine appellamus tractum, in patrimonio fuit, regalia a Rege; & ita in bonis ceteris, quæ co-

P

piose



piose ad hanc classem referuntur : nec est forte Principum , aut Comitum quisquam, qui talia a maioribus non sit natus prædia, castra, terras aut comparauerit ipse. De districtu, vt loquebantur mediæ æui scriptores, dubium semper remanet maximum. Ipse Fridericus Barbarossa hunc sollicite ab allodiis apud Radeuicum lib. II. cap. VII. separat : *Qui allodium suum vendiderit, districtum & iurisdictionem Imperatoris vendere non presumat, & si fecerit, non valeat.* Non est necesse, vt exponatur, quid sonet *districtus*, cum vox iurisdictionis satis arguat : quæ si non adesset, locum e diplomatice Ottonis II. producere, ybi circuitione eleganti id nominis describitur. Ex eo igitur factum , vt publicis litteris dicatur aliquando de allodio fieri hominum ; videlicet ratione *districtus*, seu summi, quod exercetur, iuris. Scio hæc nonnullis aliter intelligi, sed tat etiam cognosco, eos a veritate mille, & quod excedit , passibus abesse. Quod dissentientes maxime torquet, illud est, nullam in aliquibus terris cerni inuestituram, nullam ex consequenti feudi recognitionem, nullam terræ, vtpote quæ est allodialis , nullam iurium, quia nulli actus obseruantur inuestiturarum solennes. Et fateor, adferri comitatuum exempla, ybi nulla inuestitura necessaria, ac iura imperii adsunt vniuersa, quæ alias habent vasalli superioritate pollentes. Sed non erit non fatendum vicissim, raro eius generis occurrere terras, adeoque præsumptioni in ceteris fenestram aperiri nullam: deinde dubium manere , an, quæ dicuntur ab auctoribus, sint veritati conformia, & an, si deficiat inuestitura, statim oriatur allodium mere tale ? Saltem Itterus de Sainensibus terris plus nihil potuit adfirmare , quam se a viro fide digno accepisse, eos iuribus imperii suo vti arbitratu, nec ab Imperatore & ab imperio recognoscere. Ego vero ex actis deprehendi, Saynensem comitatum, qua comitatum, esse vtique feudum : vtut accesserunt terræ



terræ allodiales nobiles permultaæ. Inde vero nequam consequitur, vt iura maiestatis, quæ exercent in illis, nulli subiaceant nexui. Scimus, per auersionem sæpe regalia in prædiis ac terris omnibus permitti: et si sigillatim non nominantur. Ita quæcunque habent Wurtenbergici, Holsatiæ Duces, Orientalis Frisiæ Principes, Palatini, in vnum nouimus compacta corpus: quamvis nemo inficias eat ceteroquin, multa tali corpori inesse allodia, hoc est, terras salicas Baronibus, equitibus olim proprias: quod nuper Aurelianensis Princeps multis verbis magnoque conatu ad liquidum perduxit, Palatinis ipsis quadantenus non refragantibus. Ex quo merito infertur, territoria feudalia vel ad se trahere sæpe allodia, vel hæc a regalibus manere quandoque distincta, vel, quod nuper placuit Viro illustri, regalibus, nisi perspicue appareat contrarium, inumbrari allodia, aut saltem cum istis arctissime coniungi. Quod autem inuestitura nonnunquam deficiat, quæ character videtur qualitatis feudalnis, nil probat aliud, quam necessitatem accipendi inuestitoram solenniter esse & dici sublatam. At tum disputabitur, an talis libertas contra imperium possit præscribi, vel, si præscribatur, an desinat res esse feudalnis. Postremum, ne quem in admirationem rapiat, aut nimis appareat παράδοξον, declarabo statim atque distinctius proponam. Neque vero quemquam censeo dubitatum, præscriptionem tacitam duntaxat iuris translationem arguere. Quamobrem hoc casu is, qui antehac solenniter est inuestitus, & longissimo tempore amplius inuestitoram non renouauit, fortassis tacite iudicabitur inuestitus, hoc est, talem censebitur libertatem præscriptissimæ, vt non sit necesse repetere ac renouare singulis actibus, quæ olim desiderabatur, inuestitoram. Concedam etiam, liberari talem vasallum a seruitiis feudalibus



aliisque operis præstandis, liberari item fidelitate speciali: vt vero plane liber fiat, nec amplius dependeat a Rege & imperio, repugnat: cum maneat imperii membrum, nec peculiarem constituat Rempublicam. Ostendam id Brabantiae Ducatus exemplo. Hic sine dubio fuit feudum imperii: loquuntur hoc litteræ, testantur actus inuestituræ, ac nemo est, qui obloquatur. Iam quære, an, si patiatur Germania, Brabantia sit allodium? Diu est, cum inuestitura expressa cessat. Qui negat allodium qualitatem nobiscum consentit: qui affirmat, vrgeatur ulterius, an illa dependeat ab imperatore & imperio? Si fateatur, habemus iterum, quod animo intendimus. Si contradicat, habebimus peculiarem Rempublicam, de qua nunc frustra disceptatur, sitne imperii feudum, an allodium? Itaque, qui cum omni suprematu præscribi posse ducatum, aut comitatum tuentur, bene caueant oportet, ne distinguenda misceant. Evidem non detrebam, posse quem ab imperii corpore separari, atque in libertatem sese adserere: negabo autem constantissime, membrum imperii reddi non dependens: et si expresse non amplius in possessione illius potestatis solenni ritu confirmetur. Vnde cum grano salis legendi sunt, qui præscribi posse potentatum defendunt. Fac enim tantisper, valere præscriptionem; tamen, vt dixi, nihil censeri potest præscriptum, quam libertas ab obligatione accipiendi inuestituram solenniter: siquidem tota terra non creditur mutata in rempublicam nemini villa ratione subiectam. Non recordor cuiquam hanc coniecturam in mente venisse, sed est tamen illa rationi & iuris feudalis Germanici principiis quadantenus conformis; eo que non negligenda prorsus, nisi quidem repugnantia loqui malimus, quam ad hanc descendere distinctionem inuestituram inter expressam & tacitam. Generalia autem ita

con-



connecterem: Inuestitura est vel expressa, vel tacita. Expressa vel realis, vel verbalis, vel symbolica. Tacita, quæ ex patientia colligitur, & vbi nec realis inductio, nec verba, nec symbola internenunt. Quod si dicas, potius hic nullam offendit inuestituram, non clarissimam, seu expressam, quod fatemur, non etiam tacitam, quia factum deficit, ex quo coniicendo colligatur; tum regererem, non factum hic æquiparari facto, vti in aliis exemplis. Patitur Rex, vt teneat possessor principatum, aut comitatum. & iura imperii comparate summa: & hic vero se imperii membrum profitetur, nec rationes sibi suas habere seorsum satagit. Romano more loquentes curramus scilicet, vt qui symbolicam traditionem referunt ad fictam. Sat est, clarissime apparere, quid fiat eueniatusque. Ceterum monendus mihi est Lector, ne statim eiusmodi libertatem credat præscriptam, vbi inuestituræ petitionem omittunt ducatum ac comitatum possessores. Notum est, quid senserint status imperii, quando Maximilianum I. Philippum Mariæ Burgundicæ filium, Carolum V. Philippum II. saepe saepius compellarunt, vt officii sui memores terrarum Belgicarum intuitu sese vasallos imperii profiterentur. At qui vero libertatem ab hac obligatione omnimodam adepti sunt, aut sese adeptos crediderunt, ii, fateor, aliquando titulo *feudorum solis* novo sunt delectati. Nam cum amplius ab Imperatore se non inuestiri scirent, & tamen territoria sua sita in imperii finibus ac modo succedendi in feudis recepto transferri cognoscerent, nouum excogitarunt commentum, nec ab homine, aut Rege, sed sole se tenere adfirmarunt. Vnde recte, meo iudicio, solis feuda non mera esse allodia monuit illustris *Cocceius*: quamuis ad ea proxime accedant; vnde facilis ad confusionem descensus, facilis ad errorem prolapsio. Quæ cum ita sint, merito repetimus,



mus, rarissime tale quid contingere. Quæ autem rarissime fiunt, nonnisi ab ineptissimis præsumuntur semper, aut saltem vt plurimum. Vnum, quod ambigua reddere dicta possit, illud est: iuinito non obtrudi beneficium, & hoc nos facere, quando de inuestitura tacita tot verbis loquimur, quam libertatem adfectantes respuunt, nec Cæsar's beneficium aut expressum aut tacitum agnoscant. Sed nos vero cautius loqui, quam hos arbitramur. Nam si nihil cum imperio Germaniæ commercii volunt habere, desistemus quoque quærere, num illorum terræ allodia sint, aut feuda, ac disputabimus duntaxat, quo iure ab alienari ab imperii Germanici corpore potuerint. At cum posterius non abnuant, sed iungi Germanis cupiant, vinculum, quæso, indicent aliud, & vietas nos daturos manus pollicemur. Quod quamdiu non præstant, ænigmata pronuntiabunt, quæ nec nos intelligimus, nec ipsimet forte intelligent vñquam.

§. XLIII.

Enim vero in hoc argumentantur rectius, feuda vexilli continere dignitatem regalem. At num, præter vexilliferos, nemo illa dignitate fulgeat, disceptari video. Existimat *D. Hertius* differtat. de superioritate territoriali §. 85. eum loquendi modum e Longobardia in Germaniam penetrasse, nec nostris conuenire rebus, doctoresque non nisi peregrina iactantes hanc formulam in loculos retulisse suos. Eadem post *Hertium* repetit *Iterus* de F. I. p. 98. seq. multisque verbis eandem impugnat doctrinam. Et non autem nego, habere illorum argumenta aliquid speciosi; cum præter Duces, Marchiones Comites in Italia nemo fuerit a Rege inuestitus, adeoque auctoritate & potestate regia cumulatus. Sed conciliari facile dissentientibus poterit *Hertius*, & in concordiam redigi cum ceteris *Iterus*. Est enim indubitatum



tum prorsus , nec olim in Germania, præter Principes ac Comites, bannoque pollentes regali in possessionem iuris sane eminentis a Rege fuisse traductos. Quod nunc ciuitatibus imperialibus non amplius per comites, scul-
tetos, burggrauios ius dicatur, quod etiam nobiles imperii tali potestate ornentur, aliunde est, & primis imperii rationibus difforme. Vnde vasallis solum maiori-
bus potestate & regio imperio præditis regalem putem di-
gnitatem antiquitus tributam. Ac nescio, annon eo perti-
neat, quod in I. F. Saxonico legitur art. XXI. Es erhöhet
nichts des Mannes Schild / noch seinen Adel / dann all-
ein Fahnen Lehns / ob ihn das gelichen wird. Nam etsi
aliqui mordicus defendunt, non adhærere dignitatem
largitioni ducatus, marchionatus, comitatus ; sed nobi-
litatis altioris *διάγμα* peculiari Regis indulgentiæ merito
adtribui ; non inuenietur tamen in veterum forte anna-
libus exemplum, vbi muneri regali sit detractus eius ge-
neris titulus. Immo obseruatur potius, eos, qui semel
tali officio ac terris eidem cohærentibus sunt ditati, ser-
uasse elogium : quamlibet amiserint feuda. Saltem id
exemplis Limburgensis ac Zæringensis Ducum proba-
tur, quæ alio loco adduximus. Nec dixeris, inde ma-
gis elucere, eos ratione personæ suæ ad id fastigii
euectos. Est enim hoc vtique verum ; quia, dum acce-
perunt feudum vexilli, etiam maiorem dignitatis gra-
dum sunt adepti : litteras autem in hanc rem peculiares
veteri forte æuo vix inuenies. Quod in transuersum egit
quofdam, hoc est. Legerunt non statim fieri nobilem,
qui acquirit feudum nobile ; ergo non statim dignitate
pollere, concluserunt, regali, qui habet Ducatum : quasi
cerdones emere vel acquirere possint ducatum, vel co-
mitatum, vt acquirunt saepè saepius prædium equestre. Feu-
dum vexilli duo complectitur terram, & officium. Hoc
re-



regalem dignitatem omnino continet : quo dato non tam dabatur nobilitas, quam augebatur. Quis enim in plebeium hominem conferat eius amplitudinis munus ? Quare fixum manet, eminentem eo indicari dignitatem, hancque ex collatione & facto Regis tradentis tam clare elucere, quam e verbis atque litteris. Nunc vero vbi turbata omnia, vbi ciuitates sublime ius territorii adeptae, vbi aliquibus equitibus nihil fere ad summum imperium deest, in suspicionem & dubium adducti sunt auctores, conueniatne his quoque tantæ dignitatis apex, tantæ auctoritatis prærogatiua. Et creditit *Hertius*, adsensit *Itterus*. Nos non dissentimus; dummodo olim obtinuisse teneant diuersum, nec solis Longobardis eius generis stilum adsignent ac morem, quasi hi tantum summis regni officialibus regalem dignitatem tribuissent. Etiam apud Germnnos hæc ratio loquendi inualuit. Quod autem a nonnullis adfertur, non affectaturas tam ciuitates titulum, aut dignitatem regalem, nihil est. Perinde enim eadem dici de comitibus ac baronibus possent. Regalis dignitas hic significat potestatem a Rege permisam, potestatem eminentem, potestatem cum iurisdictione summam, quæ sane regii imperii indubitatus character. Eam autem soli milites habuere maiores, viri in ciuitate clarissimi, magnates. Nunc vti ciuici ordinis homines cingulo militari sunt donati, ac milites audiunt; ita vix repugnat, cum aliis, quam summis imperii administris, id etiam communicari nominis: saluis ceteroquin cuiuscunque iuribus, prærogatiis, ac beneficiis personibus.

§. XLIV.

Vnum corollarii loco considerandum, an, si vellet Cæsar, vt feudorum suorum renouationem per se, non alium peterent, in uestituramque reciperent imperii proceres,



ceres, hi obligarentur sese sistere coram? Et putat *Iterus de F. I.* locis allegatis, ea potissimum ratione commotus, quod non sit ingenui patriæ ciuiis absque iusta cauſa obniti: nec esse, quod quis acceptet opima, & ingrato postmodum animo dedignetur agnoscere, a quo sit datus. Valde enim vereor, vt is appellari possit ingratus, qui per interpositam personam legatumque omnia facit, quæ ab eius generis vasallo iure summo possunt exigi. Deinde magis adhuc ambiguum est, an Reges, qui libero principum arbitrio eliguntur, tantumque potestatis accipiunt, quantum illi volunt, disserere multa de diuiniis habeant, quibus nunc resurgent regni optimates. Potius hi ad obseruantiam prouocabunt, Cæsareaque monebunt, vt verbis officiosis, more maiorum, contentus sibi per interpositum mandatarium confirmet, quod hereditario iure tenent, nec copiam cogitandi faciat, ad altiora eum adspirare, ac plus sibi, quam antecessores, tribuere. Sat est, si legatum solenni mandato instructum mittant, qui petat, qui etiam accipiat inuestituram: hoc enim recte vrget Imperator, hoc Ferdinandus III. fecit, hoc Leopoldus repetiit, referente laudato *Schwedero Differt. de clausul. inuest. feud. thes. XV.* ne sine vllis solennibus fere tale negotium transfigatur, nec dominus supremus alios, quam ministros suos, oculis usurpet: quanquam, nonnullorum Principum iussu, agentes ſæpe feudorum inuestituram expetunt, quam post statu ritu accipiunt ablegati, vti diserte tradit *Vffenbachius* in appendice ad tractatum de *Iudicio Aulico*. Augustius si quid postulare non desisteret Imperator, nullum mihi dubium hæret, quin non tantum non sint facturi status, quod præter spem & exspectationem petit; verum etiam in capitulatione aliquando modum sint determinaturi Electores principes. Et inde vero credo

Q

ap.



apparere, quid de opinione *Iteri* aliorumque, qui eius
decreta tuerintur, sit sentiendum, nempe, posse hodiernum so-
lennem per vexilla inaugrandi ritum in usum reuocari;
dependere id, quidquid est, a Cæsarum arbitrio. Hoc
non dispuo, liberum esse Cæsari, si quem nouo benefi-
cio indulgenter donet, præscribere quoque accipiendo le-
gem conditionemque. Ita princeps Lamberti in pro-
pinqua parte singulari gratiæ putauit, quando ad nouam
dignitatem eucto inuestissimus Imperator Iosephus ne-
cessitatem comparendi coram & per se remisit, & præterea
Baronem Isenburgum cum Heunischio ac Schletheimio
admisit, ut in genua procumbentes capulum feudalis ensis,
Domini loco, exoscularentur. At prorsus nego, licere nunc
Imperatori, inuitis Principibus, qui a maioribus suis he-
reditario iure lege firmato territoria consequuntur, diem
dicere, ut sub dio iterum inuestiantur vexillis. Si con-
sentient, salua res est. At loquuntur quidam auctores ea
ratione, ut arbitrio Imperatoris penitus tribuant, velutne
hunc modum introducere de nouo, an seruare receptum?
Scimus, quid Rudolphi Habsburgici contigerit ætate, qui
Aquisgrani statim post inaugurationem quosdam princi-
pum initiare & inuestire sacra cruce voluit. Obiecerunt
Episcopi, sceptrum non esse ad manus: multisque argu-
mentis & suasionibus opus fuit, donec in sententiam Im-
peratoris irent, & ab more recepto quadantenus resili-
rent. At nunc vero, ubi personalis præsentia est remissa,
neque haec, repugnantibus summis imperii proceribus, in
usum reuocari potest, non video, qua ratione alterum onus,
nempe inuestitura sub dio pro imperio imponi summis
iterum regni vasallis queat? Vestitura vexilli vero præ-
sentiam vasallorum ponit: nec enim memini legatos ab-
sentium tanta vixquam pompa esse dignitati suæ inaugura-
tors. Vnde haud temere conieci, gladii symbolum in ualui-
fe,



se, cum non amplius per se, sed mandatarios comparent vasalli. Non puto, me declinaturum a scopo, si dicam, rem se habere perinde, atque apparituram in comitiis. Sicut enim cogi hodie non possunt imperii status, ut ipsimet migrant ad locum imperialis conuentus, quia eorum libertati id relictum est: et si absentiam suam multis verbis iisque officiosis excusant, Cæsare præsentia sua comitia magnificentiora reddente, ita nullo amplius vinculo, obtenta libertate, constringi vasallos, ut ab Imperatore folio insidente sueta olim cærimonia accipient feuda sua: ut taceam absconum perquam videri, reuocare veteres in usum cærimonias, veteres iussionum ac citationum formulas, cum totius reipublicæ immutatio euenierit. Nouimus potius, ne *citandi* quidem vocabulum arrisisse imperii principibus: de quo consulendus est *Herdii*, seu *Heidenreichii* liber, quem *Grund-Feste des Reichs* præscripsit. Quomodo autem tota cærimonia hodie incipiat, finiaturque tum industrius *Hertius* *dissert.* de *Superioritate territoriali*, §. LXVII. perspicue expressit, cuius rectionem studio non repetimus, tum *Stryckius* nostras in *appendice ad Examen iuris feudalium*, *Itterus*, *Schweuderus*, *Meierus* aliique viri clarissimi copiose præstiterunt. Plura iam non suppeditamus: et si forte poteramus. Excreuit diatriba præter opinionem: aucta est variis obseruationibus, vti fit, quando res suscipitur cum cura, & mentis oculi ad varias relationes, ac, quæ inde proueniunt, nouas veritates conuertuntur. Igitur hic figimus pedem, promittimusque, ubi Deus largiatur vires, totius publici iuris *σύνημα*. Saltem iam calatum manu tenemus, ac primas lineas ducimus. Adspiret supremum Numen cœptis, efficiatque, ut ne a veritate declinemus usquam.

F I N I S.



EMENDANDA.

- pag. 2. l. 10. lege *Iugurtino*.
p. 2. l. 14. lege *cap. XIII*.
p. 21. l. 31. lege *a pro cum*.
p. 22. l. 31. lege *Bohemia*.
p. 39. l. 26. lege *iudicibus*.
p. 44. lege *Iuliacensis*.
p. 53. lege *emungerentur pro emungantur*.
p. 55. l. 23. lege *nomina aut tituli*.
p. 71. l. 29. lege *nudo pro vdo*
p. 95. l. 9. lege *Cæsaris*
p. 104. lege *depromptis*.
p. 108. l. 2. lege *inglorii pro ingloriosi*.
p. 158. l. 7. lege *agnoscunt pro agnoscant*.







S

154045

AB 154045

X2407318

XL 768 ta







B.I.G.

